

**NATIONAL ASSEMBLY OF
SEYCHELLES**

*Sitting of Friday 3rd December
2021*

The Assembly met at 9am

National Anthem

Moment of reflection

Mr Speaker in the Chair

MR SPEAKER

Bonzour tou Manm Onorab. Bonzour nou staff ki dan Lasanble. Nou piblik ki swiv nou, oditer, telespektater. Mersi pou zwenn nou ankor enn fwa pou en lazournen. Lo komemorasyon Lazournen Enternasyonal pou Dimoun Ki Viv Avek Dezabilite, Onorab Naddy Zialor in fer pou fer en mesaz lo lapar Lasanble. Onorab Zialor mon a donn ou laparol.

HON NADDY ZIALOR

Mersi Mr Speaker. Mr Speaker Manm Lasanble Nasyonal, lepep Seselwa ou ki pe viv avek en dezabilite, bonzour. En manman ler i an vwadfanmir, tou lekspektasyon se ki son zanfan pe al ne an bonn sante, fizik e mantal. Me lemonn sa paran i sanze e parfwa

boulverse, letan i aprann ki son zanfan in ne avek en dezabilite ouswa an grandisan dekouver ki son zanfan i annan en dezabilite vizib, parfwa envizib.

En adilt, en zenn, menm en adolesan ki'n viv son lavi normal, me tou den kou i vwar li dan en sityasyon kot son lavi i pran en lot dimansyon, swivan en aksidan ouswa en maladi i leve en novo zour e vwar li avek en dezabilite.

Mr Speaker ozordi li, ou ek mwan nou pe viv avek sa dezabilite. Ratifikasyon e adaptasyon Konvansyon le 3 Desanm i zour ki nou menm nou ki pe viv avek en dezabilite i fer Sesel e lemonn rapel ki nou drwa i reste egal avek drwa lezot e ki Leta i annan en lobligasyon.

Me tre souvan nou ki pe viv avek sa dezabilite nou pa al pli lwen ki sa dezabilite li menm.

Ozordi mon mesaz i pa pou Leta. Me i pou nou, i pou ou e i pou mwan ki pe viv avek en dezabilite. Mon anvi profit sa lokazyon pou mwan dir avek ou regard ou abilite. Konvansyon pou bann dimoun ki pe viv avek dezabilite i nou Konvansyon. Sakenn nou i annan en potansyel imans ki nou bezwen devlope.

Me pou sa arive an premye lye nou bezwen aksepte ki nou

pe viv avek en dezabilite. E *empower* nou lekor pour ki nou fer fas avek sa lemonn otour nou, ki li menm i endikape.

Wi sa lemonn otour nou se zot e se li ki annan en dezabilite. Nou, nou otreman kapab. Regard sa fiy ki dan en *wheelchair*, i annan en abilite spesyal. Regard sa adolesan ki pa vvar kler, i doue. Regard sa garson ki sourd, i *gifted*. Nou bezwen vin devan e fer Sesel rapel ki nou pa bezwen ganny regarde avek pitye me plito avek legalite.

Annan en dezabilite enbleman kapab abilite spesyal ouswa otreman kapab, i pa en privilegez me i en stil lavi. Annou briz tou baryer.

Mr Speaker bomaten mon salye tou mon koleg ki pe viv avek en dezabilite. Me pli enportan mon salye pou sa bann ki pe viv en lavi enkliziv. Mon atrap lanmen sa enn ki santi li tousel.

Mon osi dir mersi bann paran ki dedye zot lavi e sakrifis pou lepanouisman zot zanfan. Bann diferan Lorganizasyon ki promouvwar drwa e byennet bann dimoun ki pe viv avek en dezabilite. E Gouvernman ki pe anmenn en novo *mindset* an se ki konsern enklizyon.

Moman in arive pou nou anmenn sa group dimoun lo en

lot letap zot developman. Pou terminen lo mon non personnel, permet mwan remersi ou Mr Speaker, Clerk e Deputy Clerk, tou staff Sekretarya Lasanble, *Leader of Government Business*, *Chief Whip* e tou koleg MNA espesyalman mon bann koleg dan *Caucus LDS*, pou zot premyerman aksepte mwan konman Naddy.

Me pli enportan pou Lasanble Nasyonal vin sa Lenstitisyon ki promouvwar enklisivite. Mersi pou fer mwan *feel belong e at home*. Me sa i bezwen ganny epanouir dan tou kous nou kominote.

Me sa ki pli enportan permet mwan pou valoriz mon kontribisyon konman en Dirizan dan pran desizyon a nivo lezislatif Sesel.

Finalman mon swet tou dimoun ki pe viv avek en dezabilite ki otreman kapab, ki annan en abilite spesyal isi dan Sesel e atraver lemonn, en bonn zournen. *There shall be nothing about us without us*. Mersi.

(APPLAUSE)

MR SPEAKER

Mersi Onorab Zialor. Mon eksprim nou solidarite pou sa mesaz ki ou'n mete an faver dimoun ki otreman kapab. E

nou swete ki tou nou sosojeté i pran ou mesaz a ker. Mersi.

MINISTRY OF EDUCATION

MR SPEAKER

Nou a pas lo travay lo *Appropriation Bill 2021*. E mon a demann *Sergeant* pou pas dan Staz Komite. E Madanm rapporter pou apel nou delegasyon.

Bon mon dir bonzour e byenveni tou delegasyon. E nou konmans avek Dr Justin Valentin Minis pou Ledikasyon. E ansanm avek li *Dr Odile Decommarmond PS* pou *Education services*, Mr John Lesperance *PS* pou *Education Sector Development*. E osi akote Madanm Linda Monthy *Financial Comptroller* pou sa Minister.

Pou Minister Finans ozordi nou annan Ms Astride Tamatave son *Deputy Comptroller General*, Mr Jude Commettant *Director Public Investment and Asset Management*. Byenveni zot tou e mersi davans pou zot partisipasyon.

Nou pe pran Bidze Minister Ledikasyon ki dan liv i lo paz 294 ziska 310 pou en total 1bilyon 26milyon R171mil. Pou konmans nou

konsiderasyon sa Bidze, Minis a prezant son Bidze.

MINISTER JUSTIN VALENTIN

Mersi Mr Speaker. Bonzour Mr Speaker. Onorab Sef Lopozisyon dan Lasanble, tou lezot Onorab e travayer Lasanble, Manm piblik ki pe ekout nou, bonzour. Mr Speaker permet mwan mon konmans mon lentervansyon par mazin nou bann frer e ser ki pe viv ek en dezabilite.

Konman Minis Ledikasyon mon mazin spesyalman nou bann etidyan dan lekol eksepsyonnal, lekol sourd, e sant otizm. Mon rekonnet zot kapasite otreman kapab e fer ki Minister Ledikasyon i pouz son programm enklizyon, e fer zot osi akonplir zot bann rev depandan lo zot abilite.

Mon swet zot tou, tou bann dimoun dan Sesel ki pe viv avek en dezabilite, mon swet zot tou en bon lazournen.

Mr Speaker mon ti a kontan fer sa pti lentervansyon pou etablir konteks e platform pou diskrit Bidze Minister Ledikasyon. Sa alokasyon bidzeter pou Minister Ledikasyon pou sa de Departman prensipal i reflekte lo en kote lanbisyon ki sa Minister i annan, pou re dinamiz ledikasyon.

E lo sa lot kote i reflekte pridans Minister Finans pou nou fonksyon dan limitasyon nou mwayer finansyel nasyonal.

Donk nou alokasyon pou lannen 2022 I en sonm realis plito ki en sonm ideal. E i lo sa baz lo ki mon pou konsantre deba Minister Ledikasyon.

Mr Speaker lannen 2022 Minister Ledikasyon pou konsantre lo modernizasyon sistem ledikasyon;

Revwar stratezi pou amelyor konportman e performans lo tou nivo;

Anmenn plis aktivite ekstraskoler;

Kree konteks pou ansennyan amelyor zot laklas e angaz plis Lazans e sekter prive dan devlopman sekter ledikasyon.

Sa bann lobzektif ki mon fek nonmen i anliny avek nou plan. Donk Mr Speaker dan sa lespri realis e rezilyans, mon pe diriz nou bann zofisyen realizasyon en plan anbisye ki a lev laspirasyon, ki a fer ki laprantisaz i vo lapenn e fer sans.

Donk lannen 2022 litilizasyon nou resours pou baze lo de prensip;

Mantenir provizyon de baz e an menm tan konsantre lo serten eleman modernizasyon.

Mr Speaker en lot remark ki mon anvi fer, e la mon pe pran lesson lo sa legzersis Bidze 2021. Bokou Onorab i rode ki annan dan Bidze pou sa lekol dan son distrik. Mon anvi dir ek bann Onorab ki en sonm varye ant 50 a R150mil, i ganny *allocate* ek sak lenstitisyon skoler depandan lo son groser. Pou reparasyon e *maintenance*.

En lenstitisyon i kapab servi sa larzan pou reparasyon. E si zanmen sa reparasyon i paret tro gro ki sa sonm ki'n ganny *allocate*, la i kapab fer demann avek *headquarters*. E nou revwar ka par ka dan *Mid-year Review*.

An plis ki sa i annan en sonm omwen R6milyon dan vot santral, ki nou servi pou bann reparasyon pli kritik e pli imeda.

Donk Mr Speaker dan mon pwennvi, Bidze ki'n ganny *allocate* avek Minister Ledikasyon i realistikman reflekte nou plan pou 2022. Mersi Mr Speaker.

MR SPEAKER

Mersi Minis. Nou a pran kestyon bann Manm. E ozordi mon a konmans avek Onorab Mondon.

HON TERENCE MONDON

Mersi Mr Speaker. Bonzour Minis avek ou delegasyon. Mon premye kestyon i tous sa sonm 3milyon R912mil anba *internet* ki reprezent en gran logmantasyon, konpare avek 2021 ki ti R414mil. E eski sa provizyon 3milyon R912mil pou donn akse *internet* pou bann zanfan e ansennyan parey Minis ti prononse dan son diskour Bidze?

E si wi si ti kapab donn nou plis detay ki mannyer – ki kontribisyon bann lezot partner dan sa laranzman?

Mon dezyenm kestyon Mr Speaker lo *minor capital* kot i annan provizyon pou *furniture* avek *tools*. E pou 2022 i annan en sonm 2milyon 23mil pou *furniture*. E 2milyon 76mil pou bann zouti.

Mon anvi konnen eski sa provizyon i pou bann – akoz bann *furniture*, bann latab, bann keksoz ki zanfan i servi dan lekol e in ariv son staz ki bezwen ranplase?

Ouswa ki nivo ladan i bann *furniture* ki kase kekfwa i pa ankor ariv son *lifespan*? E mon anvi konnen konmsi ki mannyer sityasyon i ete dan bann lekol? E akoz nou bezwen met sa provizyon parey i ete? Mersi Mr Chairman.

MR SPEAKER

Mersi Onorab. Minis ou a diriz ou delegasyon silvouple?

MINISTER JUSTIN VALENTIN

Dakor. Mersi Mr Speaker e mersi Onorab pou ou kestyon. Mon pou reponn sa premye parti kestyon ki koz lo *internet*, e apre mon pou les *PS* elabor lo sityasyon *furniture* dan lekol.

Mr Speaker wi sa logmantasyon dan sonm pou *internet* i reflekte pa zis pete demann Minister Ledikasyon, me demann osi Lasanble pandan letan ki mon'n vini.

Mon'n koz bokou lo ki mannyer mon anvi bouz sirtou la dan sa peryod, nou ti'n koz bokou lo la. Sa peryod *Covid* kot ki mannyer nou bezwen *internet* e osi dan sa faz modernizasyon ki mannyer nou anvi anmenn laprantisaz dan en lot nivo. Tousala sa sonm pe pran kont tou sa bann sanzman.

E wi i annan bann *service providers* ki pe koz avek nou. E osi i annan bann lezot lakonpannyen etranze ki pe menm koz ek nou osi lo ki mannyer nou pou kapab fer sa demars, pou fer ki akse avek *internet* dan sa lespri modernizasyon i vin efektiv. Mersi Mr Speaker. E la mon ti a kontan petet pas laparol-

MR SPEAKER

Dr Decommarmond wi.

PS ODILE DECOMMARMOND

Mersi Mr Speaker. Mersi Onorab pou kestyon. Pou *furniture* wi sa i pou ranplas bann *furniture* dan lekol. Nou'n fer en *consumption analysis* e dapre analiz i pou kout nou anviron 9milyon pou ranplas tou nou bann *furniture* ki demann ranplase.

I annan en gro travay ki nou'n fer sa lannen kot i annan sa lo *furniture* pe vini. I pou arriv Sesel an Zanvye oubyen premye semenn Fevriye. E preznan sa larzan i pou fer larestan ki nou pa'n kapab aste sa lannen. Mersi.

MR SPEAKER

Mersi PS. Onorab Gabriel ou kestyon.

HON CONRAD GABRIEL

Mersi Mr Chair. Bonzour Minis ek ou delegasyon. Bonzour tou Manm Onorab. Bonzour tou dimoun Pointe Larue. Minis mon pe al direkteman kot lekol Pointe Larue si ou permet mwan. I presizeman lekol kot segonder. Mon'n fer en pti letour mon'n pas pase. Mon'n ganny en letan pas pas en kou, get gete.

E nou problem mazer i konsantre lo lenfrastriktir li menm. Sa lekol li menm. Son bann *furnitures* e nou bezwen *complete renovation* lekol Pointe Larue akoz i annan en pe letan in annan sityasyon linondasyon. Drenaz.

So si nou pe koz en landrwa *condusive* pou *learning* pou nou ed manrmay aprann nou bezwen son lanvironnman osi ideal, *adequate*. So mon'n aprann ou'n dir i annan apepre 50 to R150milyon sak lekol. 150mil. So mon panse ki kot lekol Pointe Larue nou pou bezwen en pe plis zefor.

Mon'n pas dan ou *P1 sub program 3, 'infrastructure development, maintenance and repairs of school'* i annan 6.7milyon. '*Non-financial assets, rehabilitation of schools*' ankor i annan 6.8milyon. E dan ou *P2, SP1 government building infrastructure* i annan apepre en R35milyon.

Mon ti a lans en pledwari Minis pou nou kapab set en larzan aside pou lekol Pointe Larue segonder, sirtou vi ki i pe pran manrmay sorti 4 distrik.

Premyerman nou le koz lo sa *technical block* kot manrmay i fer konstriksyon enzenyer, lagrikiltir, *social economics*. I en pti pe dan dezord Minis. Si nou le rezulta nou pou bezwen

at least pou sa lenfrastriktir en pti pe.

Mon ti a kontan petet anba ou *minor capitals* ou *acquisition of furniture* parey Minis in fini eksplike, 2milyon petet ti ava annan en pe larzan pou lekol Pointe Larue konman *furnitures*.

Nou annan en problem elektriske osi Minister. E osi nou problem toilet. So in annan en mazer – an dot mo nou annan en gro problem Pointe Larue. Mon ti ava kontan nou met lanfaz lo sa Bidze 2022 pou nou kapab amelyore en pe.

Mwan osi mon ti a kontan mon lekol i sorti parmi le meyer. E avek sa mon lans en pledwari Minis apre ki nou'n fini la petet set up en pti vizit, nou a vwar pou nou menm ki i *entails*. Akoz petet la nou pa pou kapab ganny sa *real picture*. So mon ti a kontan petet dir de mo lo la.

MR SPEAKER

Minis a reponn.

HON CONRAD GABRIEL

Thank you.

MR SPEAKER

Thank you. Minis ou repons please.

MINISTER JUSTIN VALENTIN

Mersi Mr Speaker. Mersi Onorab pou kestyon. Onorab lekol Pointe Larue i enn sa lekol ki nou okouran tou sa de keksoz ki ou'n dir. E nou'n fer provizyon dan nou plan pou sirtou sa blok teknikal ki ou'n koz lo la. Teknikal, *resource room*. E apre osi nou okouran sa problem elektrik ki ou'n koz lo la. E i dan nou plan pou rezourd sa bann problem. Mersi Mr Speaker.

MR SPEAKER

Mersi Minis. Onorab Naddy Zialor ou kestyon.

HON NADDY ZIALOR

Mersi Mr Chair. Bonzour Minis ek ou delegasyon. Mersi pou ou mesaz bomaten. Dan sa laliny mon ti a kontan felisit Minister Ledikasyon pou enkli lekol otizm avek lekol *Deaf, as part of inclusion* e *main streaming*.

Mon kestyon i al plizoumwen ver lekol *Exceptional school* an term resours pou lannen prosenn. Ki metafor zot pou servi si ou le pou;

1. Fer sir ki bann resours i ganny donnen adekwat. Pour ki laprantisaz i ganny eleve lo en lot nivo?

Epi mon pe mazin bann *support staff* pli spesifikman

bann *driver*. Nou'n ganny met a nou latansyon ki zot napa en pti *shelter* letan ki zot *either* pe espere pandan lazournen pou fer bann *shuttle*. So si i annan okenn provizyon dan Bidze pou fer en pti akomodasyon pou zot? Mersi Minis.

MR SPEAKER

Mersi Onorab. Minis ou adrese?

MINISTER JUSTIN VALENTIN

Mersi Onorab pou ou kestyon. Ankor enn fwa letan nou pe koz lo sa modernizasyon, lo re okip lekol nou pa pe kit okenn lekol an aryer. Tou lekol pe ganny gete dapre zot demann, zot mwayen. E osi sa keksoz ki annan pou fer – pou fer sa reparasyon ki annan pou fer kot zot. Ou pe koz osi lo en fasilite drayver, kot drayver. *And a sitting area and a toilet facility for drivers*, sa osi in pran an konsiderasyon dan Bidze 2022. Mersi Mr Speaker.

MR SPEAKER

Mersi Minis. Onorab Woodcock.

HON WAVEL WOODCOCK

Mersi Mr Speaker. Bonzour Minis ek ou lekip. Tou Manm ek tou dimoun a lekout. Minis mon premye kestyon i kot i

konsern programm 4 avek programm 5 dan Bidze. Pou *primary education* Bidze pou 2021 ti 206.7milyon. Me pou 2022 i en logmantasyon pou vin R244.5milyon. Pou segonder, *secondary education* in sorti 233.8milyon pou 2021 pou vin 280milyon pou 2022. Si Minis i kapab donn en pti pe detay lo sa de logmantasyon lo sa de programm?

Mon lot kestyon Minis i kot i konsern ti annan en plan avan ki ou vin Minis pou lekol Grand Anse Praslin primer; annefe kot sa *warehouse* STC i ete lakres ti sipoze ganny fer la li. Me apre akoz zot ti bezwen sorti kot legliz St Mathew kot lakres ti ete avan zot in – *instead of* bouz laba ti annan en *block* ki ti ganny fer kot primer ki lakres in bouz kot sa *block* kot Grand Anse Praslin primer.

Alor mon kestyon i eski zot *still* annan sa plan pou fer sa lakres kot sa warehouse I ete - STC i ete Grand Anse?

Finalman kot i konsern ou vizit ki ou ti fer resaman kot ti annan en plan pou ki – pou fer laklas pou *A level* lo Praslin. Petet Minis a kapab donn en pti lenformasyon lo sa? Mersi bokou.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker permet mwan rod 2 klarifikasyon avek mon bann lekip, pou mwan kapab donn en lenformasyon byen detaye. PS Decomarmond i pou reponn premye kestyon lo sa logmantasyon. E mon pou pran sa lot de kestyon lo lakres e *A level*.

MR SPEAKER

PS a kommanse wi.

PS ODILE DECOMMARMOND

Mersi Mr Speaker. Mersi Onorab. Pou sa de programm ki ou'n mansyonnen Onorab, sa *increase* i plizoumwen pou kouver bann depans elektrisite. I annan serten lekol dan sa bann kategori kot zot kou elektrisite in mont bokou, akoz bann novo lekipman ki'n mete. Alors se sa ki'n fer mont sa monte. Mersi.

MR SPEAKER

Minis?

MINISTER JUSTIN VALENTIN

An sa ki konsern lakres sa osi Mr Speaker i annan konversasyon ki pe ganny fer, diskisyon ki pe ganny fer pou

gete ki mannyer sa pou ganny fer.

E an sa ki konsern *A level* wi mon ankor annan sa lentere. E a ler aktyel la i annan omwen en kordinater ki nou'n *assign* li sa rol Praslin, pou li kommans fer bann *groundwork*. Pou nou gete ki mannyer nou kapab bouz devan avek sa proze.

Me i nou lentansyon pou nou fer ki omwen *A level* i kapab ganny fer Praslin. Mersi Mr Speaker.

MR SPEAKER

Mersi Minis. Wi vitman ek klarifikasyon silvouple.

HON WAVEL WOODCOCK

Apre Minis PS an vi ki ou'n dir poudir sa gran logmantasyon i akoz kou elektrisite in monte. *In fact* yer *Energy Commission* fek vin devan Lasanble Nasyonal, e i annan sa proze pou met *PV* lo bann *building* Gouvernman.

Eski zot in antre dan negosyasyon avek - *I do not know Energy Commission* pou gete si zot kapab met sa bann *PV* lo sa bann lekol? Apre lo lakres en pti pe plis detay Minis silvouple. Lakres Grand Anse Praslin lo sa size.

MR SPEAKER

Mersi Minis. Ou a donn en lendikasyon lo PVC.

MINISTER JUSTIN VALENTIN

Mersi Mr Speaker. Mersi Onorab. I annan en legzersis wi ki nou pe fer avek *PUC Lenerzi Commission*. I annan en group lekol ki'n ganny swazir pou nou zisteman fer sa prosedir, pou gete ki mannyer nou kapab fer en pe *saving lenerzi*, an servan PVC si posib. E byento mon konnen i annan omwen de lekol byento ki pou konmanse. Mon krwar mon'n *summarize*. Mersi Mr Speaker.

MR SPEAKER

Mersi Minis. Onorab Sophola ou kestyion.

HON NOLINE SOPHOLA

Mersi Mr Chair. Bonzour Minis ek ou delegasyon, tou Manm Onorab e tou dimoun a lekout. Minis serten ansennyan ki mon'n koz avek, i rekonnexion zefor ki pe ganny mete dan sistenm ledikasyon. Me mon annan de pwen.

Vi ki nonm zelev avek problemm laprantisaz pe ogmante dan serten lekol, e i annan zis en *special need teacher* dan sak lekol, i pa ase vreman si nou oule vwar progre.

Ki fason ki Minister pe mazinen pou adres sa size?

Anliny avek sa, nou annan osi en mank psikolog dan Minister Ledikasyon. E i annan lekol parey lekol La Digue pa ganny vizit ditou. E sa osi i en demann e ki fason ki ou pe mazinen adres sa?

E en pwen pertinan ki toultan i sorti, se ki deplasman bann ansennyan lo *Inner Islands* i annan ankor mon pou dir, i annan travay ki'n ganny fer. I annan seksyon ki pe fer tre byen.

Me selman i annan seksyon ki pa ankor pran sa travay o serye, se ki zot pe les bann *teachers* ler pou deplase deryer napa larzan pou peye. Oubyen asiz isi asiz laba. E I mank sa konsiltasyon.

E mwan ki mon pe demande Minis, la nou annan nouvo Bidze esey adres size. Pour ki i annan menm standar dan Minister Ledikasyon, dan seksyon, pou ki napa sa fristrasyon dan deplasman parmi bann ansennyan. Mersi.

MR SPEAKER

Mersi Onorab. Minis ou repons.

MINISTER JUSTIN VALENTIN

Mersi Mr Speaker. Mersi Onorab pou ou kestyion. Mr Speaker laprantisaz parey nou'n dir i en domenn priyorer

dan mon plan. Donk *special needs* osi i tonm ladan, akoz nou anvi ki tou zanfan i reisi dan son laprantisaz. E parey nou temm se ki fer ki laprantisaz i vo lapenn.

Alors dan bann lekol kot i annan sa mank, e mwan mon pou fer sir ki nou konble sa mank. Lo kote psikolog wi dan Minister Ledikasyon i mank psikolog. Me selman la sa ki enteresan i annan enn de psikolog ki pe retournen ki nou pe *absorb* zot. Nou'n fek pran enn e i annan ki pe retournen sorti zot letid.

Nou pou demann osi, mon pou demann osi sa seksyon ki aranz – fer sa bann laranzman pou psikolog vizit bann lekol, pou zot fer ki zot pa mank okenn lekol dan sa prosedir.

E la si i annan par egzanp si lekol La Digue pa'n ganny sa vizit mon vreman *apologise* lo sa kote. Me mon pou fer mon mye ki sa pa pou arriv ankor. Alors nou bezwen fer sir ki tou lekol i ganny kouver otan ki posib.

E an menm tan osi deplasman bann ansennyan mon pa krwar akoz sa i devret vin en problem. Sirtou si nou ki pe demann zot pe deplase pou vin bann aktivite Mahe. Zot bezwen ganny menm

latansyon, menm sans. E zot bezwen fer ki zot vwayaz pou vin Mahe i en vwayaz ki vreman efektiv. E ler zot vini zot osi zot konfortab dan sa prosedir.

E en keksoz ki nou'n sey fer kot no vvar poudir konmela ou konnen covid in donn nou sa fason fer ki enteresan, nou pe servi *virtual meeting* en kantite e sa pe osi anpes sa bann problemm arive letan sa bann dimoun i deplase. Mersi Mr Speaker.

MR SPEAKER

Mersi Minis. Onorab Roucou.

HON MICHEL ROUCOU

Mersi Mr Chair. Bonzour Minis bonzour PS, bonzour spesyal zabitan Mont Fleuri. Minis mon vreman apresye sa lantant ki nou de *headteacher* i annan avek Lotorite Distrik. Mon dir zot mersi espesyalman Sir Mark. Minis mwan mon kestyon se ki mon vvar poudir i annan 8milyon pou renovasyon lekol segonder. E si sa pou enkli sa laklas, sa *block* ki'n fer ek laso?

Apre annefe mon'n ganny enformen poudir se ki nou riske lannen prosenn nou riske annan en mankman dan *teacher* sirtou lo kote S4. Akoz si mon pa tronpe i annan *teacher* etranze ki zot kontra in

fini oubyen zot pe deplase pou al vakans.

Apre Minis si ou kapab koz en pti pe lo bann Lazans ki netway lekol, bann *agency*. Akoz mon konpran poudir se ki i annan en pti pe problemm lo kote *sanitise* bann lakas. Mersi.

MR SPEAKER

Mersi. Minis.

MINISTER JUSTIN VALENTIN

Mersi Mr Speaker. Mon pou remersi Onorab pou kestyon. mon pou alert Onorab Mr Speaker ki lo nou plan i annan lekol Mont Fleuri ki provizyon in ganny fer pou renovasyon lo en *T block*.

An se ki konsern sa mankman *teachers*, parey mon'n deza dir dan sa Lasanble nou pe ankouraz osi bann novo fason fer. Bann novo fason dan le sans ki nou pe demann lekol, pou gete ki mannyer zot kapab rezourd serten problemm mank *teachers* an servan zot lafors ki zot annan.

Me byensir kot napa sa kapasite *recruitment* i reste en lot opsyon. E la a ler aktyel dan Minister Ledikasyon nou pe travay lo *recruitment*. Nou pe gete ki mannyer nou pou bouz

devan dan sa prosedir *recruitment*.

Sirtou kot lekol i demontre ki zot pa pou kapab nenport ki fason kapab rezourd zot problemm mankman *teacher*. Akoz nou ki nou ti pe sey *advocate* ek bann lekol, pou pa limit zot lekor ant 8er 2er edmi. Sa i sa novo fason fer.

Sa modernizasyon ki mon osi anvi koz lo la ant 8er pou kwa pa konmans koz osi ant 2 er edmi a 4er edmi a 5er? I bann keksoz ki nou pe demann lekol dan osi sa lanbyans otonomi, pou zot konmans reflesir lo ki mannyer zot kapab rezourd sa bann problemm.

Mon pa kapab konpran akoz *agency* ki pe travay kot lekol, pou fer sir ki lekol i prop pa pe zwe zot rol. E nou pe demann bann lekol pou *take* bann *agencies to task*, si zot pa pe zwe zot rol byen.

Donk zot bezwen *abide* avek zot kontra. E zot osi zot bezwen sinal *Headquarters* kot i annan difikilte ki zot lo nivo lekol zot pa kapab rezourd. Mersi Mr Speaker.

MR SPEAKER

Mersi Minis. Onorab Uranie ou kestyon.

HON ROCKY URANIE

Mersi Mr Chair. Bonzour Minis ek ou delegasyon, tou koleg Onorab, tou zabitant Zil Pros a lekout. Minis mon kontan ou *opening speech* bomaten konsernan bann zanfan dezabilite, vi ki La Digue nou annan en pe sa bann ka dezabilite. Nou annan zanfan ki otizm dan lekol e kot paran i bezwen vwar zot pe desann Mahe 3 fwa dan en semenn pou anmenn zot zanfan kot Lekol Eksepsyonnell.

Pou kapab ganny en pe latansyon akoz dan Lekol La Digue li menm napa sa bann dimoun ki kapab siport sa bann zanfan. So fotespere ou vreman get lekol La Digue pre akoz nou lwen avek *main island*.

E ou met resours pou nou kapab fer nou bann zanfan profit *maximum* dan sistenm ledikasyon.

Minis mon pe get mon vwar lekol La Digue segonder i annan en sonm 31milyon ki'n ganny mete pou 2022. E mon vwar en sonm 71milyon *forecast* e 17milyon 2023/2024 respektivman. So eski la nou pe al vwar nouvo konstriksyon kot lekol La Digue? Mersi.

MR SPEAKER

Mersi. Minis.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Onorab wi mon kontan ou'n servi sa lekspresyon nou lwen, be selman mon anvi azoute nou lwen nou pre.

Mwan senserman mon pa anvi kit okenn lekol deryer. E sirtou kot i konsern nou pe koz dezabilite, si i annan bann keksoz ki nou devret fer nou pou fer. Nou pou bezwen fer, akoz i enportan ki nou revwar e tou bann dimoun otour mwan in tann mwan koz lo la.

Nou bezwen revwar la fason ki nou get dezabilite enklizyon dan bann lekol. E zot pou'n osi tande ki dan Bidze an gro Minis Finans ti koz lo omwen enn ou de lekol, nou konmans prepar li pou kapab met plis, enkorpor plis bann etidyan ki annan – ki otreman kapab dan sa bann lekol.

Ou anvi ki bann etidyan avek dezabilite i *shine* zot osi. E i annan sa posibilite. E mwan mon ti a kontan vwar sa plis arive e nou pou pouse pou fer ki sa i arive.

An se ki konsern konstriksyon lekol La Digue, wi i annan serten provizyon ki'n ganny fer dan Bidze pou sa arive. E kot petet nou pa pou kapab plito rekonstri li net, i annan bann serten renovasyon mazer ki nou pou bezwen fer lo

lekol La Digue. Mersi Mr Speaker.

MR SPEAKER

Mersi Minis. Onorab Bistoquet.

HON ROSIE BSTOQUET

Mersi Mr Chair. Bonzour Mr Chair. Bonzour Minis ek tou delegasyon. Bonzour tou Onorab. Minis mon apresye zefor ki ou Minister pe fer avek ou tim, pou fer sir ki nou bann zanfan i ganny ledikasyon pa zis de baz me selman segonder ek tersyer osi.

Minis mon annan en si nou get lo *P2, institutional support SP1* kot i koz lo *student's allowance* mon'n ganny en – annefe mon pe koz avek bann paran ki zot pe dir – sirtou bann ki tonm *overseas*, mon pa konnen si pou tonm dan sa domenn la. Ouswa si pou vin pli tar.

Bann etidyan pe ganny R5mil 800 Sessel. Ler zot fer tou zot *breakdown* zot in pey tou sa ki zot annan pou peye i ariv zot 7mil 500. Nou pe regarde si petet pou annan okenn *increment* dan le fitir pou bann etidyan ki pe a liniversite. Sirtou zot in koz lo *Maurice*.

Apre i annan anba *school meal* mon vvar i annan en logmantasyon. Mon konnen petet lannen pase ti annan

COVID. E i annan en sityasyon kot i konsern *school nutrition policy* dan lekol sirtou kot i konsern *tuck shop owners* avek bann *take-aways* ki pe vin lo lanvironnman lekol.

Ki mon krwar petet sa petet atraver sa *Nutrition Policy* zot annan keksoz pou fer pou sa lannen. Sirtou pou adres sa de *issue healthy and non-healthy foods*. Mersi.

MR SPEAKER

Mersi Onorab. Minis ou annan laparol?

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker i vre sa premye kestyon si nou pe koz pou al *overseas*, i pou tonm letan *ANHRD* pou vini. E mon krwar taler nou pou zwenn zot alor nou kapab rezerv sa kestyon pou taler.

An se ki konsern *school meal policy* ou konnen ki mon anvi dir la Mr Speaker, nou pe koz lotonomi. E nou pe demann osi, ler nou pe koz lotonomi i annan serten keksoz ki lekol i bezwen konmans fer.

Lekol si i annan en Polisi pou li swiv e i vvar poudir lo sa *campus* i annan bann dimoun ki pe vini ki pa devret vini. Ouswa ki pe anmenn keksoz ki pa devret, lekol i annan en

kapasite anba Lalwa, pou zot kapab fer sa bann keksoz arete.

Donk nou pe demann la zot osi pou zot zwe sa rol. Sak lekol zwe zot rol pou zot fer ki sa konsep lotonomi i vin en realite. Akoz *otherwise* nou pou toulstan vwar sa lenterferans Minister Ledikasyon, *Headquarters*, ki mon krwar i pou defet sa lespri lotonomi ki nou pe anmennen.

Donk me nou *tient* kont ki wi i annan serten lekol ki bann vander ki pe vin lo lekol, ki pe anmenn keksoz pa neseserman *healthy*. Nou at *Headquarters* nou fer nou bout me nou pe demann lekol osi pou zot alert nou, pou nou konnen pou nou kapab pran bann mezir ki neseser. Mersi Mr Speaker.

MR SPEAKER

Mersi Minis. Onorab Cosgrow ou kestyon.

HON WALLACE COSGROW

Mersi Mr Chairman. Bonzour Mr Chairman. Bonzour Minis avek ou delegasyon. Bonzour tou Onorab, bonzour tou manm piblik. Mr Chairman mon premye kestyon pou Minis, i an relasyon avek en komitman Prezidansyel, ki ti ganny fer konsernan *the School of Excellence*.

Eski Minis i kapab dir avek nou Lasanble, avek pep

Seselwa si i annan provizyon dan Bidze 2022 pou *the School of Excellence*, ki ti en komitman ki'n ganny fer par Prezidan Larepublik? Si wi kote bann staff ki pou zer sa lekol, kot e bann staf minister pou baze? E ki provizyon bidzeter, konbyen i pou koute?

Dezyenm kestyon Mr Speaker, i annan pou fer avek *the cost*, ki kou Minis i anvizaze – i pou kout Minister Ledikasyon ouswa pei, Gouvernman pou redwir *the teacher to student ratio* dan sekter primer?

Eski zot pe anvizaze fer sa? E ki kou zot krwar sa pou anmennen pou Minister Ledikasyon, pou pei e petet pou bann zanfan zot menm? Mersi Mr Speaker.

MR SPEAKER

Mersi. Minis a reponn *please*.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Onorab i vre lekol *Excellence* i ankor lo nou plan e i ankor en volonte Prezidan Larepublik, pou vwar ki sa lekol i materyalize.

Minister Ledikasyon nou'n fek fini en *feasibility study* ki de semenn pase mon ti prezant sa *feasibility study* avek Prezidan

Larepublik. Ou ekspekte diskit sa *feasibility study* dan enn bann prosen *Cabinet*. E la nou ava get sa totalite, sa konsep ki nou anvi koz lo la.

An term ki kou pou redwir – mon pa krwar mon'n tro konpran ou dezyenm kestyon, me selman eski ou pe demande si nou pou redwir sa *ratio ouswa* ou pe koz kou an term larzan? *Please.*

MR SPEAKER

Wi Onorab Cosgrow klarifye sa vitman *please.*

HON WALLACE COSGROW

Wi annefe Minis tou lede, an term larzan e an term ki kou konmsi ki sa i anmennen pou bann zanfan? Pou ledikasyon li menm. Pou ledikasyon bann zanfan ki pou bezwen ganny *subjected to* en *lower teacher to student ratio.*

MR SPEAKER

Wi mon krwar Minis i kapab adrese wi.

MINISTER JUSTIN VALENTIN

Mersi Onorab mon'n konpran ou kestyon. I swetab ki i annan mwens etidyan pou en ansennyan par en ansennyan. Sa i swetab e i dezirab dan ledikasyon. E sertennman sis a i arrive i pou annan en

amelyorasyon *significant* dan performans. E nou'n konmans vwar serten keksoz la sirtou dan letan covid kot la kantite etidyan ki lo *campus* i diminyen. E bann ansennyan zot menm zot pe dir nou ki zot ganny plis letan pou partaz avek bann etidyan. E zot menm zot, zot pe kontan sa kalite *mode.*

Me selman sa *mode* li men mi pa neseserman soutenab akoz letan ou fer sa nou pe osi afekte lezot sekter dan lasosyete.

Me parey mon dir ou i ti ava dezirab vwar ki la kantite etidyan par ansennyan i redwir. E sanmenm sa ki parey dan lekol – dan bann lekol en pe pli ba dan laklas – en pe pli ba; par egzanp primer P1, P2, P3 i annan en *teacher assistant* osi ki la pou ede anmenn sa rediksyon ki nou pe rode. Me tousala osi i depan lo zenn ansennyan.

E la mon pe fer lapel petet pou bann zenn zenn ansennyan akoz zot osi bann zenn zot pou paran. Zot pou annan zanfan ki pou lekol en zour. Alors kontribye zwenn sa profesyon pou nou kapab anmenn sa rediksyon, aranz sa *ratio* parey ou, ou pe koze.

E an se ki konsern larzan si nou nou pou fer

matematikman, si nou pou redwir sa *ratio* la ozordi, i vedir nou pou met plis ansennyan dan lekol. E sa i pou bezwen plis larzan, plis resours osi e osi plis laklas. Petet a sa moman la nou pa'n fer sa provizyon la dan Bidze pou nou koz lo la pou nou fer sa.

Nou pa pare pou nou fer sa la. Me selman parey mon pe dir i dezirab. E ankor si nou re sorti dan sa *frame mind*, sa lespri 8er - 2er edmi nou konmans nou, koz nou re aranz peryod lesion, nou pou kapab fer en kantite. Me selman nou bezwen sansibiliz dimoun, sansibiliz pa neseserman zis ansennyan. Sansibiliz lasosyete Sesel, pou nou kapab konpran poudir nou en pti pei, nou bezwen serten keksoz spesifik pou Pti Leta Zil. Mersi Mr Speaker.

MR SPEAKER

Mersi Minis. Nou'n al ase long lo sa size Onorab. Ale vitman.

HON WALLACE COSGROW

Mersi Mr Chair pou donn mwan en pti klarifikasyon. Akoz mon'n demann sa dezyenm kestyon, se akoz ler mon pe get dan *budget planning*, mon pa pe vwar *significant amount* of resours, ki pou anmenn nou dan sa direksyon.

Konmsi i annan en kantite bann keksoz ki ganny dir *but when you look at the budget planning in terms of larzan*, ou pa vwar kote sa bann depans pou vini an term laklas an term -

Konmsi mon pa pe vwar, so mon pa pe konpran sa bann *statement* ki ganny fer avek larzan ki ganny met par deryer. Mersi.

MR SPEAKER

Mersi. Eski Minis ti a kontan konfirmen poudir i pa dan Bidze pou le moman?

MINISTER JUSTIN VALENTIN

Wi i pa dan Bidze pou le moman. E Mr Speaker dan mon adres o komansman mon ti koz lo realis *versus* ideal. Mersi Mr Speaker.

MR SPEAKER

Mersi. Onorab Adelaide. Ou kestyon.

HON FRANCOIS ADELAIDE

Mersi Mr Chair. Bonzour Mr Chair. Bonzour Minis avek ou delegasyon. Tou Manm Onorab e tou dimoun ki a lekout. Mr Chair permet mwan dabor pou felisit *Headteacher* Baie Lazare Ms Anielle Monthy avek son lekip *teachers*, paran avek

etidyan pou sa bon rezulta ki zot in fer tou dernyerman la 97 + nou pe gannyen.

Me solman malerezman nou pa'n ganny kouver bokou lo medya. Me solman mon swete ki Minister Ledikasyon in rekonnet sa bann zefor ki bann *teacher* Baie Lazare pe fer.

Zisteman ler mon lo la Mr Chair mon le demann avek Minis *in regards to* sa bann renovasyon ki sipoze arive lo nou lekol. Vi ki ti annan en pe karya mannyer i ete? E si nou pou ganny nou bann fasilite boner lannen prosenn?

E dezyenmman lo size lekol *SIAD* mon aprann poudir i annan en pe larzan. Petet Minis donn nou en pti detay lo ki zistans in arive. E menm petet dan *current receipt...* mon pa pe trouve en pti larzan lo kote *MOU* ki Minister Ledikasyon ti sinyen avek sa Lakonpannyen Sinwan obor lekol. Petet donn nou en pti detay lo la. Mersi.

MR SPEAKER

Mersi. Minis ou repons.

MINISTER JUSTIN VALENTIN

Mersi Mr Speaker. Mersi Onorab pou kestyon. Mon'n fer en konsiltasyon avek *PS* pou klarifye sa. I annan an se ki konsern lekol Baie Lazare pou bann renovasyon ki pe fer. I

annan dan programm dan nou plan, pou nou met serten resours pou rezourd en pes a bann *deal* ki annan kot lekol Baie Lazare. Lekol *SIAD* parey zot konnen la lekol *SIAD* an se moman la i kot lekol Grand Anse.

I annan konversasyon ki nou pe fer la a ler aktyel avek Minister Finans pou gete ki mannyer nou kapab tir zot kot lekol Grand Anse, e met zot kot sa sant resers Anse Boileau. Sa i annan konversasyon ki pe ganny fer la. Akoz nou anvi zot vin en pe pli pre avek lendistri. E an se ki konsern sa *MOU* ki ou pe koz avek sa group dimoun ki obor sa laferm, i annan osi en demars ki'n fini ganny fer pou nou kapab revwar sa *MOU*, e gete egzakteman kwa ki ti devret ganny fer pa'n ganny fer. Sa pe ganny fer a ler aktyel la. Mersi Mr Speaker.

MR SPEAKER

Mersi Minis. Onorab Vidot ou kestyon.

HON AUDREY VIDOT

Mersi Mr Chair. Bonzour Minis ek ou delegasyon tou Manm Onorab. En bonzour spesyal bann zabitan Roche Caiman, tou dimoun ki a lekout. Premyerman mon oule profite pou mon felisit tou mon bann

lekol ki baze dan distrik Roche Caiman, pou zot bon travay ki zot pe fer avek zot zelev. E mon swet zot kouraz pou 2022. Nou konnen i pa'n fasil dan sa letan *pandemic*. E nou konnen poudir zot kontinyelman angaze dan ledikasyon nou bann zanfan.

So nou annan bon relasyon travay avek bann lekol. So mwan mon kestyon i pou *straight* an term premyerman mon montre lapresyasyon ki dan programm 4, mon vwar poudir i annan komitman pou address bann saler, lo kote bann *teachers* ek *assistant teacher* kot *Exceptional School*. Mersi pou sa. Nou apresye ki demann in ganny onore.

Lo kote lekol primer Plaisance mon konnen ti annan en proze miray ki nou'n *hold* akoz ti annan sa bann *issue* an term sa bazar. Apre ti annan sa problem 3 *lane* ki pa ti ankor ganny komitman. Eski Minis i kapab dir nou si sa *Grant* sa finansman i ankor la pou finaliz sa proze miray? Oubyen si nou'n perdi sans ki prezan nou pou bezwen servi lo sa vot ki ou'n mansyonnen pli boner an term *maintenance*?

Apre mon dernyen nou konnen poudir i annan bokou zefor ki pe ganny mete, an term

Minister pou siport bann lekol ki annan bann *issues bullying*. E mon pe regarde prenon kont pou kontinyelman lans sa kanpanny pou dekouraz *bullying* dan lekol, si i annan okenn keksoz ki novo, ki Minister pe vin avek an term *management* pou kapab siport bann lekol pou adres sa *issue bullying* dan lekol? *Thank you*.

MR SPEAKER

Thank you Onorab. Minis ou repons.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Ou premye kestyon ki koz lo sa *Grant* wi sa *Grant* i ankor la. E lentansyon pou nou bar sa - kontiny sa *boundary wall* i osi ankor la.

Dezyenmman ou pe koz lo *bullying*. *Bullying* i en konsern dan lekol an zeneral. E mwan parey ler mon ti vin la nou ti koze dan nou plan *Ethos and Culture* i annan en group dimoun la ansanm avek tim ki get *student welfare*.

Nou pe travay lo amelyorasyon nou programm pou koz lo en *value based education*. Ki fer ki *bullying* osi pou ganny *capture* ladan. Pa zis *bullying*, nenport ki bann *behaviour anti-sosyal* i a ganny

kouver. Parski nou ti a kontan nou tou vwar ki nou zanfan i lekol dan en lanbyans enteresan. Zot kontan lekol e bann ansennyan osi zot kontan lekol e zot kontan zot profesyon. Mersi Mr Speaker.

MR SPEAKER

Thank you Minister. Onorab Naidu.

HON SATHIYA NAIDU

Bonzour Minis ek ou delegasyon. Bonzour tou koleg Onorab. Minis lo size lekol La Rosiere, i pa premye fwa ki pe ganny en kestyon lo la. Me selman sa fwa si nou vwar ankor enn fwa en sonm in ganny met akote. Apepre 35milyon *local financing*, mon le konnen si sa fwa si pandan sa 1an ki pe vini si keksoz pou bouze?

Lo size lekol Belonie mon vwar apepre 12milyon dan *PSIP*. Mon oule konnen si pandan sa 1an ki pe vini, si sa proze pou fini? Akoz parey ou konnen i annan en konstrekt enorm ki pe ganny enpoze lo bann lezot lekol. Tel ki Perseverance avek Mont Fleuri, kot nou bann manrmay pe ale. Alors bann ansennyan e menm paran zot en pe konsernen. Zot oule konnen kan eski sa i pou fini.

Lo size *curriculum review*, Minis Finans dan son diskour ti'n fer sorti ki pou annan en revizyon dan *curriculum*. Me selman mon vwar dan zot *current challenges* ki zot in fer resorti ki zot pe ganny en pe difikilte, an sa ki konsern mendev; lo travay ki pou ganny fe lo *competency based approach* in *curriculum development assessment and leadership*.

Anliny avek bann manda *bullet point 3*, zot in fer resorti ki zot oule angaz tou bann *stakeholders*. Ozordi mon santi nou konman bann Onorab nou enn ban pli gran *stakeholders*, pou kapab amelyor standar an sa ki konsern ledikasyon.

So mon swe se ki dan bann *school Councils*, nou konman bann Onorab nou ganny konsidere pou ganny en plas lo *school Council*. Pou nou kapab desarz en responsabilite ver nou bann lekol.

Lo *effective behavior management*, Onorab Noline Sophola- eskize Mr Speaker last point.

MR SPEAKER

Ale.

HON SATHYNA NAIDU

Annefe sa ti enn bann premye pwen ki mon ti oule fer resorti

depi bomaten. Lo size *effective behavior based management* ou'n fer resorti ki ou annan zis en psikolog. Mon kestyon se dan travay ki pe ganny fer konbyen psikolog ki pe ganny ankadre dan sa *effective behavior based management?*

Akoz dizon ou annan en laklas kot ou annan 25 manrmay ki pe ganny difikilte lir avek ekrir, i en konsern ase grav ozordi. *And there is a link* ki mwan personnelman mon santi avek *neurodevelopmental disorders* par lenstans e *DHD*.

Eski in annan okenn travay ki pe al ganny fer dan sa 1an ki pe vini, pou nou kapab etabli bann statistik pou dir konbyen manrmay ki annan bann *neurodevelopmental disorders?* E ki nou pou fer? Pa dan sa 1an 2an nou annan en manda 5an. So kwa ki nou pou fer ankor dan sa 4an ki reste pou nou kapab vreman adres sa *with a synergy of the relevant departments?* Mersi.

MR SPEAKER

Mersi Onorab. Minis ou annan laparol.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mr Speaker an se ki konsern lekol La Rosière, pou le moman i vre

i annan en kantite keksoz ki pa'n mars byen avek lekol La Rosière.

Erezman sa bann keksoz la finalman in ganny vwar, in ganny dekouver. La an se moman lekol La Rosière I dan en faz, mon pou servi sa mo *redesign*. E sa nouveau lenstitisyon, *agency* in aprezan *take over* sa travay lekol La Rosière.

Pou lekol Belonie ki pe konstrir dernyen lenformasyon ki nou annan la, se ki sa proze i ekspekte fini milye lannen prosenn. Konstriksyon i devret fini milye lannen prose. Ou'n koz lo *curriculum review* e ou'n koz osi lo lentansyon anmenn bann Manm Onorab lo *Council*. Sa i en keksoz ki nou ava diskite akoz la pou le moman mon napa en lopinyon lo la. Akoz nou pa ti'n zanmen pans dan sa direksyon.

An term psikolog nou annan plis ki en psikolog dan Minister Ledikasyon. Nou annan 5 psikolog dan Minister Ledikasyon e zot ganny pozisyonnen dan diferan rezyon. E apre osi dan bann lekol zot menm zot annan bann *counsellors* ki pa neseserman zwe rol ki psikolog i zwe.

Mon pa'n prepar mwan pou vin avek plan egzakteman

ki zot pe fer dan an term parey bann spesifik ki ou'n koz lo la. Me sa i osi en konversasyon ki nou kapab koz lo la a en moman.

Me selman sa ki mon kapab dir se ki bann psikolog dan Minister Ledikasyon, i ofe avek bann keksoz bann realite dan bann lekol. E zot pe fer zot mye pou zot kapab met tou bann keksoz anba kontrol. Mersi Mr Speaker.

MR SPEAKER

Mersi Minis. Onorab Lemiel.

HON SYLVIANNE LEMIEL

Mersi Mr Chair. Bonzour Minis avek delegasyon. Tou dimoun a lekolout. Minis enn ou bann *challenge* ki ou'n fer resorti, e ki mon ti a kontan konnen si petet ou pe mazinen Bidze 2022 petet i kapab adres menm si pa antye, petet serten morso ladan, i se ki lentegrasyon novo teknolozi dan sekter ledikasyon, pou ou kapab *meet demann* dan sa novo normal.

So mwan ki mon ti a konnen si Bidze 2022 i pe fer provizyon pou lentegrasyon novo teknolozi dan sa sekter? Apre dezyenmman mon apresye e vwar ki lakres Anse Royale pe al lo konpilsyon. I annan en pe lannen depi ler i pe ganny fer. E sa ki mon ti a kontan konnen

kan nou pe mazinen i pou ganny *handover* avek Minister Ledikasyon konplete e manrmay kapab konmans servi li? Sa i enn.

Dezyenmman mon ti a kontan konnen si ou Bidze 2022, an tan ki i en gran lakres e i premye modern dan Sesel mon krwar ki pe ganny fer. Eski ou Bidze li menm, i pe fer provizyon, akoz mon vvar en R15.2milyon anba *ECC procurement*.

Mon pa konnen si i annan – mon pe mazinen pou tou bann lekol ki annan *affair* avek *Petite Enfance*. Me lakres Anse Royale li menm, eski Bidze in ganny met akote pou fer sir ki i ganny *furbish*. Pou fer sir ki ler zanfan i antre pa mank nanryen?

Akoz mon konpran i annan serten bann novo konpartiman e eleman ki'n ganny mete dan sa lakres. Nuevo kalite lakkas, lakkas lanmizik *whatever*, eski Bidze pe fer provizyon pou *cater* pou tou bann fasilité ki dan sa lakres?

Mon apresye pou vvar ki mazorite lekol e menm Anse Royale mon vvar en pti *increase* dan zot Bidze. E petet sa i plizoumwen pou lo kote saler bann *teachers*. E pa gran gran konponan.

E lot *issue* i se ki lo kote *PE sections*. Mon ti pou kontan konnen eski akoz nou *still* vwar menm si zot dir i mete dan Bidze me *still* ou vwar bann *PE teachers* i *complain*. Ki konmkwa napa lekipman pou zot travay avek zanfan.

La wi nou dan en letan *COVID* me selman *still* toultan i annan en *complain* ki napa ni en boul foutbol, napa nanryen pou kapab fer etidyan fer serten sport kot lekol. Eski i annan provizyon ki'n ganny mete? E dernyerman Minis-

MR SPEAKER

Onorab ou'n ariv lo 4 pwen la.

HON SYLVANNE LEMIEL

Mr Speaker mon ti pou kontan re met sa pwen ek Minis lo kote larzan pou bann etidyan pos-segonder, pou zot osi an menm tan revwar avek Minister Finans dan bann diskisyon a lavenir ki pe vini, pou zot kapab *at least* gete ki mannyer zot kapab aranze, pour ki i soulaz en pti pe sa bann etidyan. Mersi.

MR SPEAKER

Mersi Minis. Fotespere ou'n sezi tou sa bann pwen. Minis ou repons.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Mon ava konmans avek ou dernyen pwen kot ou'n fer sa sizesyon kot nou revwar larzan pou bann etidyan pos-segonder.

Mon ava anmenn sa dan bann diskisyon kot bann Lotorite konsernen pou nou diskite e vwar.

Mr Speaker mon ti a kontan akoz an se konsern lakres – lentegrasyon teknolozi dan Bidze, mon ti a kontan PS Lesperance i koz lo la.

E lo kote lakres Anse Royale PS De Comarmond in swiv sa progre depi lo konmansman mon ti a kontan i elabor lo la. Mersi bokou.

MR SPEAKER

Mersi. PS Lesperance.

PS JOHN LESPERANCE

Mersi Mr Speaker, Onorab. Dan nou konteks modernizasyon ledikasyon an servan teknolozi nou'n vwar dan Bidze nou annan en logmantasyon R5.6milyon.

E sa i pou al spesifikman pou nou moderniz ledikasyon par *upgrading* nou fasilite *internet* e osi *Wi-Fi*. Lo nivo *headquarters* e menm lo lekol, nou vwar nou pou devlop serten platform, ki pou ankouraz ansennyen pou partisip dan en

fason pou zot kolabor dan kreasyon e devlopman bann konteni ledikasyon e resours, ki zot pou ganny fer avek kanmarad.

Nou pou vwar osi nou pe devlop bann platform kot nou pe ankouraz *virtual learning* e *online learning*. Sa i en aktivite ki nou'n konmanse. Me dan Bidze nou pe fer provizyon pou nou fer plis travay lannen prosenn.

E osi nou vwar modernizasyon dan konteks kot nou pou *improve* nou facilite kot nou anmas *data* dan ledikasyon ,sa ki nou apel en *MIS*. Nou'n fer provizyon pou nou annan en *comprehensive* en *MIS system*. E sa i a permet ledikasyon pou nou annan *data* relevan dan tou lekol. Sa i a ede pou amelyor laprantisaz.

E osi nou annan plan pou nou moderniz fason ki nou zer bann resours lo nivo *human resource*. Par devlop en *HRIS* pou nou sistem ledikasyon. E sa tousala i a permet nou pou nou *improve the way* ki nou regard ledikasyon an gro.

E sa i a permet nou *improve* laprantisaz e osi met a dispozisyon nou bann ansennyen resours modern, e osi bann konteni ki a permet zot partisip lo nivo nasyonal, e osi

internasional kot i konsern ledikasyon dan Sesel.

MR SPEAKER

Thank you PS. PS
Decomarmond lo lakres.

PS ODILE DECOMARMOND

Mersi Mr Speaker. Mersi Onorab. Lakres an prensip nou ti'n sipoze fini depi Septanm. Selman akoz retar ki nou'n gannyen avek serten materyo, nou pe mazinen pou annan en *completion date at least* lafen Zanvye.

E pour resours ii annan serten resours ki nou'n deza fini fer provizyon sa lannen. E i annan larestan ki pou gannyen lannen prosenn anba resours ki nou'n mete. Mersi.

MR SPEAKER

Mersi. Ok Onorab Lemiel ou bann pwen in ganny adrese.

MINISTER JUSTIN VALENTIN

E an se konsern *PE* dan lekol, lekipman in ganny aste akoz mwan osi mon – ou konnen mon anvi donn laspe pa zis akademik. Mon krwar dan ekstra *curricular activity* e dan mon lentrodiksyon mon'n dir osi ki nou pou konsantre for lo la.

Kot nou ava annan plis bann aktivite ekstra skoler. E

PE konman sa *time table lesson*. E osi bann spor o nivo lekol, sa osi mon krwar nou devret ganny promouvwar.

Donk *PE section* in ganny amelyore, dan le sans ki bann lekipman in ganny aste pou zot. Mersi Mr Speaker.

MR SPEAKER

Mersi Minis. Onorab Hoareau.

HON JOHN HOAREAU

Mersi Mr Chair. Bonzour Minis avek ou lekip. Mon oule felisit ou Minis dabor pou sa travay eksepsyonnelman byen ki ou pe fer, pou amelyor nou sistenm ledikasyon.

E mon kestyon i base lo programm 4 pou *primary education* anba ou *goods and services*.

Mon konnen i annan sa programm renesans *reading project* ki'n ganny pilot Bel Ombre, Galcis avek Au Cap. E mon le konnen s ii annan okenn evalyasyon ki'n ganny fer? E si sa pou ganny enkli dan tou lezot lekol? Akoz i annan en konponan bidzeter pou sa.

E sirtou i annan en konponan *foreign exchange* ki pou pey souskripsyon.

Dezyenm kestyon Minis mon ti a kontan si ou dir nou anba ou programm *SP3* avek anba *program 2* avek *SP3*

subprogram; TIVET education. Mon konnen ou annan sa lanvi pou vwar sa sekter devlope dan ledikasyon sirtou sa *hands-on approach learning*.

Mon ti le konnen si – ki'n arive avek sa proze lekol *TIVET* ki ti pou ganny fer Ile Soleil e eski i *on-hold?* Eski i pou kontinyen pli tar? Akoz mon pa vwar okenn konsiderasyon pou bann lannen ki pe vini.

Finalman Minis mon ti a kontan ou dir nou anba ou programm 7 mon krwar, wi pou *Policy Planning* avek – pou *Policy and Planning*. Eski zot pe eksplor oubyen ankouraz bann lekol, sirtou bann lekol *professional centres* pou zot eksplor en lot sours reveni, apard ki sa larzan ki zot gannyen kot Minister Ledikasyon?

An vi mon vwar par egzanp *Maritime School* i fer tre byen ler i lwe son *hostel*. An menm tan i annan *partnership* avek *SEYPEC*. Mon vwar Lakademi Tourizm i pe *run* son restoran. Me bann lezot *professional centres* mon pa vwar zot pe fer tro gran keksoz pou zot ed zot lekor lo kote Bidze. Mersi.

MR SPEAKER

Mersi Onorab. Minis ou repons.

MINISTER JUSTIN VALENTIN

Mersi Mr Speaker. Mersi Onorab pou ou kestyон e pou ou mo lankourazman lo komansman.

Mr Speaker renesans i en programm ki dan tou lekol. I dan tou lekol malgre i annan serten lekol ki ti pe eksperyans problem akoz *internet*. E la parey nou'n dir provizyon ki nou'n fer dan Bidze pou *internet* nou ekspekte sa problem I ganny rezourd, e ki bann etidyan i benefisyе avek sa proze renesans.

Akoz i en proze fantastik. E nou'n memm osi *extend* sa proze. Lekol *Independent* in demann nou pou zot osi anbark lo la e nou'n enkli zot dan sa programm renesans.

Alor i annan provizyon dan Bidze pou nou pey nou souskripsyon anyel. Lekol *TIVET* in pran – mon pou servi sa lekspresyon, in pran en lot tournir la, lefe ki nou'n vwar baze lo bann diferan devlopman ki pe arive lo Ile Soleil.

Ki pe arive la aktyelman dan Minister Ledikasyon avek sa tim *TIVET* dan nou konversasyon? Nou pe gete. Akoz nou pa pou kapab pou konstri en lekol i pou pran omwen en 2an.

Be nou, nou pe gete ki mannyer nou kapab;

1) Entegre sa tim *TIVET* dan bann Lenstitisyon osi ki egziste la. Alor la Mr Lesperance ki la si i ti ava anvi i ti ava azout en pe keksoz lo la. Akoz sa i son domenn osi.

Me nou anvi antre dan sa konversasyon avek bann *PCs* pou nou gete ki mannyer zot osi zot kapab pran par dan sa *TIVET Education*, pou fer ki nou pa depan lo sa lekol ler i pou konstrir, ler i pou vini. Dakor. So sa i dan nou plan.

E lo Polisi *Planning* ou'n koz lo *PC* eksplor en lot reveni. Mon rapel a en moman dan Lasanble mon'n deza dir sa, e bann *PCs* nou'n fer bann meeting avek zot. Bann *Board Members* avek bann *Directors* mon'n dir avek zot bezwen.

Zot bezwen eksplor en lot sours reveni. Mon'n demann zot si zot kapab gete ki mannyer zot kapab met en biznes dan zot lenstitisyon. Sa i en konversasyon ki nou'n koz lo la. E dan sa lespri lotonomi dirize pa *TGMI – I mean* Lenstiti Guy Morel, zot pe ed bann *PCs* pou fer sa tranzisyon osi.

Pou zot konpran zot osi ki bann lezot kalite biznes ki zot kapab anmenn dan zot fonksyon, san ki zot vin an konfli byensir avek zot manda

prensipal, e osi san ki zot vin an konfli avek Minister Finans.

Tousala byensir pou demann sa relasyon ant sa *partnership*, ant Minister Finans, sekter prive e zot menm zot bann PCs. Mersi Mr Speaker.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Chairman. Bonzour e bonzour tou dimoun ki a lekout. Bonzour Minis ek ou delegasyon. Mr Chairman lo mon par permet mwan osi pou swet tou dimoun ki pe viv avek dezabilite, bann dimoun ki okip zot ki travay avek zot en tre bon lazournen.

E mon swete ki konman en Nasyon nou kontinyen travay pou fer ki enklizyon i pa vin zis en lenspirasyon, me i vin en realite.

Mr Chairman mon kestyon pou Minis Ledikasyon i konm swivan;

Premyerman Minis eski ou kapab dir nou dan planifikasyon Bidze pou apepre R1.26milyon, konbyen i pou koute dan sa Bidze pou edik en zanfan lakres, en zanfan primer, en zanfan segonder e en zanfan pos segonder? Konbyen i pou koute?

Eski ou kapab dir nou prenon kont *in terms* modernizasyon ki'n ganny koz lo la, mon pa oule krwar ki modernizasyon pou kout zis R5milyon.

So konbyen egzakteman – ki mannyer ou'n met an plas ou stratezi kot ou'n kalkile e ou'n quantify konbyen sa programm modernizasyon, pou arive pou Minister Ledikasyon?

E dan sa loptik ou'n koz lo en *feasibility study* ki'n ganny fer. Lekel ki'n fer sa *feasibility study*? Konbyen in kou Minister Ledikasyon? E kote sa *feasibility study* i annan lentansyon plas sa Lekol Ekselans ki form parti sa programm modernizasyon pou lekol?

Mon dezyenm kestyon Mr Chairman i vin lo konpansasyon, *wages and salaries* pou bann *teachers*, mon ti a kontan demann Minis eski ou'n konmans okenn diskisyon avek Lotorite konsernen, pou vvar si modalite kalkil konpansasyon pou bann *teachers* - e la ki mon pe koze konpansasyon *by cadre*.

Ozordi i ganny *computed* pou travayer sekter piblik parey; eski ou'n konmans konversasyon avek Gouvernman, pou re vvar

kalkilasyon konpansasyon pou *continuous service* bann teachers ki ozordi i lo 5, 6, 1 days' wage. Oubyen si ou pran li parey kalkil i donnen i pran 5, 6 kalkil total lakantite lannen servis ki sa dimoun in donnen, diviz par la kantite erdtan ki in travay pandan en semen.

E prenon kont sa presyon ki bokou *teachers* i travay anba la e ki bokou zot i reste dan zot karyer pou bokou letan.

Nou pe koz 30an a 40an. E ou Minis ou en *former teacher* e ki nou'n deza koz lo la ler nou ti *teacher* nou tou lede, eski konman Minis ler ou'n arrive ou'n konmans sa diskisyon avek Gouvernman?

Dezyenmman an se ki konsern kalkilasyon pou gratwite. Ozordi anba TSS i ankor 10poursan of total emoluments for the 5 years. TSS mon krwar in fini ganny 5an la. Eskei konman Minis Ledikasyon e en *former teacher* ou'n konmans diskite ek Gouvernman, pou at least fer monte sa poursantaz 10poursan pou fer li vin 15poursan?

Ki ava fer ki ler en *teacher* in fini servi sa 5an akoz most *teacher* i servi plis ki 40an dan Ledikasyon, i a ganny en pe plis in terms of sa gratwite 5an ki i gannyen. Ki currently

10poursan total *emoluments*. Mon dernyen kestyon Mr Chairman i –

MR SPEAKER

I annan bokou kestyon Onorab.

HON SEBASTIEN PILLAY

Mon'n demann 3 kestyon Mr Chairman.

MR SPEAKER

Non in ariv 5. In ariv 5 mon krwar. Be annou pa diskite nou pou pran plis letan lo la. Demande Minis a sey –

HON SEBASTIEN PILLAY

Ok mon demande Mr Chairman mon large menm la. Ok. So eski i annan okenn *teachers* ki'n ganny peye *long service allowance*, ki'n ganny demande pou rann sa *long service allowance*?

MR SPEAKER

Mersi. Minis en bon pe sif en pe detaye. Me ou ava fer sa ki ou kapab avek. Please.

MINISTER JUSTIN VALENTIN

Mersi Mr Speaker. Mersi Onorab pou ou kestyon. Premyerman konbyen i koute pou edik en zanfan lakres, P1, P2 mon krwar FC i annan sa detay avek li. Pou nou donn ou

figure egzakt sa detay. I ava donn ou sa sif egzakt.

MR SPEAKER

FC si ou kapab prepare. Nou a pran en pti moman apre. Minis kontinyen avek lezot pou le moman.

MINISTER JUSTIN VALENTIN

Mr Speaker mon pou rod en dokiman la. Ok mon'n vwar sa dokiman. Modernizasyon. Bokou dimoun i konfize ek sa konsep modernizasyon. Zot krwar modernizasyon i vedir zis *internet teknolozi*.

Modernizasyon ou annan dabor en sistem ledikasyon ki reflekte sa syek ki nou pe viv ladan.

Annan en programm skoler ki relevan pou sa zenerasyon.

Revwarr la fason ki paran e lezot parti prenon i enterakte avek bann lenstitisyon skoler.

Annan plis lavi, plis lenerzi e sinerzi dan bann lenstitisyon. E parmi bann lenstitisyon. E osi byensir pozisyonn sa konteks Pti Leta Zil dan milye nou bann plan setadir sa konsep dirabilite, sa konsep soustenabilite i vin en kiltir. Tousala i sa lespri modernizasyon ki nou pe koz lo la. I pa neseserman ou bezwen

en *figure* pou ou atase avek modernizasyon.

An se ki konsern *feasibility study*. Sa *feasibility study* in ganny fer – in ganny lead par en zofisyen Minister Ledikasyon ki'n pran kont bokou sekter akoz nou ti anvi en konsep.

Nou ti anvi gete baze lo ladres ki ti ganny anonse lannen pase dan Bidze 2021. Sete rewwar sis a lespas kot Minister Ledikasyon i ete la konmela eski sa lespas i kapab ganny *converted* konman en lekol?

La sa *feasibility study* ti ganny fer pou sa plas an partikilye. I pa'n en *feasibility study* kot in ganny fer an zeneral pou tou keksoz.

Mr Speaker Onorab in demann mwan en kantite kalkil si mon'n deza konmans pans lo la. Al an detay lo sak keksoz, lo gratwite, lo konpansasyon *and so on* nou pa'n al an detay. Me ki nou'n konmans koz lo la? E sa an piblikman nou'n fer.

Nou'n konmans koz lo en *Teacher Development and Management Policy*. Akoz nou anvi nou konmans dabor par rewwar la fason ki nou devlop nou bann *teachers*.

E byensir o fir e a mezir ki sa Polisi i ganny devlope i ganny aplike, i annan bann diferan

topik ki vin ladan. E byensir letan le moman in arive, pou'n arrive, nou pou koz lo konpansasyon, nou pou koz lo gratwite.

Akoz sa i osi bann keksoz ki enportan dan lavi en *teacher* pou li konnen pou li kapab vin dan sa profesyon, e an menm tan pou li kapab reste dan sa profesyon.

E mon'n ganny sinyale ki wi i annan *long service allowance* ki'n ganny peye. E dapre en sirkiler ki ti ganny sorti serten *teachers* in ganny demande pou zot retourn- *well refund*. Mon pa konnen ki *mechanism* in ganny demande, me selman in annan sa – in annan sa. Mersi Mr Speaker.

MR SPEAKER

Nou a klarifye vitman Onorab.

HON SEBASTIEN PILLAY

Mersi Mr Chairman. Mon a pran sa enn dernyen. Mr Chairman mon pou demann Minister Ledikasyon pou lir *long service allowance Policy* pou demann sa bann *teachers* pou donn en *refund is against the Policy*. Mon pa konnen ki rezon zot pe fer li i *against the Policy*. I pa lafot sa bann *teachers*.

Dezyenmman mon pa ti a kontan pin Minis lo sa ki in dir mwan. Minis mon konn out re

byen e mon konpran tre byen ki savedir modernizasyon. Nou tou lede nou konpran tre byen. I en diskisyon ki nou'n gannyen ler nou ti pe travay ansanm dan seksyon resers.

Minister Ledikasyon i bezwen kapab met en *figure* lo konbyen i koute pou li edik sak zanfan. Ou bezwen kapab dir mwan pou 2021 konbyen sa in koute. Ou bezwen kapab dir mwan 2022 konbyen sa in koute. Akoz sa i bann keksoz ki nou ti pe koz lo la dan modernizasyon ledikasyon.

E alors pou anmenn nou, pou nou konnen konbyen i pou koute pou anmenn en programm konpreansiv pou moderniz ledikasyon. Non pa dan teori me dan pratik. E dezyenmman e dernyen Mr Chairman –

MR SPEAKER

Trwazyenmman.

HON SEBASTIEN PILLAY

Trwazyenm Mr Chairman. Mon konsernen Mr Chairman kan Minis i dir mwan nou pa ankor koz lo *figures*, akoz Minis ou menm ou ki apwent tou bann dimoun ki pou lo *teachers council*. Ou annan kontrol total lo *Teachers Council* dapre son regilasyon ki'n sorti.

E baze lo sa si konman en *Policy* zot pa pe koz lo *figures* ki afekte konpansasyon pou en kad spesifik - e la mon le ki bann piblik i konpran mwan byen - *Teachers* i en kad, *nurse* i en kad, travayer Imigrasyon i en *cadre*. E mon pe sey *advocate* ki sak kad i ganny konsidere lo *input* ki zot mete dan zot travay.

So eski Minister Ledikasyon pa krwar i ti ava neseser, pou re konmans fer serten kalkil? Akoz ler nou get provizyon konpansasyon pou *continuous service* e menm gratwite ki dan Bidze, malgre i ganny peye anba *DPA*, sa i reste tre ba an relasyon *length of service* ki bann *teachers* in donnen dan ledikasyon. Mersi Mr Chairman.

MR SPEAKER

Mersi. Onorab ava apresye ki Minis i a donn sif ki i kapab otan ki posib. Me si pa soz. Minis nou a kapab termin avek sa pwen la.

MINISTER JUSTIN VALENTIN

Mersi Mr Speaker. Mersi Onorab. Mr Speaker mon pa konpran akoz Onorab i anvi mon *think* parey li i pe *think*. Sakenn i *think* dan son fason. I annan keksoz li ki pou – i pe

think avan, mwan mon *think* apre.

I annan ki mwan mon *think* avan, li i *think* apre. Sakenn i annan son modalite. Sakenn i annan son modalite i bezwen apresye sa diferans. Me selman parey mon'n dir mon ensiste. Nou'n konmans sa *Teacher Management and Development Policy* ki fer ki a en moman donnez nou pou napa swa, nou pou bezwen konmans koz lo tou sa bann keksoz ki anliny avek kit en ansennyan dan profesyon. E atrakte li osi dan profesyon.

Mon ganny sinyale sepandan par zofisy Finans ki petet i anvi elabor lo sa pwennvi gratwite e konpansasyon. Akoz sa i en keksoz ki pe ganny dirize par Minister Finans. Mr Speaker si ou ti a permet mwan les –

MR SPEAKER

Non-non.

MINISTER JUSTIN VALENTIN

Apre mon annan bann *figures* osi lo ki mannyer pou *train* bann etidyan par seksyon par sekter. Mon ganny sa bann –

MR SPEAKER

Ale donn sa bann *figures* Minis apre nou a pas lo –

MINISTER JUSTIN VALENTIN

Sa bann *figures* mon pou *round li off*. Pou *Petite Enfance* omwen R30mil par lannen par etidyan. Primer 59mil, seconder 56mil. E at *tertiary level* R54mil par etidyan par lannen. Mersi Mr Speaker.

MR SPEAKER

Mersi. Ms Tamatave ki pou donn sa bann sif?

<u>DEPUTY GENERAL</u>	<u>COMPTROLLER ASTRIDE</u>
<u>TAMATAVE</u>	

Mr Chair bonzour. Bonzour Onorab, bonzour tou dimoun ki a lekout. Mon pa pe donn okenn sif, me selman mon pou an repons pou kestyon Onorab lo ki Gouvernman pe fer pou reviz gratwite pou bann *teachers cadre*. E konpansasyon petet modalite pou fer li en pe diferan, parey ou'n mansyonnen avek *to public service*. Parey nou'n mansyonnen Gouvernman pe fer sa revi lo saler *to public servant*.

E sa i pou enkli bann *special cadre* ki pou enkli bann *teachers* ek bann ners. So letan nou pou fer sa legzersis *salary review*, i pou enkli gratwite e konpansasyon osi ladan. I pa pou zis saler ki dimoun i gannyen tou le mwan. I pou tou

benefis ki tou *public servant* i gannyen ki pou enkli gratwite e konpansasyon.

E nou pou fer legzersis avek tou bann *stakeholders*, tou bann Minister apropriye pou nou regarde letan nou fer sa legzersis ki bann diferans, ki nou bezwen *take into account*. Ki bann fakter nou bezwen *take into account*, pou nou apresye bann zefor an plis ki sertern *public servant* i fer. Mersi.

MR SPEAKER

Mersi Ms Tamatave. Onorab Sandy Arissol.

HON SANDY ARISSOL

Mersi Mr Chair. Bonzour Minis avek ou lekip. Bonzour tou dimoun a lekout. Mr Speaker mon ti kontan letan Minis in koz lo lanbisyon pou re dinamiz Minister Ledikasyon. Mon ti anvi zis demann ou Minis lo sa laliny avek Bidze nou pe donn ou, si dan sa redinamiz Minister Ledikasyon, zot pe mazin re vwar en pe bann *curriculum* ki nou zanfan i gannyen ozordi dan bann lekol?

Parski 40an pli tar mon vwar mon zanfan ankor pe aprann *handyman, thinking man, Mussolini, Hitler*. E napa okenn landrwa dan mon travay ki'n demann mwan sa.

E mon ti a kontan si zot pe mazin re vwar sa parski letan nou zanfan i ganny difikilte avek *algebra*, pe ganny forse pou aprann *algebra*, selman en senp pti problem *maths* i pa ankor kapab rezourd, eski dan sa re dinamiz Minister Ledikasyon zot pe mazin re vwar *curriculum* ki nou zanfan pe gannyen ozordi? Mon premye kestyon.

Dezyenm kestyon mon ti a kontan demann ou dan sa redinamiz menm la, mon ti a kontan demann ou si Minister Ledikasyon, oubyen ou konman Minis anba zot Bidze ki zot pe donn zot, zot pe mazin redinamiz *PTA*, *School Council* avek *Management* Lekol ek sa lotonomi nou pe donn zot?

Pou ki bann pti problem ki nou bann *MNA* i anmenn dan Lasanble Nasyonal, i a ganny sans rezourd antre zot laba kot lekol, dan *management*, Minister Ledikasyon. An vi ki sa bann antite ki mon'n koz lo la zot pe ganny peye ozordi.

Olye tou sa bann problem i tonm lo *MNA*. E sa i a fer ki Minis pandan letan lekol nou pa ava vwar *meeting* pe ganny fer sirtou dan primer, pandan letan lekol.

E nou zanfan i ganny mete pou get *film* letan *teachers* pe fer *meeting*, oubyen i annan lezot

keksoz zot pe fer al *train* pou Festival Kreol. Sorti pou al fer *quiz*. E nou zanfan i ganny mete dan laklas pou get *film*.

E pa blyie ozordi zot lekol en semenn e en semenn dan lakour. Pour ki zot ganny maksimonm pou sa larzan ki mon pe donn Minister Ledikasyon pou pey bann ansennyen.

Mon trwazyenm pwen mon dernyen pwen Mr Speaker nou tou nou kontan koz lo *teacher*, me i annan en group staf dan ledikasyon i apel bann *non-teaching staff*. Bann *librarian*, bann *wardens* avek teknisyen laboratwar.

Mon ti a kontan letan zot fer mansyon oubyen dan Ledikasyon dan Bidze, konmsi i annan en pti keksoz spesyal pou sa bann dimoun. Zot fer en kantite keksoz pou nou zanfan. Zot *supervise* letan bann ansennyen i deside pa vini zot malad. Se zot ki *supervise*. Zot ki zet en regar lo nou zanfan.

Mwan mon ti anvi Minister Ledikasyon mon pa pe rod en logmantasyon pou zot, mon pa pe rod en lot *Scheme* pou zot. Mon anvi zis Minister Ledikasyon i kapab fer en keksoz pou zot. Ler lekol i ganny vakans, les sa bann non teaching osi ganny zot vakans parey bann ansennyen.

Ki Feli Come i fer dan en lab tou le zour dan vakans? Eski i kont *test tube*? I met *beaker* lo letazer. Ki Marie Ange Moustache i fer dan *library* Mr Speaker? Eski i tir lapousyer lo liv? Les sa bann dimoun ganny zot vakans, zot ava retournen 3 zour oubyen e semenn avan larantre, pou zot vin deservi lekol avek nou zanfan. Sanmenm tou mon pe demande. Mersi bokou.

MR SPEAKER

Mersi Onorab. Minis.

MINISTER JUSTIN VALENTIN

Mersi Mr Speaker. Mersi Onorab pou ou kestyon. *Review curriculum* wi *review curriculum* e sa mon'n koz bokou lo la ki nou bezwen en *curriculum* ki relevan, pou sa zenerasyon etidyan ki nou pe koz lo la.

Definitivman *review curriculum* met bann eleman, enportan. Par egzamp la konmela nou pe koz lanvironnman, nou pe koz finans. E nou pe koz plis teknolozi pou nou met li dan *curriculum*.

An se ki konsern redinamiz PTA e *School Council* i *governance*. I enn domenn priyoriter dan sa 6 domenn

priyoriter ki mon'n koz lo la e mon ti koz lo la dan Lasanble.

Wi i enportan ki lekol i pran kontrol lo sa ki pe pase kot zot. E dan sa lespri otonomi, pran kontrol lo sa ki pe pase, nou pe demann bann lekol pou zot vin for.

Pou zot vin for pou zot konpran Lalwa ledikasyon. Pou zot kapab aplik li dan bann moman kot i neseser.

E pou fer sa arive la apartir an Zanvye kan nou konmanse, nou pe antre ek bann ansennyan e bann *Leaders* dan lekol, bann *Governors*, *Leaders* dan lekol pou zot kapab zisteman konpran sa prosedir.

I pou annan bann *workshop*, bann *training* ki nou pou fer avek zot, pou zot antre ladan pou zot konpran ki nou pe sey dir zot. I pa pou zanmen mon lentansyon Mr Speaker an se ki konsern *non-teaching staff* pou kit zot deryer. Akoz mwan mon enn sa dimoun ki krwar dan – byensir tou ansennyan, tou bann *non-teaching staff* osi zot bezwen en repo zot osi. I annan wi ki dapre dan lepase zot ti pe fonksyonn anba 21 zour konze.

Nou pou revwar tousala. Si 21 zour konze i relevan avek konteks lekol, ouswa bann

travayer zot osi zot al vakans parey bann etidyan.

Akoz sa bann dimoun parey mon pe dir, wi zot osi zot ganny demande pou zwe bann lezot rol dan lekol. E sa bann lezot rol i neseser, i enportan pou lepanouisman bann zanfan.

Alors pa tou kou ki dan lekol zot ganny vvar konman neseserman zis bann *non-teaching staff*. A en moman zot kapab osi pe *supervise* laklas, pe *supervise* legzanmen. Pe partisip dan lavi skoler.

Alor nou bezwen get zot osi koman bann travayer lekol. E donn zot sa ki nou krwar zot merite. Mersi Mr Speaker.

MR SPEAKER

Mersi Minis. Avek sa nou a pran vot lo Bidze pou Minister Ledikasyon ki pou en total 1bilyon 26milyon R176mil. Manm ki an faver lev lanmen silvouple? Mersi.

Madanm Clerk mon krwar tou dimoun in vote. Okenn Manm ki vot kont? Tre byen. Bidze pou Minister Ledikasyon lo pas 294 ziska 310 pou 1bilyon 26milyon R171mil 27 Manm in vot pour, 0 kont, e 0 abstansyon. Donk Bidze in aprouve par Lasanble.

Mersi Minis e delegasyon zofisyen. Mon krwar a se moman

nou swet o revwar Dr Decomarmond, Mr Lesperance. E nou a swet zot bonn kontinyasyon e bon kouraz dan zot travay. Nou a pran poz la e nou a repran 11er en kar.

(BREAK)

INSTITUTE OF EARLY CHILDHOOD DEVELOPMENT

MR SPEAKER

Byen nou pe pran Bidze *Institute of Early Childhood Development*. Madanm reporter ou a apel delegasyon. Byenveni Madanm Shirley Choppy CEO *Institute of Early Childhood Development*. E Madanm Laurette Lebon *Human Resources Budget Management Officer*. Nou a pran sa Bidze ki lo paz 317 ziska 325 pou en total 38milyon R129mil. Mini sou a konmans avek lentrodiksyon silvouple.

MINISTER JUSTIN VALENTIN

Mersi Mr Speaker. Mr Speaker IECD i en Lazans ki tonm anba Minister Ledikasyon. I ase relativman ottonom. Donk si ou permet mwan mon ti a les Madanm Choppy son CEO kontinyen avek sa lentrodiksyon silvouple.

MR SPEAKER

Tre byen. Madam Choppysilvouple.

CEO SHIRLEY CHOPPY

Bonzour Mr Speaker e bonzour tou bann Manm Onorab. Parey minis in dir Lenstiti pou devlopman *Petite Enfance* i en lorganizasyon *legal actually* ki'n kree depi an 2014. E son manda i pou kordin devlopman bann programm ek proze *Petite Enfance* lo nivo nasyonal.

Donn *leadership* e direksyon stratezik pou devlopman *Petite Enfance*.

Advice Gouvernman lo bann *Policy* ki annan pou fer avek bann programm pou devlop *Petite Enfance*. Nou osi tou sa regilater pou servis vey zanfan dan lakour. Zanfan depi zero a 4an avan ler zot arriv lakres. Nou fer resers e nou fer en kantite resers. E tou bann programm ek bann proze ki nou fer, i baze lo levidans syantifik. E osi tou i bon pou nou *share* avek Gouvernman pou Gouvernman fer bann desizyon enformen.

E nou osi tou *advocate* e promouw war lenportans devlopman *Petite Enfance*. Mon krwar nou'n fer en kantite dan sa domenn. E dimoun i en pti pe pli *aware of* devlopman zanfan e *how important* i ete.

E osi *off late* lannen passe, nou ti ganny nou en nouveau manda pou nou zer e *oversee* lasistans finansyel ki Gouvernman i donn bann *registered daycare centres* e *childminders* ki ofer servis dan lakour. E nou fer sa an kolaborasyon avek diferan partner.

Mon pa pou al dan gran detay lo nou bann *achievements* pou sa lannen. I *more or less* en pe parey pou 2020. Selman nou'n *update* li pou 2021 zot ava vwar lo nou *PPBB Statement*.

E *basically* bann – en nouveau keksoz ki nou pe travay lo la, se pou nou etabli sa sant lekselans kategori 2 anba UNESCO, ki *Cabinet* in aprouve pou Gouvernman kapab konmans travay lo la.

E Minister ti siny sa Lagreman le 1 zen 2021. E osi tou nou annan nou bann serten *current challenges* ki an relasyon avek nou programm.

E osi nou bann *strategic priorities* ki *more or less* reste parey. Me selman nou annan bokou linisyativ ek programm ki'n ganny programmen pou sa Bidze ki pe vini 2021.

Si mon al direkteman lo nou Bidze pou 2022, *IECD* in ganny en alokasyon 38milyon 129mil ki i en gran parti sa

Bidze *actually*. I 29milyon 411mil. E sa i novo dan nou Bidze.

E si mon al lo kote *wages and salaries briyevman*, nou'n ganny nou en *increase* apepre R704mil. E sa i enkli 388mil pou bann ranplasman bann pozisyon pou de zofisyen. E sa osi tou in vin an relasyon *budget cut* ki ti arive lannen pase.

E prezan zot in re donn nou sa larzan dan nou Bidze pou nou kapab fer *recruitment*. E osi tou nou pa ti kapab fer li akoz lespas e osi *as a result of* sa pandemi ki nou lespas i en pti pe sere.

208mil in al pou – anliny avek nou *incentive cadre*, kot pou aziste en pti pe saler bann staf ki'n konplet zot letid e konfirmasyon dan bann *post following probasyon*.

470mil e sa i novo akoz lannen prosenn *IECD* i pe al *take over the full regulation of* bann *daycare centre*, ki an se moman anba Minister Ledikasyon.

E nou'n ganny nou de novo pos pou nou *recruit* de novo zofisyen. E sa de novo pos son saler nou'n peach li a son *degree level* ki osi tou pou enkli son *marketable skills* avek son *housing*.

Lo kote *goods and services* parey mon'n dir nou annan en

logmantasyon dan *office expenses* R18mil. E sa nou'n fer provizyon pou *increase* tarif elektrisite.

E osi to provizyon pou nou pey elektrisite dan en novo adisyon detrwa lofis ki nou pe fer obor nou *building*, pou nou accommodate sa novo manda *IECD*. Pou li vin *regulator for daycare centres*. E sa i en novo fonksyon ki nou pou fer an 2022.

Osi tou lo kote transportasyon avek travel cost sa in *decrease by* 19milyon. Nou'n refer en pti pe re *prioritisation and analysis of transportation cost* anndan e nou'n vwar i annan en bes akoz pandemi *COVID-19*. E nou konnen i pou kontinyen persiste sa lannen.

So nou'n revwar sa larzan olye demann Gouvernman novo larzan pou *increased cost* dan elektrisite. So nou'n pran sa larzan dan *transportation* nou'n bouz li dan *electricity* pou kouver *additional usage* pou 2022.

E *other use of goods and services*, parey zot ava vwar *actually the - pli gro logmantasyon* mon kapab dir en *massive increase of* 28milyon 719mil e sa i al pou sa larzan pou *Daycare Scheme* ki'n sorti kot ASP.

Ki pe vin anba Bidze *IECD*. E osi tou i annan *increase* dan nou *rent*. I 702mil e sa i avek *expansion* nou nouveau mandate avek nouveau lofis ki nou pe fer pou *house* nou nouveau *unit* pou *daycare*.

E osi tou anliny osi avek *rent*, ki nou ti'n ganny en *decrease* dan rent avek Fon Pansyon. E la nou pe remet li *back* sa 25poursan pou lannen 2022. So avek sa mon dir mersi.

MR SPEAKER

Mersi Mrs Choppy. Bon mon pou pran kestyon bann Manm ki'n lev lanmen. E pou lezot si mon ganny letan nou a regarde. Mon a pran ou non touzour Onorab Henrie. Nou a regarde apre si i annan letan. E osi Onorab Bistoquet. Me i a depa lo letan. Mon a konmans avek Onorab Samynadin.

HON KELLY SAMYNADIN

Mersi Mr Chair. Bonzour Minis, *CEO* avek delegasyon, tou dimoun a lekout. Mon premye kestyon i baze lo zot *current challenges*. Kot zot i dir ki zot pe rankontre difikilte pou ganny akse avek servis *childcare* abordab.

E de o kalite dan la kominote e dan landrwa travay. Mon ti ava kontan en pti leksplikasyon lo la, e ki

provizyon ki sa Bidze pe fer pou reisi kapab rezourd sa?

E dezyenmman dan zot priyrite stratezik, zot in dir ki zot pou asir kalite e nivo programm laprantisaz dan bann servis *childminding*. Ki swa kot lakour ou dan bann sant pou bann zanfan ki pe al lakres oubyen *preschool*.

Mon ti a kontan konnen dan ki fason atraver sa Bidze ki zot pe mazin antreprann sa? Mersi.

MR SPEAKER

Mersi. Nou a pas kestyon avek Madanm Choppy, Minis. Yes go ahead.

CEO SHIRLEY CHOPPY

Mersi Onorab pou ou kestyon. Pou *current challenges* i vre nou annan ankor en kantite demann pou *daycare* avek *childminding* dan kominote. Nou annan plis *supply* ki sa. Me selman ki nou pe mazinen, i deza dan nou kad referans pou *Petite Enfance* ki Gouvernman i *build* e *daycare* dan sak distrik.

E nou konnen poudir I pa pou posib avek kou finansyel ki vin avek, avek sa pandemi. E sanmenm sa ki nou vwar poudir nou annan en kantite paran ki vin devan pe rod servis. Sirtou bann servis ki

anrezistre. Me i annan en gran mank.

So sa i en *challenge* pou nou akoz nou moto i ‘A winning start for all’. So nou le ki tou zanfan be it zot dan sant ki anrezistre ouswa non zot ganny posibilite e menm sans zot osi. Pou zot akse bann programm ki striktire e ki pou kapab ed zot avek zot developman an preparasyon pou zot al lakres.

E zisteman lo sa *strategic priorities* Onorab ki *very link* tou lede ansanm, wi nou pou asir kalite dan developman programm *learning*.

E dan le pase in zanmen annan en programm laprantisaz, pre laprantisaz pou nou bann pti zanfan ki an deor lakres.

Minister Ledikasyon in devlop en programm apepre en detrwa lannen pase pou bann *daycare*. Me dan lakour nou pa oule ki nou bann zanfan i reste deryer akoz zot osi zot bezwen ganny menm sans parey mon’n dir.

So ki nou’n fer pou nou enplimant sa proze i napa larzan dan nou Bidze pou 2022 pou nou fer li. Selman sa ki mon kapab dir zot nou ti *submit* en *proposal* kot UNESCO, pou ed nou pou nou kapab devlop sa proze.

E nou’n ganny larzan sorti anba *participation program* kot UNESCO. E an se moman nou pe finaliz devlopman sa programm avek tou son bann resours. E byento nou pou vin lo medya nou pou enform bann *childminders* ki nou pou fer en sesyon formasyon pou zot an Zanvye 2022. Pou zot kapab enplimant sa novo programm an Fevriye ziska Novanm 2022. Mersi.

MR SPEAKER

Mersi Madanm Choppy.
Onorab Labrosse.

HON RICHARD LABROSSE

Mersi Mr Speaker. Bonzour Minis. Bonzour Madanm Choppy ek ou delegasyon. Bonzour tou koleg Onorab, tou dimoun ki a lekout espesyalman zabitan Plaisance.

Madanm Choppy nou’n ganny sans konman Manm Lasanble, resevwar en bon pe dokiman sorti kot zot. E sa i vreman ankourazan. I montre sa travay resers ki zot pe fer.

E an menm tan osi, mon pe mazinen la zot pe antre dan sa *mood* pou zot servi sa mo regilater pou zot *regulate*, en pti pe plis *Petite Enfance*. Mon kestyon pou Bidze i konsern swivan;

Pou bann manrmay lakres sirtou ler nou pe koz 4an a 5an, konmsi dan sa Bidze la ler nou pe gete *IECD*, konmsi ki bor zot antre pou zot antre dan sa bout regilater? Vi ki nou konnen ki lakres li menm i tonm anba Minister Lledikasyon direkteman. Konmsi kote zot louvraz i antre la?

MR SPEAKER

Mersi. Madanm Choppy.

CEO SHIRLEY CHOPPY

Mersi Mr Speaker. Mersi Manm Onorab. Mon krwar en tre bon kestyon, akoz *already* nou'n deza annan sa diskisyon dan Minister Lledikasyon avek Minister, avek bann teknisyen konsernen.

Pou le moman nou Bidze i pe konsantre zis - nou pe get bann zanfan dan lakour. Apre lannen prosenn parey mon'n dir nou pe al *regulate daycare*. E nou osi annan dan nou plan - an se moman nou Lalwa pe ganny revize ki nou pou *assure quality right from 0 a 5an*.

So in the near future IECD osi tou pou regulate lakres. So ki nou anvi nou anvi akoz Early Childhood Development i lo en continuum.

So si nou fer en bout nou kit en bout dan milye ouswa en

lot i fer, en lot bout i fer, i tant pou annan serten debalans.

So e se sa rezon akoz nou pe ansanm avek Minister Lledikasyon in agree ki IECD pou osi tou assure quality e regulate crèche year 1 and year 2.

E sa i ava osi tou an armoni avek Lalwa Lledikasyon kot *formal education* i konmans P1. So i ava annan en bon - en *clean cut* kot nou, nou arive apre kot Minister Lledikasyon i pran.

MR SPEAKER

Thank you Madanm Choppy. Onorab Romain.

HON GEORGE ROMAIN

Mersi Mr Chair. Bonzour Minis avek *panel, CEO*. Mon kestyon I vin koumsa, an vi ki dan Anse Etoile i annan bokou bann *daycare centre* avek fasilité *childminding* tou mon kapab dir, mon ti a kontan demann *CEO* vreman ki i pe mazin fer 2022, pou amelyor sa bann servis?

E mon'n tandem pou annan *training*. Sa mon'n tann ou'n fini dir. E mon ti a si ou ti kapab koz en pti pe kot - sa servis ki sa bann dimoun pe donneen si pou annan en sanzman en pti pe ladan?

E mon dezyenm kestyon lo kote sa kontribisyon ki Gouvernman i fer, pou bann paran ki pe met zot zanfan dan sa bann facilite. Mon krwar i R750. E Mon ti a zis voudre konnen ki mannyer sa *process* i ganny fer?

Akoz enn de bann landrwa ki mon'n pase sa bann paran, sa bann facilite, zot in dir ek mwan koumsa ki zot kekfwa zot pa anrezistre, oubyen zot pa gannyen. Mon ti a kontan konnen ki mannyer sa *process* ler paran i met son zanfan, ki i bezwen fer pou li ganny sa kontribisyon? Mersi Mr Chair.

MR SPEAKER

Mersi Onorab Romain. Yes CEO.

CEO SHIRLEY CHOPPY

Mersi Onorab pou ou kestyon. mon'n blye remersi Onorab Labrosse pou son konpliman. Mersi bokou. I enportan mon kontan akoz i ed nou pou nou kapab bouz pli devan. *Thank you.*

Onorab sanzman ki nou pou anmennen lannen prosenn se ki parey mon'n dir nou pe reviz Lalwa *IECD* la. I dan son bann dernyen staz. *Hopefully* nou pou vin devan Lasanble lannen prosenn avek. E dan revizyon nou'n osi tou vvar en

pti pe diferan standar ki nou'n mete an plas.

Ganny en pti pe sizesyon en pti pe. Ekout en pti pe bann *childminders* ki zot annan pou zot dir.

So ki nou pe panse ki nou pou redwir standar *from 10 to 8*. E nou vvar i annan serten *overlap* dan serten standar ki i kapab ganny enkli anba en lot standar.

Apre osi tou nou pe mazinen zisteman anliny avek kestyon Onorab Samynadin o komansman an term aksesibilite servis. Se paran i pa neseserman ganny – napa ase sa bann landrwa pou paran kapab met zanfan.

So nou pe mazinen pou nou *increase quota* ki bann *childminders* i veye dan lakour. Koumsa i ava ede pou zot anmas ankor en pe plis bann zanfan. Sirtou bann pti baba ki sirtou bann *daycare* pa oule tro, tro kontan pran. Kot zot dir i en pti pe pli riske.

Pou zot kapab pran en pti pe plis zanfan an *attendant* kekfwa pli tar letan lekonomi in fini *settle*, ki Gouvernman i kapab regarde ki mannyer nou kapab annan plis facilite pou bann zanfan.

E lo kote 750 *basically* nou prosedir i vreman senp. E nou, nou pa *believe IECD* dan

fer kantite gran, gran prosedir. Anmenn en kantite dokiman, fer en kantite keksoz ki *at the end of the day* dimoun i fristre. So ki zot fer zot annan zis sa paran i ranpli en form. E lo sa form i met detay son zanfan. Si i en *twins* i ranpli de form. Enn pou sak zanfan akoz sakenn i pou ganny son 750.

So zot met zis *date of birth* bann zanfan, *NIN*, zot kontak. Limero telefonn sa paran. Son manman swa *single mother*, ouswa si i annan son papa osi tou parey. Apre zot atas kopi *NIN* sa zanfan akoz i tre enportan.

Akoz tou zanfan i ganny idantife avek en *NIN*. I *unique* pou li. I pran sa form i anmenn kot son *childminder* ouswa i anmenn kot son *daycare operator*.

Lo menm form menm nou napa en kantite form. Nou annan nou en sel form. Anba lo sa form sa *daycare operator*, ouswa sa *childminder* i sinyen i sertifye konmkwa vre sa zanfan i dan mon servis.

E i konfirm sa. E sa form sa *childminder*, *daycare operator* i avoy sa form kot *IECD* e nou, nou zis fer antre sa zanfan. Nou annan en form ki nou, nou fer nou avoy kot *ASP*. Nou atas son bann dokiman avek.

En kopi son bann dokiman nou avoy kot *ASP*. Nou dir *ASP* i pou pey R750 pou sa zanfan. Selman avan ler nou fer sa peyman nou osi nou bezwen fer nou *due diligence*. Akoz nou pa oule ki i annan zanfan ki *well* dan *inverted comma* ki kekfwa “*numb*” ou konpran mannyer mon pe dir.

Akoz i annan dimoun ki abiz sistenm. I annan dimoun ki fer krwar. I annan dimoun ki donn bann fo lenformasyon. So ki nou fer, nou fer en *check* kot sa landrwa pou nou fer sir. Ouswa nou donn en *call* sa *childminder* ouswa sa *daycare operator* pou fer sir ki sa dimoun i vreman kot li.

Apre ler nou fini avoy kot *ASP further down* nou fer bann lenspeksyon, pou nou al verifye si vreman sa zanfan i kot zot ouswa si i pa kot zot. So si i pa kot zot la nou fer le neseser pou koup sa larzan. E si in pey li en kantite lannen, kantite mwan nou fer zot *refund*. Me selman vwala i vreman senp.

E bann dimoun i kapab ganny *access* nou form lo nou *website*. E osi lo nou *website* i annan lezot lenformasyon ankor. I annan en *Parents' Guide* ki nou'n devlope ki annan tou bann prosedir ki mannyer bann paran kapab *access* sa. *Thank you*.

MR SPEAKER

Thank you Madam CEO.
Onorab Lemiel.

HON SYLVANNE LEMIEL

Mersi Mr Chair. Bonzour CEO avek lezot dimoun lo panel. Mwan osi mon ti a kontan remersi IECD, CEO avek son tim, antan ki nou'n toulstan annan sa bon lantant travay. Menm dan lepase avan mon antre dan Lasamble.

E mon ti a dir zot kontinyen lo laliny sa bon travay ki zot pe fer. En pwen i se ki mon ti a kontan ganny en pti pe plis leksplikasyon lo sa *specialised expenses*. *Education support* sorti 1.6milyon pou vin R29.5milyon. En pti pe plis detay lo la. Kwa ki ganny peye anba la, ki zot fer anba la?

En lot lenformasyon Mr Chair, eski IECD zot ankor annan sa *Scheme Grant* R10mil ki zot donn bann *childminders* ki anrezistre? E si wi petet ziska ozordi ki kantite *childminders* in ganny asiste anba la? Mersi.

MR SPEAKER

Thank you. Madam CEO. Minis ou kontinyen? Pran. Minis si ou bezwen pran zis lev lanmen ou. Sansan mon

kontinyen adres CEO. Go ahead please.

CEO SHIRLEY CHOPPY

Mersi Mr Speaker. Mersi Manm Onorab. Sa larzan ki sorti kot ASP kot nou i sa larzan *Daycare Scheme* ki'n sorti kot ASP in vin kot IECD.

Mon mazinen avek loptik ki Gouvernman pe konsolid tou bann programm, bann keksoz ki annan pou fer avek en particular sector, so i normal ki in antre anba Bidze IECD.

E li sa larzan i pou pey sa R750 parey Manm Onorab in demande taler pou bann zanfan. So, so far nou annan nou 30 *daycare*. E dan *daycare* nou annan 1251 zanfan ki pe benefisyé avek sa lasistans R750 par mwan.

Nou 104 *childminders* ki'n anrezistre avek IECD. E so far nou annan 878 zanfan ki pe benefisyé avek sa lasistans. So zot pou kontinyen benefisyé an 2022. Me selman 2022 nou'n fer provizyon, nou *forecast* e nou pou annan nou ankor apepre en 20 tenn nouvo *childminder* ki pou anrezistre.

So sa 20 tenn nouvo *childminder* i osi enkli bann manrmay ki pe fer sa *training* lo *Child Care and Development* kot SITE la. Premye fwa ki nou pe offer sa *training* sa lannen. E

probableman i annan zot ki pou letan zot sorti pou al ouver zot prop pti biznes.

E nou pe met apepre 200 zanfan an plis ki pou antre anba sa *Scheme* pou 2022.

Kot i konsern *daycare* parey zot konnen nou annan en nouveau *daycare* Anse Aux Pins. Nou annan en nouveau *Daycare* Glacis. Nou annan en nouveau *Daycare* Grand Anse Praslin. E dapre zot *quota* ki Minister Ledikasyon in donn zot, *Daycare* Anse Aux Pins son *quota* i Glacis 90 apepre zanfan. *Daycare* Glacis 60 zanfan. *Daycare* Grand Anse Praslin i 80 zanfan. So an tou apepre 230 a 250 zanfan ki pou vin *enrol* dan sa bann nouveau *daycare*.

E an tou nou pe mazin apepre en 450 zanfan an plis pou lannen prosenn, ki *justify the increase* dan sa Bidze pou 2022. E osi zis pou fer remarke ki i annan apepre 10 dimoun ki'n *aspire* pou ouver en *daycare*.

E zot in fini soumet zot laplikasyon kot Minister Ledikasyon. E swa zot pou annan en *change of use* dan en nouveau *building* pou zot *run* zot *daycare*. Swa zot pe al *build* en nouveau *daycare altogether*.

Lo kote – wi. Lo kote fon *Petite Enfance National Early*

Childhood Care and Education Trust Fund, sa i en fon ki Gouvernman ki'n met an plas depi 2011. E toulezan nou ganny R1.6milyon dan sa fon. E tou bann *childminders* ki anrezistre premye fwa, zot ganny zot en *Grant*, en *one-off Grant* R10mil sak fwa zot anrezistre.

E osi tou sa *Board* ki zer sa *fund* i osi tou konsider bann prize nasyonal, ki pou al ver servis bann dimoun pou ed zot en pti pe. E la nou pe travay lo en don pou bann *COVID related materials*, pou *Trust Fund* kapab donn zot pou zot kapab servi. Vi ki sa pandemi i ankor *still* pe persiste.

E i *on the increase* an term laz 0 a 5an ki mon krwar i ava en bon keksoz. E *childminders* osi tou si zot anvi fer en laplikasyon dan sa fon zot kapab. E sa fon i donn *maximum up to a R100,000*.

Si par egzanp ou le *beautify* ou landrwa, ou le aste en pe resours, en pe sez, en pe latab. En pe keksoz pou ou kapab fer dan lakour avek bann pti zanfan. E dan sa 28milyon ki nou'n nonmen i annan en bout ki sorti - lamazorite i sorti sa Bidze ASP. E i enkli sa 1.6milyon osi tou ladan. Mersi Mr Speaker.

MR SPEAKER

Thank you CEO. Onorab Bastienne.

HON DESHIELA BASTIENNE

Mersi Mr Speaker. Bonzour Mr Speaker. Bonzour Minis ek ou delegasyon. Mr Speaker CEO in pas lo preski tou sa ki mon ti pe al demann li. Me selman mon kapab met en pti bout. Ler mon pe get sa kote *specialised expenses*, ki annan sa gro logmantasyon, mon ti anvi demann li si ladan i annan serten *childminders* ki zot byen konmanse, me i arive dan semen ki dapre kontrent Bidze paran li menm, zot pri zot pa kapab kontinyen donn zot kontribisyon e sa *childminder* i vwar li pri lo son *income*.

Alor mon ti pe demande si zot ti pe konsider donn en pti *loan*. Me ou'n fini pas lo la zis avan mon demann mon kestyon. Me selman mon pou osi dir – mon ti pou al lo *quota* ki mon vreman apresye ki *quota* pou sorti 10 zanfan pou mont pli o.

Akoz bokou *childminders* ti pe pas dan serten difikilte ek pri lavi. Me selman i annan en lot pti keksoz ki mon ti a kontan demande. Eski sa *childminder* ki li i annan en zanfan eski zot pou eksklir son zanfan? Akoz i pa pe peye pou son zanfan li.

Zis sa bann dimoun ki anmennen.

Akoz la si mon pa tronpe pou le moman si i annan son zanfan, son zanfan osi i ganny konte dan son *quota*. Eski zot pe mazin vir sa desizyon? Mersi.

MR SPEAKER

Ok. Mersi Onorab. Yes CEO.

CEO SHIRLEY CHOPPY

Mersi Mr Speaker. Mersi Manm Onorab pou sa kestyon. Wi nou konte si i annan son prop zanfan li i pe vey zanfan. Son zanfan i *between 0 a 4an* dan sa *quota* ki nou donn li. Si i pe vey li tousel avek son asistan akoz si ou annan 10 zanfan Gouvernman i antre i donn en lasistans pou pey saler sa asistan, ki osi tou enkli dan Bidze - 20milyon ki'n vin kot nou sorti kot ASP.

Sa mon'n mank li depi o komansman. *Sorry about that.* Akoz standar i dir, ou, ou ganny dwa vey *up to 10* dan lakour e ler ou annan *up to 10* ou bezwen anploy en asistan pou 10. Savedir *ratio* i *1 to 5*. I enkli ou zanfan.

Par kont si dan sa lakour kot sa dimoun pe ofer sa servis, *obviously* i annan *extended family*, i annan son manman, i annan son kouzin, i annan son

ser, i annan dimoun ki la ki pa pe travay, ouswa son zanfan i kapab ganny *looked after, someone* dan lakour pandan letan ki i pe *operate* son *childminding business*. Sa nou aksepte.

E zot donn nou sa garanti, sa konfirmasyon ki i annan *additional* dimoun dan lakour pou kapab zet en koudey. Me selman *most of the time* mon pou dir ou dapre nou statistik, mazorite i dan sa kategori ki mon fek nonmen. Ki i annan en lot dimoun ki kapab get zot dan lakour. Mersi.

MR SPEAKER

Thank you CEO. Mon a pran kestyon Onorab Henrie.

HON GERVAIS HENRIE

Mersi Mr Chair. Bonzour tou dimoun. Mr Chair mon pe get *current challenges IECD*. E i enn bann antite ki son bann *current challenges* i konpletman diferan pou lannen 2022, i konpletman diferan avek sa lannen.

So prezan mon anvi konnen si savedir alokasyon Bidze ki zot ti gannyen pou 2021 ki nou ladan la, in permet zot *deal* avek sa bann defayans? E si sa i le ka akoz *then* zot bann priyorite stratezik i reste parey dan sa de dokiman Bidze?

Akoz mon anvi konpran lefe ki zot en pti antite, mon ti ava mazinen poudir i pou fasil pou zot pran en lannen nou dir nou travay lo de. Lot lannen nou travay lo ankor – akoz letan ou pe get li priyorite i pou 202-2024. Avan i ti 2021-2023. So ki nou konman en Lasanble nou satisfe poudir vreman i annan en zefor dan alokasyon bidzeter ki nou pe donn zot. E ki i pa zis en legzersis *copy and paste* dan bann dokiman ki zot pe donn nou. Mersi.

MR SPEAKER

Mersi. CEO.

CEO SHIRLEY CHOPPY

Mersi Mr Speaker. Mersi Onorab. Mon pa pou dir ki bann *current challenges* i konpletman diferan. I zis en organizasyon of re organizasyon sa *wording*.

Akoz ler nou submit nou *PPBB* kot Minister Finans Minister Finans i get li *alongside* lezot. E si petet kekfwa i annan en pti keksoz ki nou pa'n mansyonnen, ouswa i annan serten keksoz ki pa'n *link* avek nou bann programm zis zot fer nou – zis re *formulate* li.

Par egzanp '*unavailability of updated and disaggregated data*' sa in reste akoz i ti deza

avan. E in kontinyen reste. E nou annan en priyорite stratezik ki nou'n met an plas pou nou kapab adres li. Akoz nou annan *issues* avek *data* dan nou bann sekter e i *across government*. E i en *global issue* osi tou. I pa zis Sesel.

Delay dan lenplimantasyon bann proze kekfwa zis nou'n *rephrase* li en lot fason. Me selman i ti lanmenm, akoz nou vwar poudir i en defi. Akoz nou Plan Daksyon Nasyonal pou *ECCE* ki nou *IECD* nou devlope ansanm avek bann sekter, nou vwar poudir nou zanfan i grandi vit *from daycare*, lakres i al dan *P1, P2*, i fini son staz pti lanfans. I pe mont dan primer. E nou vwar poudir kekfwa nou bann aksyon, bann programm dan bann nivo lezot sekter, i bezwen ganny akselere pou bann zanfan kapab benefisyé.

Akoz pli nou tarde pli keksoz i pa amelyore. E nou zanfan i kontinyen grandi e zot pa ganny sa bann servis adekwa e de kalite ki zot devret gannyen.

Sel keksoz ki nou'n anmenn nouvo *actually* dan sa *current challenges* i sa *bullet number 2*; *delays and obtaining relevant documentation from sectors and as a result impacting on the registration*

process and regulation of childminding service.' Sa i en keksoz ki vreman trakas nou kot *IECD*.

Akoz pou nou anrezistre en *childminder* Manm Onorab, i depan lo lezot sekter osi tou. Akoz premyerman zot bezwen anmenn zot *police character certificate*.

Dezyenmman zot bezwen annan zot *full complete medical test* ek zot *food handling certificate*. E sa ki'n arive avek lannen pase ek en pe konmansman sa lannen, i annan gran retar.

Me selman mon konpran lo kote Minister Lasante akoz ek pandemi COVID-19 zot laboratwar kot bann dimoun i bezwen anmenn zot lasel ek tou zot bann keksoz pou teste, akoz nou bezwen fer sir.

Nou bezwen pran *swab* dan nennen, dan labous ek bann *childminder* akoz ou kapab pas lenfeksyon avek bann zanfan. So in pran letan, in reste en kantite letan pou zot kapab ganny zot rezulta. Prezan *as a result* nou, nou pa kapab anrezistre en *childminder* si son *medical record*, son *police character* e *criminal record* i pa annord.

Osi tou nou ganny en pti pe retar lo *suitability check*. Mon ti annan plezir tann Minis

Francourt koz lo la yer. Nou enn bann Lazans bann antite ki fer sa tre byen ansanm avek *Social Affairs Department*.

Tou *childminders* ki anvi fer sa louvraz, i anvi vin anrezistre ek *IECD* zot bezwen prodwi nou en dokiman, ki montre poudir i *suitable*. I napa okenn *police record*. E si i annan en *police record*, in deza bat dimoun ouswa i *deal* dan drog, i *deal* dan sa bann keksoz ilegal, ouswa obor son lakour i annan serten aktivite ki i pou menas lasante, sekrite bann zanfan, nou pa aksepte pou fer li vey zanfan.

Akoz nou oule ki paran osi i met son zanfan dan en landrwa ki *safe*. Ki ler i al travay i pa trakase. E nou pe ganny en pe difikilte pou nou kapab ganny sa bann dokiman. E nou pe fer zefor ansanm avek bann lezot sekter, pou zot *expedite* zot prosedir *at their end* osi, pou kapab fasilit lavi sa bann *childminders* e pou zot kapab osi anrezistre, benefisyen bann servis.

E osi tou paran I met en kantite presyon Manm Onorab akoz i annan sa R750 ki atase avek. Akoz zot anvi. Zot in kontan zot in ganny en plas, me selman zot dir be ke ler mon zanfan pou ale. Ke ler mon

zanfan pou antre pou li kapab benefisyen sa R750.

E lo kote *strategic priorities* i annan – pou reste konman en priyорite i reste en priyорite. Me selman i annan differan faz ki nou devlope. Par egzamp si nou koz lo *data management*. *Data management* i en *longitudinal study* dan li menm. So nou konmans par sekter.

So nou ti konmans an 2016 Minister Lasante, nou'n desann 2019/2020 nou ankor pe fer la Minister Ledikasyon. E la nou fek konmanse resaman dan Minister Sosyal, dan *Social Affairs*.

So ki nou anvi, nou anvi en *database* nasyonal avek tou bann endikater developman *Petite Enfance* pou nenport ki dimoun ki bezwen lenformasyon lo *Petite Enfance*.

E konmela ou bezwen al isi, al laba, konsilte isi, rod laba. Napa lenformasyon. So nou oule ki donn tou dimoun ki pe al en letid, ki pe fer letid, ki pe fer resers, i pe al en Konferans i bezwen lenformasyon pou son *PowerPoint* pou son prezantasyon aletranze.

IECD i vin sa *One-stop shop* kot ou vini ou ganny tou sa lenformasyon baze lo sa bann endikater, ki

Gouvernman in agree lo devlopman *Petite Enfance*, ki annan pou fer ek lasante, *social protection*, ledikasyon, *you name it*. Mersi.

MR SPEAKER

Mersi. Bon mon a pran en pwen pou Onorab Bistoquet.

HON ROSIE BISTOQUET

Mersi Mr Chair. Bonzour Madanm Choppy avek ou delegasyon. Mr Chair laplipar mon kestyon in ganny pran, me selman mon annan en pti bout pou azoute.

Mon byen kontan Madanm Choppy i avek Minister Ledikasyon Minis ki zot annan sa vizyon pou pran ECCE pou fer li *a hub* dan Losean Endyen, sirtou kot i konsern anba UNESCO, pou fer annan pli bon standar pou devlopman bann pti zanfan.

E ki sa mon krwar pou benefis nou pei. Mon sel pti kestyon ki ti reste mwan se ki CEO ou dir i annan posibilite pou *childminding* en – ogmant *quota*.

Bann dimoun Pointe Larue pe demann mwan vi ki i annan en pti le *overflow* i annan sitan paran ki pe bouz dan lezot distrik. Kan ki zot krwar zot pou kapab ogmant *quota* pou

bann *childminders* dan distrik Pointe Larue? Mersi.

MR SPEAKER

Mersi. CEO ou kapab adres sa vitman.

CEO SHIRLEY CHOPPY

Mersi Mr Speaker. Mersi Madanm Onorab pou ou kestyon. Nou *Bill* ki nou pe travay lo la in mon kapab dir i dan son dernyen staz, ki pou al *Cabinet* byento. So nou ekspekte konman Lasanble i *resume* Fevriye *next year*, nou ava kapab ganny en lot pou nou vin prezant nou Lalwa.

So *the minute* ki i fini prezante apre la nou ava kapab reviz sa regilasyon. Akoz nou regilasyon lo standar i an fors pou 10. So *the minute* ki Lalwa i pase, so nou *already* pe konmans diskisyon pou reviz sa regilasyon.

So regilasyon i ava pase konman Lasanble i fini aprouv nou Lalwa lannen prosenn. So annou dir petet ver dezyenm kar 2022.

MR SPEAKER

Thank you CEO. Onorab Poris. Mon annan letan pou en pwen silvouple.

HON DOYACE PORIS

Mersi Mr Chair. Bonzour Minis avek ou delegasyon. Madanm Choppy eski ou'n fer provizyon dan sa Bidze pou bann *childminder* letan i vin *training* ouswa *meeting* sorti lo *Inner Islands* pou vin Mahe, kot i konsern zot akomodasyon?

Vi ki nou dir nou pa kit okenn zanfan deryer, pandan vakans mon krwar i en *issue* ki mon'n deza diskit lo la, pandan vakans nou annan bann zanfan ki – sirtou bann ki dan lakres ki *childminder* pa kapab pran plis ki zot *quota*.

Alor eski dan zot plan pou 2022 zot pe mazin annan en plan pou sa bann zanfan parey? Mersi.

MR SPEAKER

Mersi. CEO nou a kapab reponn sa.

CEO SHIRLEY CHOPPY

Wi. Mersi Mr Speaker. Mersi Manm Onorab. Kot i konsern *training* avek *meeting* pou bann *daycare - childminder* lo Praslin nou annan nou apepre, nou annan 5 lo La Digue. Nou annan nou apepre en dizenn lo Praslin. Ler nou get nou Bidze i pa posib. Akoz nou fer de *AGM* dan en lannen.

Nou fer enn o komansman nou fer enn a lafen. Apre nou fer bann *professional*

development session pandan lannen. So si ou azout tousala avek kantite ki i annan Praslin, i pa pou posib pou nou Bidze accommodate zot.

Ki nou fer i pli *cost effective* pou nou avek nou bann *facilitators*; An realite kekfwa de en *staff IECD* avek son *facilitator* nou mont lo Praslin ek La Digue, e nou fer sa bann *meeting, training* avek zot.

Ki nou fer nou pey bato pou bann dimoun La Digue pou desann Praslin, pou nou fer zot tou Praslin. So parey mon'n dir kontrent bidzeter petet nou bezwen vwar ki mannyer nou pou servi nou larzan byen. E fer sir ki nou kapab zwenn zot pli souvan.

Dezyenmman kot i konsern dan vakans, mon konnen Minister Ledikasyon dan son Polisi pou servis *daycare*, i donn laprouvasyon pou bann *daycare operators* ki deside vey zanfan apre ler lekol.

E sa bann *daycare operator* i bezwen ekrir Minister Ledikasyon pou demann permisyon. So nou pa gannyen sa problem avek bann *childminders* apre ler. Sa ki nou pe remarke sirtou la avek *COVID- 19* bann *childminders* dan vakans i annan enn de zot ki pran zanfan kot zot. Sa i en risk. I en gro risk dan li menm

ki nou, nou pa ankouraze Manm Onorab. Akoz?

Ou lakour in ganny sertifye anba Lalwa pou vey 10 zanfan. Prezan si dan vakans ou pran de ou pran trwa ou pran kat, i vin en problem si i arriv en maler en lensidan ki arrive. E menm i annan paran osi tou ki konplent, ki pa kontan i dir ou bann lezot gran zanfan i vin dan sa lakour ki zot pa sipoze la.

Nou konpran poudir i en konsern pou bann paran. Nou vreman siport konmsi bann paran avek sa *issue*, akoz i annan zot ki travay e zot pa ganny sa kantite konze pou zot kapab asiz ek zanfan. E i annan ki napa *extended family* osi tou.

E petet mon a profit loportinite la konman mon pe koze pou lans en lapel avek nou bann sitwayen, pou *take up* sa biznes. Akoz sa i en biznes enportan e i reveni i masiv en biznes koumsa.

So en dimoun i kapab fer bann aktivite ekstra skoler, anmenn bann programm dan vakans pou bann zanfan e paran i pey en pti *fee*.

E mon krwar i mank en pti pe sa bann renovasyon, linisyativ *from* nou sitwayen ki kapab *generate* en biznes *from* sa loportinite ki egziste. E

koumsa i ava ede ki bann zanfan pa bezwen retourn dan bann landrwa kot i anrezistre.

MR SPEAKER

Mersi CEO. Mon apel bann Manm pou vot lo sa Bidze silvouple pou *Institute of Early Childhood Development* ki pou 38milyon R129mil. Manm ki an faver lev lanmen silvouple? Mersi. Bidze pou *Institute of Early Childhood Development* lo paz 317 ziska 325 pou 38milyon R129mil, tou Manm 26 prezan in vot pour. 0 kont e 0 abstansyon. Sa Bidze in aprouve par Lasanble.

CEO ek *Human Resources Officer* mon remersi zot pou zot partisipasyon. E mon swet zot bon kouraz pou kontinyen sa louvraz enportan. Mersi. Mon ava envit zot fer zot depar. Nou a pran en pti poz pou *sanitise* pou nou pas lo lezot delegasyon.

(technical break)

AGENCY FOR NATIONAL RESOURCE DEVELOPMENT

MR SPEAKER

Mon annan plezir swet labyenveni Nadia Lauricourt CEO *Agency for National Resource Development*.

E Madanm Mary Bonte son *Head of Accounts*. Nou a pas lo Bidze sa *agency* ki lo paz 331 ziska 335 pou en total 220milyon R921mil. Minis lentrodiksyon ou oubyen Madanm Lauricourt?

MINISTER JUSTIN VALENTIN

Mersi Mr Speaker. Mon ava les madanm Lauricourt fer sa lentrodiksyon silvouple.

MR SPEAKER

Mersi. Madanm kontinyen.

CEO NADIA LAURICOURT

Mersi Mr Speaker e bonzour bann Manm Onorab. Mon pou al direk dan Bidze. Pou lannen 2022 Lazans pou Devlopman Resours Imen (*ANHRD*) in ganny propoze en Bidze R220milyon ki reprezent R57milyon an mwens ki lannen presedan - setadir 2021.

Sa rediksyon i par lefe ki an 2021, nou ti annan nou de group etidyan, savedir bann *cohort* 2019 ek 2020 ki ti pou al etidye. Parey zot in remarke, pli gro parti Bidze i al dan programm 3. Setadir depans pou letid teryer e sa i reprezent R212milyon.

E sa restan 8milyon i al pou bann depans administrative. An se moman *ANHRD* i annan li en pti pe plis

ki 700 etidyan. Sa bann etidyan ki apel zot bann *existing* lokal e aletranzé. Ki nou ekspekte pou kout Gouvernman en total R170milyon pou kontinyen zot letid an 2022.

ANHRD i reste angaze pou kontinyen promouvwar e enkilke sa kiltir laprantisaz kontinyel dan bann domenn priyrite pei. E pou lannen 2020 parey ki nou'n fer pou sa lannen egalman, nou pe kontinyen met lanfaz lo bann labours bilateral, ki pou ede e fer an sort ki plis Seselwa i kapab benefisyé avek sa ki nou apel ledikasyon tersyer. Mersi bokou e *maintenant* nou ava met nou pare pou nou reponn kestyón. Mersi.

MR SPEAKER

Mersi CEO. Mon a pran kestyón bann Manm ki'n lev lanmen. E an mezir si lezot i lev lanmen nou a regarde mannyer letan i ete. Onorab Mondon i a konmanse.

HON TERENCE MONDON

Mersi Mr Chairman. Mon kestyón zisteman i lo sa provizyon pou bann *training* letid tersyer. An vi ki sa provizyon i fer rediksyon 58.6milyon pou 2022, mon anvi konnen, eski pou annan en

konsekans lo lakantite etidyan ki al fer letid tersyer?

E eski sa provizyon i enkli *inservice applicant* setadir bann dimoun ki anvi fer letid avanse, ki dan lanplwa aktyelman. Eski i tonm dan sa provizyon? Si wi ki nivo demann i annan pou bann dimoun ki deza dan travay ki anvi kontinyen fer letid avanse?

E ou'n mansyonn relasyon bilateral bann letid ki vin atraver bann relasyon bilateral, lagreman bilateral ki kantite nou ekspekte pou 2022, ki pou kapab asiste nou bann etidyan ki'n fini ouswa ki pe travay ozordi ki anvi al etidye? Mersi.

MR SPEAKER

Mersi. CEO.

CEO NADIA LAURICOURT

Mersi Mr Speaker e mersi Onorab pou kestyon. Parey mon'n fer remarke dan mon lentrodiksyon, wi nou annan en rediksyon 57milyon. E sa akoz nou ti annan nou sa de *cohort* pou 2019, e 2020 ki pa ti ale.

Sa in fer ki sa bes i pou *cater* pou bann ki nouvo. Ki nou apel bann ki nouvo pou 2022. Lo kote *in-service*, parey nou pou vwar dan nou Bidze ki pou reste nou letan nou'n tir pou sa bann ki nou apel bann *existing*, sa i prevwar pou nou

kapab kontinyen pey pou bann demann ki nou pou annan pou *pre service* egalman pou *in-service*. Me nou, nou pe met bokou sa lanfaz lo wi nou bezwen bilateral. Akoz bilateral i pa aplik egalman oubyen inikman. Pou *in service* i enplik egalman bann *pre service*. Alors tou lede group i dan sa de laspe.

Now la kantite si plis etidyan ki nou gannyen ki antre anba bilateral, pou permet nou *fund* bokou plis etidyan ankor ki lo demann. Akoz si nou arive servi tou sa bilateral ki nou gannyen e nou annan en kantite.

E par lannen letan ou pou gete nou pou annan nou plis ki en santenn *scholarship* ki inikman bilateral. So si nou vreman servi tou sa ki nou gannyen byen, byensir plis etidyan *in service*, *pre service* pou kapab benefisyé.

E wi nou annan bann labours ki ankor ouver e bann ki fek ankor pe lanse. Lannen prosenn nou ekspekte ankor plis labours e nou ekspekte plis Seselwa. *Be it in service or pre service* i benefisyé atraver sa bann labours ki nou apel bilateral. Me osi sa ki Gouvernman i osi ofer. Mersi.

MR SPEAKER

Mersi CEO. Onorab Cosgrow.

HON WALLACE COSGROW

Bonzour Mr Chair. Bonzour CEO. Bonzour Madanm ki'n vin ek CEO. Mr Chair mon kestyion i lo programm 2 sa lot manda *ANHRD*, ki konsern *manpower development or human resource development*. E sa kestyion i vin an relasyon avek lanons ki Gouvernman fek fer dan Bidze konsernan *retirement age*.

E sa lanons zot a dakor avek mwan i fer ki i annan en kantite dimoun pe regard *increase* dan *retirement age* konman en dezavantaz pou zot.

E i annan dan bann sekter par egzanp Ledikasyon i enn, kot i annan bann *teachers* ki'n servi en bon pe letan e zot pe mazin si sa i *increase* ankor zot pou bezwen reste la plis letan.

Alors i annan ki'n arriv 60 e zot pe deside *exit*. Sa i dan Ledikasyon me i osi annan dan lasante e dan bann lezot servis esansyel.

Alors Mr Chairman, eski dan sa Bidze i annan provizyon pou bann reaksyon vit, bann *thinking* vit. Bann plan stratezik vit, pou nou kapab bous sa bann trou ki pe al arive tre byento sirtou dan bann servis kle.

Par egzanp Ledikasyon, *Health* kot sa bann dimoun i

bezwen sereten *training* avan zot kapab antre dan sa bann pozisyon?

Eski zot in fer provizyon bidzeter pou cater pou sa sityasyon ki nou riske vwar nou ladan 2022, 2023. Si CEO i kapab *brief* nou en pti pe lo la. Mersi.

MR SPEAKER

Mersi Onorab. CEO. CEO i a konmanse apre Minis. Minis ou pou al direk?

MINISTER JUSTIN VALENTIN

Ok mon a konmanse.

MR SPEAKER

Yes Minis ok.

MINISTER JUSTIN VALENTIN

Mersi Mr Speaker. Mersi Onorab pou ou kestyion. I enportan pou klarifye ki sa Bidze pou *ANHRD* i konsern plizoumwen bann *training*, pou premye degré e osi byen bann *training* pou bann dezyenm degré.

I vre ki pou annan sa bann sanzman bann *extension*. I annan trou vid ki pou arive. A ler aktyel Gouvernman pou komisyonn en dimoun osi byen ki *ANHRD*, pou nou fer sa ki nou apel en *manpower need*.

E sa *manpower need* preznan li i pou gid nou ki

mannyer nou pou kapab met diferan resours pou bann mankman bann mendev, ki nou pou bezwen a lavenir 2021, 2022 ou 2023. Mersi Mr Speaker.

MR SPEAKER

Thank you. Yes CEO.

CEO NADIA LAURICOURT

*Thank you. Just to add, en? Parey ki nou konnen nou annan osi sa ki nou dir bann *existing*, bann etidyan ki pe fini. Bann ki dan *pre service or in service*, nou pou annan en pe ki pe fini zot *study*. Ki ava osi antre pou kapab bous en pti pe dan serten domenn *as well*. Thank you.*

MR SPEAKER

Klarifikasyon Onorab. Yes
Please.

HON WALLACE COSGROW

Yes zis en pti klarifikasyon Mr Chairman. Mon konsern la i sa quick reaction ki nou bezwen. Konmsi eski dan sa Bidze i provide – akoz mon konpran manpower needs Minis. Nou fer manpower needs pou en longer ditan. Me the need will be very soon 2022, 2023. Eski nou pe fer keksoz stratezik pou kapab adres sa need ki vin la vitman? So se sa ki mon anvi konnen.

Eski i annan keksoz ki Minister ANHRD pe mazin lo la? Mersi.

MR SPEAKER

Thank you. Minis.

MINISTER JUSTIN VALENTIN

Mersi Mr Speaker. Nou anvi zis osi sinyale ki Lenstiti Guy Morel in ganny li en provizyon omwen R2.5milyon, zisteman pou fer sa bann reaksyon vit ki Onorab pe koz lo la.

MR SPEAKER

Thank you. Onorab Woodcock.

HON WAVEL WOODCOCK

Mersi Mr Speaker. Minis mon kestyon i kot i konsern *training clarity and carry needs*. Annefe manda ANHRD se pou “*advise and assist in the field of human resource development, in order to improve national skills and create a framework for the development of human capita through the development of organisation and the individual.*”

Savedir i kler ki manda ANHRD se pou devlop resours imen. Pou devlop bann dimoun dan bann travay ki nou bezwen nasyonalman.

Olye ki nou pe depan lo expatriate nou a ganny Seselwa pe travay dan sa bann diferan field e domenn. Me ler mon get

lo lalis *the list of priority fields* lo zot site ANHRD, mon vwar poudir i annan bann louvraz ki vreman enportan, ki dan plizyer Minister zot in soulev difikilte e defayans pou zot ganny bann dimoun dan sa bann *field*.

Parey dan plizyer Minister zot i koz lo problem pou ganny- problem proze lenfrastriktir pou ganny *quantity surveyors, land surveyors*.

E dan *field* konstriksyon osi arsitektir tousala. Me selman *land and quality surveying* i tonm dan *priority field 3, architecture* konstriksyon I tonm dan *priority field 5*. E parey mon'n dir ozordi nou annan bokou *expatriates* ki pe travay dan sa *field*.

E nou pe ganny bokou defayans, akoz menm dan sekter piblik e sekter prive nou napa ase sa bann travayer. Sirtou kot i konsern *land and quantity surveying*.

Alor mon kestyon i eski CEO, zot annan lentansyon pou reviz reget en pe sa *priority field*, sa lalis *of priority field* pou le fitir?

E dezyenmman mon lot kestyon i kot i konsern *wasted scholarship*. Mon ti deza demann en kestyon devan sa Lasamble pa bokou letan pase.

Kot dan lepase bokou bann *scholarship* ki nou'n gannyen nou pa'n servi. Nou'n gat sa bann *scholarship* e bokou zenn in perdi sa loportinite pou zot ganny sans al etidye aletranze.

Alor ozordi an term zot Polisi an term *liaising* avek bann diferan Minister ek Departman, ki zot pe fer pou fer sir, pou *ensure* ki nou pa gaspiy okenn *scholarship* dan le fitir? Mersi bokou.

MR SPEAKER

Thank you. Minis yes.

MINISTER JUSTIN VALENTIN

Mersi Mr Speaker. Mersi Onorab pou kestyon. Onorab sa de kestyon ki ou'n poze i de kestyon kouran. Ler mon dir kouran i sa de topik ki an se moman la i lo latab.

Premye sa *priority table* definitivman nou vwar poudir-nou senserman krwar, ki wi nou bezwen aziste li re aranz li. E sanmenm sa ki nou pou envesti osi tre prosennman dan sa *manpower need*. Avek

Ansanm avek Minister Lanplwa pou nou kapab revwar en latab e refer li pli relevan pou le moman la.

E an se ki konsern *scholarship* ki pa'n ganny servi, sa osi i en keksoz ki nou krwar nou'n mank en pe.

Dan le pase nou pa'n servi bokou bann *scholarship* ki nou ti'n gannyen. Tou nou zefor pe ganny fer la pou ki *ANHRD* – e mwan mon pe ensiste avek *ANHRD*, ki nou er maksimonm ki nou kapab *marketing*, piblikasyon pou fer *advertising* ki bann etidyan, bann dimoun lamas osi an zeneral, i konnen poudir sa bann *scholarship* i egziste.

E wi nou anvi servi maksimonm tou bann *scholarship* ki nou gannyen.

E apre byensir i pou osi bezwen en pe ledikasyon pou entrodwir bann etidyan avek bann novo pei, bann novo *field*, bann novo fason fer.

Pou tir en pe *focus* lo bann pei ki zot annan dan latet. Me osi mazin en pe bann kot nou ganny bann Pei Zanmi. Pou nou kapab servi li maksimonm. Mersi Mr Speaker.

MR SPEAKER

Yes CEO prezan.

CEO NADIA LAURICOURT

*Thank you Mr Chair. Lo dezyenm pwen lo bilateral bokou lanfaz e la dernyen fwa osi ki mon ti dir bokou lanfaz nou pe mete, pou dir i ganny take up sa bann *scholarship*.*

Ki Lazans i fer konman i gannyen li i fer sir poudir tou

bann *MDAs*, i ganny li en kopi sa not verbal. Oubyen i ganny anonse poudir nou annan tel *scholarship* ki *on offer*, e nou pe demann zot pou pas sa lenformasyon ek zot bann *staff*. Oubyen trouv zot bann *staff* egalman ki nou kapab pran sa bann *scholarship*.

E menm nou'n konmanse ek Minis pou sa lannen, kot menm bann *pre service* bann ki *qualified* pou en *scholarship*. Ki nou vwar poudir i dan sa domenn ki zot pe ale, nou pe met zot egalman lo bilateral.

E lanfaz pou kontinyen ganny mete e nou pou fer sir pou nou kapab kontinyen fer sir poudir sa bann *scholarship* i ganny pran. E tou bann *scholarship* i ganny pran bilateral. Mersi.

MR SPEAKER

Mersi CEO. Onorab Lemiel.

HON SYLVANNE LEMIEL

Mersi Mr Chair. Bonzour CEO avek ou delegasyon. Mon ti a kontan en pti pe plis leksplikasyon avek CEO, letan ou pe koz lo letid aletranze, bann bilateral ki ou gannyen petet ou pa'n al en pti pe pli a profon.

Lo kote - mon ti a kontan konnen si *ANHRD* zot ki zot kontribisyon *towards* sa bann

letid bilateral an term Bidze? Si zot osi zot annan en konponan ki zot kontribye?

E dezyenmman dan menm laliny kot ki i annan bann *in service* ki ti a kontan al aprofondir zot *knowledge* dan serten *field*, me selman ki pa *on offer* lo kote bilateral. Mon pe mazinen eski *ANHRD* pou lannen 2022, i annan en pti provizyon petet ki enn oubyen de *in-service* travayer i kapab petet benefisyé avek en pti *course*? Mersi.

MR SPEAKER

Thank you Onorab. CEO ou a pran. Wi.

CEO NADIA LAURICOURT

Thank you Mr Chair e mersi Onorab. Lo kote kontribisyón pou bilateral i tou depań lo kondisyon sa scholarship. I annan ki scholarship i fully funded setadir tou keksoz. I konpri the tuition and the non-tuition.

Letan nou pe koz *the non-tuition* i vedir ou *stipend*, ou akomodasyon, ou tiket, ou visa tou keksoz. Me i annan ki li menm si i pou *funded* i donn ou *partial funded*.

En legzanp kot i pou donn ou ou *tuition* e nou, nou pou bezwen *top up* lo kote the *stipend*. Oubyen lo kote tiket.

So i tou depań kondisyon. Me ki Lazans li i fer li, nenport ki *scholarship* ki nou, nou gannyen lo kote bilateral, nou fer sir si i annan okenn *top up* pou nou fer *we take it*. Ok. So nou pran tou.

Akoz ki nou pran li? Se ki akoz nou pe gannyen sa *scholarship* e an menm tan i redwir nou depans, ki permet bokou plis etidyan benefisyé.

Now lo kote si sa bann bilateral, it's open en. I annan ki open savedir nenport ki field. Me selman i annan ki spesifye dan ki field li i pe ofer son scholarship.

In annan dan lepase kot nou nou'n vwar poudir, mon pran en legzanp ek *Hungary* kot nou, nou santi poudir i vre nou bann *medical* e sirtou bann dokter zot al osi *Hungary*. Me ki dan nou bilateral ti napa.

Avek serten negosyasyon ki'n ganny fer, nou'n kapab met osi *medical as one field* ki'n osi benefisyé. E nou santi poudir i bon pou nou. I redwir en kantite nou *cost* akoz en *cost* pou *medical* i kout en kantite.

So wi si i annan enn ki pa pe ofer sa *field*, en *in-service* en legzanp li si i pa pe vwar enn ki dan bilateral, tou i pou depań lo son *work organisation* atraver son *training plan*.

Tou bann *MDAs* i annan sa ki nou apel en *training plan*. E depandan lo larzan ki nou, nou annan nou *allocate* konbyen *slot*. Me priyorite ki nou donnen se medikal, ledikasyon eksetera. Me si sa dimoun i lo priyorite son lorganizasyon, e pou son lorganizasyon sa *field* i en domenn priyoriter nou negosye. E wi nou *fund* egalman. *Thank you.*

MR SPEAKER

Mersi CEO. Tre byen. Onorab Pillay.

HON SEBASTIEN PILLAY

Mersi Mr Chairman. Bon apre midi nouveau delegasyon *ANHRD*. Mr Chairman mon kestyon i relate avek fonksyon *ANHRD*. Ki mwan ler mon pe get li i pa zis about anvoy manrmay lo *scholarship*, anvoy Seselwa lo *scholarship*. Oubyen anvoy dimoun lo *training* deor.

I osi *about the Agency for National Human Resource Development*. Savedir i lo planifikasyon devlopman resours imen. Mon annan dan mon lanmen la en dokiman ki apel the *National Human Resource Development Policy* ki ti ganny travay lo la en pe letan pase. *Ok?*

E sa dokiman i koz lo bann *challenges* ki sa lorganizasyon in vvar *labour market* pe fer fas avek. Enn, sete ki *unemployment levels facing* bann zenn, *youth* i 18poursan compare to an average – *national figure of around 2 percent to 3 percent*.

So plis zenn pa dan lanplwa ki dimoun pli aze. So mon premye kestyon, avek en Bidze ki'n redwir, e la mon ti a kontan ki Minis i klarifye pou nou, eski *focus* Minister Ledikasyon i zis lo *training aletranze*, oubyen *focus* i devret lo *training* an zeneral an sa ki konsern *National Resource Development*?

E zisteman an laliny ek kestyon ki Onorab Wallace in demande, ki *Agency for National Resource Human Development* pe fer pou *deal* avek en sityasyon ki pe souleve, kot ou annan plizyer *teacher* ki pe *resign* dan zot profesyon? Guy Morel pa pou donn nou nouveau *teacher*. So what is the plan an relasyon avek sa?

Mon ti a kontan osi klarifye, nou pe tann koz lo bilateral *scholarships*. Be si bilateral *scholarship* i form parti en konponan entegral sa stratezi ki zot pe vin avek, sey dir nou konbyen bilateral *scholarship* i annan? I annan

100? I annan 200 i annan 300? I annan 30, i annan 40? Pou le moman nou pa ankor konnen konbyen – nou pe zis ganny dir i annan *scholarship bilateral*. So nou ti a kontan konnen konbyen i annan.

Mon lot kestyon Mr Chairman, mon dernyen kestyon. Ler mon pe regard sa Bidze nou'n ganny dir poudir i annan *cohort* ki pa ti ale lannen pase. Annou vin spesifikman lo sa. Be i annan *cohort* ki pou ale sa lannen. Be ki pou arive ek sa *cohort* ki pa'n ale?

Konmsi rediksyon dan Bidze in ganny eksplike konman nou annan *cohort* ki pa'n ale lannen pase. So mon ti a kontan ki Minister Finans oubyen Lazans i dir nou, akoz ki i annan sa rediksyon sibstansyel?

Akoz sa rediksyon si nou *scroll down* nou vwar li an relasyon avek konponan *training*. E i en rediksyon sorti 270milyon pou arriv 212milyon. En rediksyon 58milyon apepre. So eski nou kapab ganny en klarifikasiyon anba *training fees* ki sa rediksyon i *entail*? E si pou annan lenpak *going forward* an relasyon avek bann nouvo *training* ki pou ganny ofer?

Me si par kont pou napa lenpak e bann *scholarship*

bilateral parey zot pe dir pou pran plas sey dir nou alors konbyen *scholarship bilateral* i annan. E ki mannyer oubyen eski in annan en travay ki'n ganny fer pou klasifye zot across bann diferan konponan ekonomik. Atraver en *economic needs test* pou montre oubyen *manpower needs test* ki'n ganny fer pou plas sa bann *scholarship* dan bann *areas* kot zot pli enportan. Mersi Mr Chairman.

MR SPEAKER

Thank you. Minis wi.

MINISTER JUSTIN VALENTIN

Mersi Mr Speaker. Mersi Onorab pou kestyon. Mr Speaker mon a konmanse, mon a met en pe leklersisman. E apre bann teknisyen zot in sinal mwan ki zot annan detrwa bann *figures* pou zot apiye.

Premyerman annou realize ki kalkilasyon Bidze lannen pase pou *studies*, ti ganny fer lo en *value* ki letan Dolar ti R22.7. E sa lannen letan sa kalkilasyon in ganny fer in ganny fer baze lo R15.

Donk definitivman an term kalkilasyon, an term *value* i pou annan en serten rediksyon nimerik. E sa pa vedir byensir ler i pou annan sa

value nou pou perdi serten keksoz.

Dezyenm ki mon anvi dir ti annan de *cohort* nou ti pe osi lannen pase fer provizyon pou de group etidyan, enn ki pa ti ale avek enn ki ti pou ale. E sa in fini ganny *cleared*. La preznan nou pe konmans pou lannen depi 2022 nou rekonomans lo en group etidyan ki pou ale an 2022. Sa i enn.

Dezyenm kestyon i konsern *training* lokal *versus* aletranze. E nou pe koz la osi bann zenn ki pa dan lanplwa. En keksoz ki nou bezwen fer resorti, provizyon in ganny fer pou bann zenn akse PCs.

E sa zenn akse ek PC sa profesyonnel, sa provizyon ti ganny koz lo la taler dan sa Bidze Minister Ledikasyon ki nou'n fini koz lo la.

La pou le moman sa Bidze ki nou pe koz lo la la, i pou anvoy etidyan fer bann letid tersyer. An se ki konsern devlopman resours imen ANHRD ansanm avek Minister ki responsab pou Lanplwa, in antre an konsiltasyon pou etidye sa sitasyon kot i annan zenn ki pa dan lanplwa.

E ansanm avek Minister Ledikasyon preznan pou nou gete ki mannyer nou pou pozisyon zot dan bann PCs kot zot devret ete, pou nou kapab

rezourd maksimonm sa bann problemm.

Prezan Mr Speaker mon ti a kontan ki Madanm Lauricourt i koz en pe, i enpak en pe sa *idea* konbyen egzakteman bann differan kour bilateral ki nou gannyen dan lannen, pou nou kapab met en pe leklersisman lo sa pwen.

MR SPEAKER

Thank you Minis. CEO ou kapab azoute.

CEO NADIA LAURICOURT

Mersi Mr Chair e mersi Onorab pou kestyon. Parey la dernyen fwa letan mon ti vin devan dan Lasanble, nou ti koz lo bilateral e mon ti dir ek Lasanble mon pou fer zot ganny en dokiman, ki baze en pti pe lo leksplikasyon bilateral. E mon ti fer li akse ek Lasanble.

Now, i tou depan lo pei konbyen nou gannyen. En legzanp pou La Chine nou ganny nou swa 7 oubyen 10 scholarship par lannen. Pou Hungary ou ganny ou 10 par lannen. Pou L'Inde i depandan ki field.

Annandler li i open. Parfwa ou ganny ou 10, parfwa ou ganny 20 i depandan sa pei en. E pou Mauritius ou ganny ou 10.

So i annan differan limero, differan nonm pou differan pei. Mon kapab fer Onorab ganny depi Zanyye ziska la tou *scholarship* ki nou'n gannyen. Mon krwar ki nou ti prezant en latab ek Lasanble.

Mon kapab fer li re ganny ankor, azout bann ki pou vini konbyen *scholarship* ki nou'n gannyen bilateral. La kantite ki nou'n gannyen. Ki bann *field*. Sa *by* Lendi mon kapab fer ou gannyen. Fer Lasanble ganny tou sa detay akoz i en kantite.

I en kantite e sakenn i vin avek son norm. E i annan ou pou ganny ou en sel. Mon pran pou *Japan* kot ou pou ganny ou zis en *scholarship*. *Fulbright* ou pou ganny ou 1 *scholarship*. I depan sa pei.

MR SPEAKER

Klarifikasiyon Onorab. Wi.

HON SEBASTIEN PILLAY

Mersi Mr Chairman. Mr Chairman premyerman mon le zis klarifye ek Minis ler mon fer en kalkil lo *rate*, sanzman dan to lesanz mon ganny mwan apepre 33poursan sanzman.

Ki vedir 33poursan *the original budget* i ava vedir Bidze i sipoze desann par 89milyon. Bidze in desann par 58milyon. So pou mwan mon pe ganny de leksplikasyon.

Premye leksplikasyon ki mon'n gannyen se ki la kantite *scholarship* ki manrmay ti pe ale pa'n ale lannen pase. La zot in dir mwan poudir i *relate* avek *exchange rate*.

La nou pe ganny dir i annan differan *scholarship* vizavi bann *bilateral agreements*.

Sa ki Lasanble i bezwen konnen e ki enportan pou Lasanble konnen, si nou pe annan en rediksyon 58milyon dan *training vote* e nou'n dir poudir enn bann lenpak pli prononse i lo zenn ki pa dan lanplwa, nou pou regard *the twin functions ANHRD*, an relasyon avek;-

Enn, ede pou *Develop National Resource Development Policy* oubyen *manpower needs*.

E dezyenm, fer sir ki nou annan *training* pou anvoy bann dimoun lo la, i enportan pou nou konnen *by now ANHRD* ti devret kapab dir nou pou *offset* sa 58milyon ki pe ganny tire, konbyen *scholarship* ki zot pe antisipe donn Seselwa, donn bann Seselwa ki pou kalifye pandan sa lannen ki pe vini?

Akoz sa i en legzersis Bidze pou Bidze 2022. *Right now* mon pe ganny en lenformasyon ki *piecemeal*, e mon ava apresye ki si nou kapab ganny sa latab dan tou

sa bann differan areas ava meyer.

Be prenon kont sa Mr Chairman, mon ti a kontan petet direct mon kestyon avek reprezantan Minister Finans pou sey donn nou en pe klarifikasyon.

Eski Minister Finans li ler in prepar *the final vote for the training vote* spesifikman, in annan sa lenteraksyon vizavi of *setting* bann kou ki egziste ozordi as oppose to sa ki ti la dan Bidze avan?

Savedir pou account pou sa diferans ki nou annan dan Bidze. E eski alors dan Bidze osi i annan, Minis ou'n koz lo en konsiltan, mon rapel si mon pa *recall* sa enn rapor ti ganny fer par en konsiltan ki apel Promen.

Eski i annan en lot konsiltan ki pou fer en lot rapor an se ki konsern *National Human Resource Development Policies and Strategy* oubyen *manpower needs?* Mersi Mr Chairman pou ou pasyans.

MR SPEAKER

Thank you. Minis yes ou kapab konmans donn leksplikasyon.

MINISTER JUSTIN VALENTIN

Mersi Mr Speaker. Mr Speaker mon anvi zis fer en – pou mon donn en leklersisman lo ki nou

pe koz lo la. Normalman i annan environ aepre on *average* – la kantite etidyan ki ti pou ale an 2021 i bokou plis ki la kantite etidyan ki nou pe prevwar pou ale an 2022.

Donk deza pou mwan sa i vedir en rediksyon dan larzan ki nou bezwen. I pa vedir nou pe koup *scholarship*. I vedir larzan ki nou bezwen pou anvoy sa group manrmay sa lannen.

E apre en dezyenm keksoz ki enportan dir se ki *training* pou bann etidyan ki pa dan lanplwa i pa neseserman tonm avek *ANHRD* sa.

Sa i tonm avek bann sant profesyonnel. Nou ankouraz kontrer bann sant profesyonnel pou pran plis bann etidyan S5 pou nou pa ganny sa problem.

E apre la nou dir osi ki i annan bann *special Scheme* ki annan dan Minister Lanplwa ki absorb sa bann etidyan osi. E dernyen pwen ki mon anvi fer resorti sa plan – ler nou nonm konsiltan I pa vedir nou pe fer vini en lot dimoun, pou vin Sesel pou fer en plan resours imen.

Nou ki nou pe dir nou bezwen met azour nou *manpower plan*. I en nouveau striktir. I en nouveau Gouvernman. Mon krwar i neseser pou nou ganny nou *figure* pou nou kapab travay

avek nou *figure*. Mersi Mr Speaker.

MR SPEAKER

Thank you. Ms Tamatave ti annan keksoz ki ou ti le azoute?

DEPUTY COMPTROLLER GENERAL ASTRIDE TAMATAVE

Mr Chair bonzour ankor. Onorab zis petet pou donn en pe plis lenformasyon lo sa rediksyon.

Minis parey in mansyonnen en konponan kle sete sa rediksyon deviz etranzer. Bidze 2021 ti *take into account* 276 novo etidyan pou *overseas training* e 119 pou UNISEY bann novo *entry*.

As at Septanm 2021 ti annan 149 etidyan ki ti antre lo *overseas training* e 61 pou UNISEY. Bidze 2022 pe fer provizyon pou 169 novo manrmay pou *overseas training* ki pou kout aepre R58.2milyon.

E i osi pe fer provizyon pou 123 novo etidyan kot liniversite e sa pou kout aepre R18milyon. So I annan en rediksyon, me selman sa forecast ki pe ganny fer pou 2022 i pe reflekte sa kapasite *requirement* pou Gouvernman kapab met manrmay dan liniversite.

An 2021 ti annan en total 395 etidyan ki ti ganny fer an total letan ou pou met son *overseas* ek son *local*. Me an 2022 i 292. I annan en gap me selman sa gap i kapab ganny *bridge* ek bann bilateral ki pe ganny ankouraze pou manrmay al plis lo la.

Me osi i annan en zefor ki bezwen ganny fer lo bann manrmay ki sorti sant profesyonnel, pou zot kapab *meet the entry requirement of* bann liniversite.

Akoz par ler kantmenm ou met provizyon bidzeter i pa neseserman vedir ki tou manrmay pou *meet sa entry requirement*, pou ou kapab anvoy zot sa letid avanse. Mersi.

MR SPEAKER

Mersi Ms Tamatave. Bon nou a pran vot lo Bidze pou *Agency for National Human Resources Development* ki pou en total 220 milyon R921mil. Manm ki an faver lev lanmen silvouple? Madanm Clerk mon krwar tou Manm in vote.

Okenn Manm ki vot kont? Mersi. Vot lo Bidze pou *Agency for National Human Resources Development* lo paz 331 ziska 335 pou R220milyon 921mil, 25 Manm in vot pour, 0 kont e

en abstansyon. Bidze in aprouve par Lasanble.

SEYCHELLES QUALIFICATIONS AUTHORITY

MR SPEAKER

Nou a pran vot lo de antite ki nou pa pe diskit plis lo la. E sa premye se *Seychelles Qualifications Authority* ki lo paz 311 ziska 316 pou 8milyon R141mil. Minis oubyen Ms Tamatave ti a pas briyevman lo sa Bidze silvouple, zis pou ekliersi nou. Ms Tamatave. Mersi.

DEPUTY COMPTROLLER GENERAL ASTRIDE TAMATAVE

Mersi Mr Chair. Bidze SQA i parey ou'n dir pou R8milyon 141mil. Sa i en logmantasyon par rapor avek son Bidze 2021 ki ti R7milyon 656mil. Rezon prensipal pou logmantasyon dan Bidze SQA i annan en *new spending proposal* ki in gannyen po li reviz son *NQF Regulation* sa i 120mil.

E i ganny trouve lo paz 314. Apre i annan sa *increase* dan *rent*. Parey zot konnen tou larestan Departman ki *rent* lofis an 2021 ki pa aplikab an 2022 e se sa de gran *increase* SQA

dan Bidze SQA pou 2022. Mersi Mr Chair.

MR SPEAKER

Thank you. Nou a pran vot lo sa Bidze pou R8milyon 141mil. Manm ki an faver lev lanmen silvouple? *Thank you.* Okenn Manm ki vot kont? Mersi. Vot lo Bidze *Seychelles Qualification Authority* lo paz 311 ziska 316 pou R8milyon 141mil, 23 Manm in vot pour, 0 kont, 3 abstansyon. Bidze in aprouve par Lasanble.

TERTIARY EDUCATION COMMISSION

MR SPEAKER

Bidze pou *Tertiary Education Commission*. Mon pa sir ki paz me Ms Tamatave i a kapab ekliersi en pti gin. E sa i pou R2milyon 195mil. Ms Tamatave en pti apersi lo sa Bidze.

DEPUTY COMPTROLLER GENERAL ASTRIDE TAMATAVE

Mersi Mr Chair. Bidze *Tertiary Education Commission* i trouve lo paz 326 a 330 pou en sonm R2milyon 195mil. Mr Chair i bon pou note ki *Tertiary Education Commission* an vi ki i annan en legzersis ki pe ganny fer, e petet boner lannen

prosenn nou pou vvar ki TEC pou ganny *merge*. Serten son fonksyon pou ganny *merge* anba Minister Ledikasyon e serten anba SQA.

E pou lannen 2022 nou pou prezant dan *Mid-year Review a reallocation of fund* kot en bout son Bidze pou bouz anba Minister Ledikasyon, e en bout anba SQA.

Me an vi ki sa pa ankor ganny arive se pou sa rezon ki nou fer provizyon pou TEC konman en antite ki ankor en antite *as we speak now*. Mersi Mr Chair.

MR SPEAKER

Thank you. Nou a pran vot pou sa Bidze pou *Tertiary Education Commission* pou R2milyon 195mil. Manm ki an faver lev lanmen silvouple? Mersi. Okenn Manm ki vot kont? *Thank you* Madanm Clerk. Ou annan kek difikilte Madanm Clerk? Nou kapab re vote. Annefe non nou pa vote bann ki'n *abstain*. Ou le re ganny vot?

Nou a re ganny vot pou sa Bidze silvouple bann ki an faver? Madanm Clerk nou a donn ou letan. *Thank you.* Bann ki vot kont? Bon. Vot lo Bidze pou *Tertiary Education Commission* lo paz 326 ziska

330 pou R2milyon 195mil, 23 manm in vot pour, 0 kont e 3 abstansyon. Mersi Madanm clerk. Bidze in aprouve par Lasanble.

Mon remersye Minis Valentin pou son partisipasyon bomaten e la pou sa dernyen peryod. Mon remersye zofisyen ANHRD e mon swet zot tou bonn apre midi e bonn kontinyasyon travay. Lasanble a repran e pe pran Bidze *Ministry Local Government Community Affairs* apre midi. Nou a demar 2er 15. Mersi. Nou a pran en poz.

(BREAK)

LOCAL GOVERNMENT & COMMUNITY AFFAIRS

MR DEPUTY SPEAKER

Bonn apre midi tou Manm Onorab e bonn apre midi tou bann dimoun ki pe swiv deliberasyon Lasanble Nasyonal. Donk nou pou kontinyen avek nou deba lo Staz Komite lo *Appropriation Bill* 2022.

Apre midi la nou pou konsider Bidze Minister Gouvernman Lokal avek Zafer Kominoter. Nou ava demann madanm reporter pou al kriy panel silvouple, mersi.

Nou touzour dan Lasanble nou pa kapab koz atraver -. Ki mon ti pou dir zot an atandan dan ki nou pe esper panel, *Local Government* akoz son bann zofisyen pou la, mon konnen pou dir i annan bann Manm pou kapab demann kestyon lo proze. Ki nou bezwen fer i annan en -. I annan en Manm ki'n fer komanter? Sa ki nou demande se ki letan Speaker pe adres Lasanble nou obzerv silans, mersi.

Se ki nou ti ava pran bann kestyon lo Bidze Minister avan, bann kestyon lo proze akoz zot pou bezwen sanz zofisyen pou devan lo *panel*, sa nou ava pran apre. So byen koze fer byen konpran, mersi.

Donk nou a *welcome* Minis pour Gouvernman Lokal e zafer kominoter Madanm Rose-Marie Hoareau avek nou. Bann zofisyen pou akonpanny li i annan Sekrete Prencipal Mr Kevin Perine e *Financial Controller* Madanm Marlène Valentin e nou osi annan zofisyen Minister Finans se manmzel Astride Tamatave sorti kot Minister Finans. E parey Mr Commetant osi i prezan avek nou sorti kot Minister Finans.

E parey nou'n fini eksplik Lasanble pour komanse nou ava pran bann kestyon

spesifikman lo Bidze *Minister Local Government and Community Affairs* ki trouve lo paz 365 ziske 371, e dan lot parti nou ava pran bann proze ki swa dan Distrik ouswa lo nivo nasional ki konsern sa Minister, akoz nou pou bezwen sanz zofisyen devan lo panel. Donk nou ava envit Minis pou fer en lントrodiksyon pour son Minister silvouple, mersi.

MINISTER ROSE-MARIE HOAREAU

Mersi Mr Chair. Bonn apre midi tou bann *MNA's a tou dimoun a lekout*. Mr Chair dan Bidze pour lannen 2022, Minister Gouvernman Lokal ek Zafer Kominoter in ganny en alokasyon R138.4milyon. Sa i en logmantasyon 34.6milyon ki ekivalan 33 poursan anplis ki *revised budget 2021*.

An gro sa i reprezent en logmantasyon dan premièrman *wages and salaries* par 15.5milyon.

Dezyenmman *goods and services* par 3.2milyon e trwazyenmman *non-financial assets* par en sonm 16.1milyon. Mr Chair logmantasyon dan *wages and salaries* i relye avek peyman saler pour 3 *staff procurement* e 5 *staff accounts*

ki'n ganny transfer kot nou Minister.

Kreasyon 60 post pour *general assistants* ki avan ti apel *field technicians* e ki ti ape ganny peye anba *goods and services*.

Mr Chair logmantasyon dan *goods and services* i relye avek, premyerman en sonm R990mil anba lokasyon *Secretariat* Minister. Sa i sa 25 poursan ki ti'n ganny tire dan Bidze 2021.

En alokasyon R2.4milyon pou al anver peyman landrwa reste pour bann viktim dan bann ka dirzans lo nivo Distrik tel ki dife, deboulir later oubyen en pye dibwa ki'n andomaz lakaz, inondasyon, eksatera.

Kou l'administratif relye avek transfer lazans servis simityer kot nou Minister an Zanvye 2022 i trwazyenm rezon pour sa *increment*.

Mr Chair logmantasyon dan *non-financial assets* i relye avek sa bann alokasyon swivan;

Premyerman 20milyon pour bann pti proze distrik ki reprezent en logmantasyon 9.5milyon. Sa i vedir ki sak Distrik pou ganny en alokasyon R740mil e sa i en logmantasyon sibstansyel pour sak distrik konpare avek 2021.

Sa logmantasyon i a permet Minister kontinyen

reponn bezwen bann zabitan distrik pou ede fer en diferans dan kominote.

District emergencies in sorti R2milyon pour li vin R3milyon. Dan sa ka la *district emergencies* i vedir bann larzan ki'n ganny servi pour aste materyo zour sa problem i arive, zour sa *emergency* i arive e osi pou pey bann kontrakter ki ganny *called out* pour vin ede dan sa sityasyon.

1.2milyon pou konmans travay lo lofis ladministrasyon Distrik e sant kominoter Perseverance.

Mr Chair mon anvi dir ki an 2021 nou Minister in reisi konplet 85poursan nou bann proze, konpare avek en mwayenn 56poursan pandan lannen 2016 a 2020. Sa lakonplisman 85poursan, i en rezulta bon disiplin e travay kolektif.

Mon oule ozordi sezi sa lokazyon pour remersye bann zofisyе proze kot Minister osi byen ki bann *DA* ek zot *staff* avek bann *MNAs* pour sa lakonplisman remarkab. Se egzakteman sa ki nou anvi war ler nou koz lo donn piblik en servis pli efikas.

Mr Chair anba *India Grant* nou annan 3 proze kapital swivan;

R7milyon pour konstriksyon novo sant kominoter Cascade,
 6.6milyon pour *community infrastructure projects.*

1.2milyon pour konmans travay *major renovations* lo novo lofis Ladministrasyon Distrik e sant kominoter Baie Ste Anne Praslin.

Pour note ki *Financial year India Grant* i fini le 31 Mars 2022. Bann negosyasyon ki nou'n konmanse sa lannen pour ganny finalize avan lafen Mars 2022.

Zafer Etranzer i pou gard nou enformen anmezir ki formalite i ganny konplete e nou, nou pou pas sa lenformasyon avek tou dimoun konsernen enkli byensir zot bann MNAs.

Mr Chair ozordi piblik an zeneral i kapab vvar ki i annan en gran amelyorasyon dan letan fizi e fonksyonnman bann biro Ladministrasyon Distrik osi byen ki lezot fasilite kominoter. Me parkont i annan ankor bokou pour nou fer.

Anliny avek reform dan servis piblik nou Minister an 2022, pour kontinyen met lanfaz lo devlopman resours imen, donn *training* kot i neseser avek bi amelyor prodktivite e servis dan travay.

Mon profit sa lokazyon pou remersye tou travayer Gouvernman Lokal ek Zafer Kominoter, pour sa bon travay lekip e pour zot sipor ki'n fer nou war en gran amelyorasyon dan fason fer. E ki an 2022 nou a kapab fer pli byen.

Mon osi remersye tou bann endividiyel ek bann lakonpannyen ki'n vin devan pou ede, pour ed nou bann DAs dan Distrik pandan sa lannen. Mersi pour zot zenerozite e zot sipor.

Mr Chair mon swe pour 2022, se ki nou mentenir sa lespri lekip e ki nou kontinyen travay avek disiplin e responsabilite.

Ki nou ranforsi sa bon relasyon ki nou'n devlope avek bann MNAs, lezot Minister bann departman, bann Lazans, NGOs, kominote Biznes e piblik an zeneral.

An konklizyon mon lans en lapel avek tou dimoun dan bann diferan distrik pour kontinyen montre lentere e reste angaze avek sa ki pe pase dan zot distrik respektif.

Vin devan, vin donn en koudmen akoz ansanm nou ava kapab akonplir bokou plis pour nou kominote. Mersi Mr Chair.

MR DEPUTY SPEAKER

Mersi Minister. Donk aprezan nou pou ouver lasal pour kestyon e si i annan Manm ki pa ankor endik – pa ankor lev lanmen, zot kapab lev lanmen letan nou pe konmanse. Nou a pas laparol avek Onorab Regina Esparon.

HON REGINA ESPARON

Mersi Mr Speaker. Bonn apre midi Minis avek ou delegasyon. Mr Speaker mwan mon annan en kestyon pour la apre mon lot kestyon i a vin pour proze. Lo paz 429 anba programm 2 i annan sa 10milyon 229mil pour *burial services*, Minis ou'n eksplik nou ki anba *goods and services* sa pe osi antre konman en logmantasyon dan ou Bidze.

Ki mon ti anvi konnen mwan, mon mazinen ou pe erit sa servis avek tou son bann travayer ki ti deza la. Me eski dan sa sonm la i annan plas pour anploy ankor travayer, pou fer ki sa servis li menm li kot simityer, i ava vin pli alaoter.

Parski in annan enn de mirmirasyon dan lepase ki servis pa pe tro – zot delivre lo sa servis. Eski i annan sonm pour kapab anploy en pe plis dimoun pour simityer?

E dezyenmman vi ki sa servis pour nouveau anba

Gouvernman Lokal ki mannyer sa pou marse? Eksplik nou en pti pe. I pou tonm direkteman anba DA? Donn nou en pti pe lesplikasyon ki mannyer sa pou marse anba Gouvernman Lokal. Mersi.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mr Chair avek permision PS i ava reponn silvouple.

MR DEPUTY SPEAKER

Sertennman *proceed.*

PS KEVIN PERINE

Bonn apre midi Mr Chair, bonn apre midi tou dimoun. Mersi Onorab pour ou kestyon. Bon avek sa alokasyon 10milyon ki nou'n gannyen pour zer simityer, 8milyon ladan i deza zis pour saler. So nou deza an negosyasyon e nou pe diskit avek ASP ki pe fer sa tranzisyon.

E anba sa 8milyon pour saler 78 *staff* ki simityer i anployer a ler aktyel, pe ganny transfer direkteman kot *Local Government*. E byensir a sa moman la sa bann *staff* pe ganny evalye e pe get fason servis e letan i ariv kot nou. E letan wi, letan i ariv kot nou,

nou ava gete ki mannyer nou pou kapab vreman zer simityer, dan sa fason efikas ki sipoze antre.

Akoz prenon kot ki i pe vin anba nou, nou pa'n zanmen zer simityer avan e i en keksoz ki nouvo. Ou konnen i annan pa mal problemm ki'n arive avek simityer dan lepase, *you rightly said* Onorab. E mon panse bokou sa bann problemm in ganny rektifye e vwala. Mersi Onorab pour ou kestyion.

MR DEPUTY SPEAKER

Mersi PS. Minis oule azout en keksoz.

MINISTER ROSE-MARIE HOAREAU

Onorab just pour *take up* kot PS in kite. Ler sa bann dimoun pou vin travay anba responsabilite *Local Gouvernement* an Zanvye 2022, pour annan en prosedir pour nou – parey Ps in dir reevalye sa bann dimoun, si fodre petet *motivate* zot, petet ou pa bezwen plis dimoun.

Ou bezwen dimoun ki pou travay ek en disiplin. Alor i pa toultan neseser ki nou bezwen anploy plis dimoun.

Nou bezwen regard sa ki nou annan - regarde ki mannyer nou kapab fer zot vin pli efikas, ki finalman petet nou pa pou bezwen plis dimoun. I

zis aranz lafason ki nou travay. Alor sa i enn bann *challenges* ki mon konnen pe vini, ler nou pran sa responsabilite an Zanvye. Mersi.

MR DEPUTY SPEAKER

Mersi Minister. Onorab Michel Roucou.

HON MICHEL ROUCOU

Mersi Mr Chair. Onorab Regi in fini demann mon kestyion. Mersi.

MR DEPUTY SPEAKER

Mon ava pas laparol avek Onorab Rosie Bistoquet.

HON ROSIE BISTOQUET

Mersi Mr Chair. Bonn apre midi Minis avek ou delegasyon. Minis anba *office rent* mon vwar en sonm 2.9milyon. Donn nou en pti leksplikasyon.

Apre mwan mon pe fer zis en pti remark. Se ki mon kontan Minis avek ou tim ou'n fer en kantite keksoz. Ou'n tir birokiasi dan sa sistem, ou'n tir politik dan sa biro brans.

Parey mon ti ganny dir par en *MNA* si dimoun pa vin dan biro brans se zot ki pa ti anvi vini. E ou'n met latransparans dan sa sistem Gouvernman Lokal. Mersi bokou.

MR DEPUTY SPEAKER

Ou'n fer en pwen ou ava. Avan ki ou'n -.

HON ROSIE BISTOQUET

Office rent.

MR DEPUTY SPEAKER

Wi *office rent*, wi *Panel silvouple*.

FINANCIAL CONTROLLER

MARLENE VALENTIN

Bonn apre midi Mr Chair. Bonn apre midi tou *MNA*. Mersi *MNA* pour ou kestyon. *Office rent* pour 2021 ti 2.9 me pour 2022 i 3.8. E sa i sa logmantasyon ki Minis tin dir pli boner, set akoz an 2021 ti annan sa rediksyon 25pourasan ki Gouvernman ti pe demann *landlord* ki ti'n tire dan sa Bidze e la pour sa lannen 2022 in re mete. Mersi.

MR DEPUTY SPEAKER

Mersi. *Minister*.

MINISTER ROSE-MARIE HOAREAU

Thank you Mr Chair. Just to go back avek Onorab Esparon en bout kestyon ki nou'n blyie reponn se ki simityer pa pou tonbe anba responsabilite *DA* Mont Fleuri. Simityer pou annan son *own management*. Byensir I pou tonm en servis dan Mont Fleuri me selman i pa

pou responsabilite sa *DA* pour li zer simityer. Mersi.

MR DEPUTY SPEAKER

Mersi *Minister*. Nou ava pas laparol avek Onorab Lemiel.

HON SYLVANNE LEMIEL

Mersi Mr Chair. Bonn apre midi Minis avek ou delegasyon. Minis enn zot priyорite stratezik se pou enplimant program reform dan Gouvernman Lokal. Mon ti a kontan konnen ki konponan atraver ou Bidze 2022, petet ki ou pe mazinen i pour al atraver sa reform?

E an menm tan letan nou lo la mon ti a kontan si ou ti ava donn en pe plis detay lo sa reform li menm ki ou pe mazin pe al arive dan Gouvernman Lokal.

Dezyenmman *burial ankor, burial services* ou annan en votes *specialised medical treatment expenses*. En R28mil mon krwar mon war anba la. Mon pa konnen si ou pou kapab donn nou en pti lenformasyon kisia sa *specialised medical treatment expenses*. Ki i entail, lekel ki pou ale sa tretman medikal?

DA's office Mr Chair sa apre nou al lo la ouswa mon fer en sel demann mon kestyon apre i pran?

MR DEPUTY SPEAKER

Si en proze nou a pran apre akoz nou pou bezwen sanz zofisye devan.

HON SYLVANNE LEMIEL

Ok. Lo kote konsiltan, mon pe mazinen. Aparaman Gouvernman Lokal i annan enn de konsiltan. Mon pe vwar ki petet larzan lo kote konsiltan napa dan zot Bidze. So mon ti a kontan konnen aepre konbyen konsiltan zot annan la? E ki kalite travay ki sa bann konsiltan pe fer aktyelman? Mersi.

MR DEPUTY SPEAKER

Mersi. I annan 3 pwen la.

MINISTER ROSE-MARIE HOAREAU

Mersi Onorab pour ou bann kestyon. Mersi Mr Chair. *Reform and training* dan Gouvernman Lokal i en *ongoing process*. In konmanse depi sa lannen byen boner sa lannen. E i pa en keksoz ki bezwen neseserman kout en ta larzan. I zis kontinyelman pe gard kontak avek bann DA's. Kontinyelman assess zot *performance*.

Kontinyelman ed zot kot zot bezwen ede dan zot *self-development* pour zot kapab pli byen *carryout* zot *duties*.

Alor pour nou kot *Local Government* nou pa get *training* avek *reform* koman en keksoz ki ariv 1 fwa, 2 fwa, 3 fwa par an. I en keksoz ki *ongoing*.

E i pa neseserman osi ki nou bezwen rod dimoun pou vin fer sa *training*, akoz sa lannen laplipar *training* mwan ki'n fer. Akoz mon *lucky* dan sans ki mon kapab fer li.

E ler nou bezwen dimoun pou vin avek en keksoz spesyalize, la nou rod en dimoun deor. E nou bann dimoun i osi annan posibilite pou *attend* bann programm ki'n ganny spesyalize pour *Local Government*.

Alor *the training is ongoing. It's all about good governance, it's all about good management. It's about the DA having good leadership. Annan en fason pour zot manage zot staff. Annan en fason pour zot delivre sa servis avek piblik.*

Alor sa i en keksoz ki *ongoing* i pa en keksoz ki mon kapab dir ou i arive zis 2 fwa par an. I en keksoz ki ariv tou lazournen, toulezour. E toulezour nou pe ede pour bouz devan avek nou bann reform.

Sa *specialised treatment expenses* kot *burial services* sa i bann medical ki bann staff ki travay dan simityer i bezwen fer akoz zot *deal* avek – sirtou la

avek COVID. I bann tes regilye ki zot bezwen fer koman bann dimoun ki travay dan simityer.

Regarding consultancy pour lewoman mon annan 2. Enn she is helping us avek nou bann Policy writing. Her name is Ms Begitta and i en dimoun ki ti'n deza travay kot Local Government avan. I ti actually en Policy Analyst kot Gouvernman Lokal en pe letan pase. 2, 3 lannen pase, e la prezant i pe travay kot UNISEY.

Alor nou pran li pour li vin ed nou dan *set-up* nou *Policy* pour Minister. Apre mon ti anploy en madanm pour li vin fer *archiving* dan *Local Government* an zeneral, akoz ler mwan mon ti antre dan Minister ti dan en dezord konplet.

E ti napa ni menm en *filling system* ler mwan mon antre kot Minister. E byensir annan de ler sa bann *files* ou bezwen li akoz annan de ler bann dimoun i bezwen al Ankour avek serten dosy,e e i ti enportan pour proze sirtou pour zot annan en *proper filling system* ki la prezant Minister i fyier pou dir i annan. Mersi Onorab.

MR DEPUTY SPEAKER

PS oule azout keksoz?

PS KEVIN PERINE

Mersi Mr Chair. Zis pou fer bann pti koreksyon Betty-may Sopha sa konsiltan i apele, yes eskize.

MR DEPUTY SPEAKER

Ou annan klarifikasiyon Onorab?

HON SYLVANNE LEMIEL

Mersi Mr Chair. Klarifikasiyon petet Minis pan byen konpran mwan pour mon premye kestyon. Minis mon konnen *training* i toultan *ongoing* dan Gouvernman Lokal e i enportan sa.

Mwan mon *issue* ki mon ri pe oule plis detay lo la se ki ou'n koz lo reform dan Gouvernman Lokal. Apard sa *training* mon pe prezimen ki sa reform its *something else*.

So se sa ki mon ti mazinen si ou'n konpran mwan byen or si petet ou ti pou bezwen en pti pe plis lesplikasyon. Mersi.

MINISTER ROSE-MARIE HOAREAU

Mersi Onorab. Ok i en kantite sa bann azektif ki mon'n servi dan mon *speech*. Kot bann *staff* pe travay avek responsabilite, zot pe travay avek *accountability*. Zot pe travay avek disiplin e zot pe delivre en

servis ki lo vreman en nivo ki er nou fyer. Se sa, sa bann reform ki pe pase dan Minister. Mersi.

MR DEPUTY SPEAKER

PS?

PS KEVIN PERINE

Mersi Mr Chair. Onorab pou osi azout lo sa ki Minis in dir. Atraver bann reform nou pa pe koz zis *human resources* la. Nou pe koz bann reform kot nou pe vwar bann *Policy*.

Bann *Policy* entern, nou pe revwar nou *strategic plan* ki pe ganny travay lo la. E nou osi pe fer *actually* en *structure meeting*, ki'n deza ganny konmanse depi semenn pase e Mardi prosen nou pe kontinyelman avek li, pour nou vwar ki bann Departman ki bezwen plis led oubyen pour nou fer bann sanzman entern vizavi lo konpetans e abilite *staff*. Mersi bokou.

MR DEPUTY SPEAKER

Mersi PS. Mon ava pas laparol avek Onorab Labrosse.

HON RICHARD LABROSSE

Mersi Mr Deputy Speaker. Bonn apre midi tou dimoun ki a lekout, mon bann koleg espesyalman zabitan Plaisance. Minis ek PS dabor mon ti a kontan remersi zot bokou pour

zot bon servis zot in donn nou dan Plaisance pour sa lannen.

Nou'n kapab konm dir bannla, nou tou lede nou nouvo dan sa bann louvraz, nou'n kapab travers losean ansanm e nou konnen i annan bokou ankor pour nou arive ansanm.

Minis en keksoz ki'n – en *challenge* ankor ki mon'n rankontre ler nou'n vini Plaisance, ankor mon *DA* osi i en nouvo dan distrik. Li osi mon kapab dir in antre dan soulye dimoun Plaisance i ape donn en bon servis *so far so good*.

Me en *challenge* ki nou pe gannyen i voluntarya ki mon'n gete osi en *current challenges* pour zot Minister.

La mon pe gete dan bann lannen ki pe vini konmsi ki bann keksoz kekfwa zot – nou konnen voluntarya i sipoze voluntarya, me selman ki bann keksoz ki Minister Gouvernman Lokal pe anmennen, konmsi pou atrakte plis dimoun dan kominate pour koste ansanm pour kapab donn en koudmen devan? Mersi.

MR DEPUTY SPEAKER

Mersi Onorab. *Panel. PS proceed.*

PS KEVIN PERINE

Mersi Mr Chair. Mersi pour ou kestyon Onorab. Letan nou koz voluntarya i vedir ki nou anvi

dimoun i vin ansanm. *Ok*, i vin devan i vin donn en koudmen dan kominate. E volontarya son non i dir pour li menm. Volonter savedir ou en volonter i en keksoz ki ou fer benevol avek ou leker pour ed ou kanmarad.

E si vreman nou konmans entrodwir en fason pour nou donn en peyman voluntarya, sa non mon krwar i ganny sanze i pou vin en lot keksoz, i vin en travay ki i fer.

Alor nou pe antisipe ki *DAs, MNAs* dan bann Distrik partou zot osi ankouraz dimoun pou vin devan. E nou lo kote Gouvernman Lokal nou, nou ava gete kekfwa a lafen lannen ki mannyer nou kapab fer, pour rekonpan;-s me pa vreman donn en peyman parey mon pe dir.

Me rekonpans atraver gratitud pour sa bann dimoun ki'n *involved* dan volonter. Mersi *PS* nou ava pas laparol Onorab Wavel Woodcock.

HON WAVEL WOODCOCK

Mersi Mr Chair. Mr Chair mon premye kestyon i annan pou fer avek proze e mon dezyenm kestyon i kot i konsern *burial services*. Me par lefe ki prezan ki sa servis pe ganny transfer from *ASP* pou vin kot Gouvernman Lokal, mon ava take up sa matter pli tar. Permet

mwan mon ava demann mon kestyon lo proze apre ler Mr Adeline i vini. Mersi.

MR DEPUTY SPEAKER

Vre i en pe difisil pou tann sa pozisyon isi. So sa ki ou ti pe dir se ki ou annan kestyon lo proze pli tar, me lot se ki lo *burial services* avek *ASP* mon'n tann ou koz lo la.

HON WAVEL WOODCOCK

Wi lo *burial services* selman sa ma *take up* pli tar akoz par lefe ki prezan i pe fer sa transfer sorti kot *ASP* sorti kot Gouvernman Lokal, mon ava *take up* pli tar sa size. Akoz zot dir mwan prezan ki transfer pe ganny fer non, the *burial services* prezan ki pe sorti kot *ASP* pou al kot Gouvernman Lokal.

So petet zot pa azour avek sa bann *issues* kot i konsern simityer. So mon ava *take up* sa matter pli tar. Mersi.

MR DEPUTY SPEAKER

Ok prezan mon'n konpran ou. Bon nou a pas laparol avek Onorab Egbert Aglae.

HON EGBERT AGLAE

Mersi Mr Chair. Bonn apre midi Minis *PS* avek *FC*. Minis mwan mon oule en pti leklersisman lo sa kote *burial services*, ou'n dir

pou dir apartir Zanvye ki sa servis pou tonm anba zot.

Sa ki mon anvi kler lo la mwan se ki vi ki ou'n dir pou dir *DA* pa pou neseserman pe *involve* dan sa lamenazman li menm, administrasyon. E ki pou annan en lekip laba. Akoz mon pa ti a swete si dan mon distrik en zabitant i mor i bezwen al kot *DA* pou al fer prosedir laba, sa pa sa ki nou pe dir sa.

So mon oule kler lo la mwan ki i pou annan en tim kot *Local Government* ki ava administre sa travay. Sa i kler lo la, *ok*. Minis mwan mon anvi premyerman demann ou, lo kote *general workers* ki'n pas dan en restriktirasyon dan li menm.

Kan eski – akoz i annan ladministrasyon Distrik ankor pa ankor ganny serten travayer ki i bezwen pou kapab fer serten travay. Kan eski sa bann pozisyon pou ganny *fill* pou kapab ganny sa bann travayer, sirtou parey Port Glaud.

Akoz i annan zis en sel dimoun ki pe travay e i difisil. Sa i enn. Dezyenm mon ti a kontan en pe detay, akoz mon'n sey gete dan Bidze la pour kote *community life program* Bidze *community life program*. Apre kot I konsern sport alokasyon ki pou ganny donnen.

Mon konnen nou dan serten peryod difikilte, me ki bann alokasyon ki pou ganny donnen parey ti abitye fer?

E dernyen Mr Speaker, en gran konponan dan tou Bidze Ladministrasyon Distrik, se sa kou litilite elektrisite. Ler mon pe get dan tou sa bann Distrik *average* apepre R100 ekek mil par distrik kot i konsern administrasyon.

Petet Minis ki zot pe mazin fer, si zot pe mazin a lavenir entrodwir *solar panel*, pou ede koup en pe bann kou litilite, akoz i reflekte omwen 50 poursan zot Bidze sak distrik i al dan sa kou. Mersi.

MR DEPUTY SPEAKER

Mersi Onorab. *Panel*.

MINISTER

ROSE-MARIE HOAREAU

Mersi Mr Chair. Mersi Onorab. M a pran elektrisite dernyen apre mon a kit larestan avek *PS*. Pour Elektrisite zisteman ler mon'n fer mon bann vizit dan Distrik e mon pou pran Bel Air par egzanp, akoz enn bann Distrik ki mon fek al regarde, mon'n vizite la resaman.

Ki mon'n vwar pou dir laplipar – en bon pe sa bann biro distrik zot annan louverz. E en bon pe sa bann louverz pa ferm byen. E

ler ki ou debout deor i osi fre ki ler ou anndan ki vedir nou pe perdi en kantite elektrik koumsa, en kantite *power* koumsa.

Alor *solar system* i enn bann keksoz ideal me selman son *capital outlay* i osi ase ser. E alor nou, nou pe get dan fitir ki *this is the way to go*, la la kot nou le arive kot met *solar panels* ki nou redwir sa bil elektrik bokou plis.

Me selman antretan ki nou ariv laba, mon'n demann Departman proze pou fer en *survey* lo tou sa bann *louvers* dan sa bann Distrik ki pa fonksyonn byen ki nou kapab petet – ki nou kapab definitivman met *sliding windows* ki la deza i a vin en – ki mannyer mon kapab dir.

En solisyon tanporer ziskan ler plito *down the rod road* petet ankor dan 1an, 2an ler nou a ganny sa Bidze pour nou kapab al lo *solar panel*. Mon tre okouran sa zafer elektrisite e mon osi i konsern mwan bokou.

Mon pou kit *sport* avek *field technicians* avek *PS* parske nou'n fini *advertise*. Nou dan prosedir pe al fer *interview* alor *PS* i ava donn ou en pe plis detay lo la.

MR DEPUTY SPEAKER

Process PS.

PS KEVIN PERINE

Mersi Mr Chair. Onorab pou osi azoute lo sa size elektrisite lo sa ki Minis in deza dir oparavan. I annan serten distrik ki bann fasilite *sport* ki'n deza ganny transfer avek *Sport*, me parkont bann *meter* i ankor lo nou.

E sa Departman Proze pe fer le neseser ki a lavenir boner lannen prosen nou a kapab transfer sa bann *meter* direkteman avek Minister konsernen. Ki ava osi ede pou redwir bann to elektrisite ki nou pe peye a ler aktyel.

E dezyenmman ou pwen mon a tous lo kote simityer. Mr Renaud – mon krwar sa non i korek Minis? Wi Mr Renaud i sa dimoun ki deza anploye koman en direkter or *supervisor* avek *ASP* ki zer simityer. Savedir zeran simityer napa naryen ki pe vreman sanze a ler aktyel i zis en tranzisyon from *ASP to Local Government*.

E Mr Renaud pou reste sa dimoun ki pou kontinyelman ansarz simityer. E nou entern nou pe gete dan nou *structure meeting* ki nou pe fer Mardi, si nou pou bezwen en lot dimoun pou vin donn en koudmen dan sa zerans simityer.

E anliny avek peyman, bann peyman ki lyen avek

simityer, peyman trou e tousala sa ASP in dakor ki bann peyman i kontinyelman fer, kot zot e nou apre midi nou FC i pase i anmanse pou kapab fer *banking the next day*.

E alokasyon *sport* pour bann tim ki anrezistre avek Distrik nou'n vwar poudir sa lannen petet akoz *COVID* i annan en besman dan kantite *claim* ki nou'n gannyen sorti kot bann klib *sport*.

E sa osi in vin apre ki nou'n met en bon lord osi dan sa zafer alokasyon spor. Akoz avan zot ti zis pe *claim* larzan e pa ti pe *provide* nou avek okenn dokiman kelkonk.

E nou'n zwenn, nou'n etablir avek tou *DAs*. Tou *DAs* i konnen i bezwen enform zot bann tim pou dir zot bezwen anrezistre avek en Federasyon, *ok*.

E zot papye i bezwen annord zot bezwen donn nou en lesplikasyon ki mannyer sa larzan pe ganny zere, zot bann resi atase avek. E letan nou'n fer sa nou'n vwar pou dir sa in bese, *FC* i a kapab donn sonm ki nou'n peye sa lannen. E mon krwar mon'n reponn tou ou kestyon. Mersi bokou.

Ok alokasyon ki nou'n gannyen pour *community life program*, sa lannen i R3milyon. *Ok* e dan sa R3milyon *again* dan bann

striktirasyon ki nou pe fer nou pe osi revwar programm ki mannyer i ganny fer dan bann distrik.

E sa Bidze i pou ede pour kapab promot bann programm ki anmenn dimoun ansanm kekfwa ki ava osi ankouraz voluntarya, Onorab oparavan. Pou anmenn dimoun ansanm e fer bann aktivite kot i annan enklizyon ladan, kot nou anvi anmenn tou dimoun dan kominate.

E dan sa *community life budget* i osi kot nou bann fasilitater programm ki vin donn en koudmen pou ganny peye sa pti *allowance* ki zot gannyen, ki nou swete nou ti a kapab pey zot plis me malerezman pou ler aktyel i R2mil.

E dan sa 3milyon *as well* i pou osi ede atraver organiz bann *mass spor* dan distrik parey ki mon'n dir.

E i en pti gin letan ou pe gete pour sa kantite keksoz ki nou anvi fer, i en pti gin larzan me selman nou pe travay tre pros avek Minister pour *Youth sports*, Lafanmir, Minister Lafanmir e Spor.

E osi yer nou' ganny en *meeting* avek NCC ki nou pe travay lo bann programm zanfan e nou'n deza konmans diskisyon pour en programm

spesifik pour Perseverance. Savedir vwala. Mersi bokou.

MR DEPUTY SPEAKER

Mersi PS nou ava pas laparol avek Onorab Letourdie.

HON JANY LETOURDIE

Bonn apre midi tou dimoun. Mersi Mr Chair. Mon annan 3 pti pwen silvouple. Minis premyerman mon ti a kontan eksprim mon lapresyasyon, akoz sak fwa ou'n vin isi dan sa Lasanble ou'n touzour pe fer resorti ki enn ou bi prensipal ki ou krwar pou fer Sesel avanse, se travay pour tou dimoun pe enport ki kouler politik ki ou pe siporte.

E akoz sa latitud Minis mon vreman kontan akoz mon krwar mon'n vvar parla ki lofis *MNA* pour Roche Caiman e lofis *MNA* pour La Digue, zot osi zot pou kapab ganny zot lofis, e sa i tre byen.

Ceci dit Minis, eski ou ti a kapab donn en pti bref lo sityasyon Bidzeter par rapor ek bann lofis *MNA* pour 2022 si zanmen i annan.

Dezyenm Minis letan i annan rotasyon *DA* eski i annan – ki mannyer ou dir sa - en lodit entern ki ganny fer letan pe fer *handing over?* Apre dernyen Minis silvouple si ou ti a kapab dir ki mannyer bann larzan ki

Ladministrasyon Distrik par rapor avek bann aktivite ki zot fer oubyen bann *asset* ki zot lwe. Sa larzan ki mannyer i ganny zere, ki zot fer oubyen lekel ki zere? Mersi bokou.

MR DEPUTY SPEAKER

Mersi Onorab i annan 3 pwen.

MINISTER ROSE-MARIE HOAREAU

Mersi Onorab. Ou premye kestyon mon pou pas avek msye Adeline ler i a vin devan pou reponn akoz i konsern proze. Ki dan *rotation of DAs* ki en dimoun i pe *retire*, ki en dimoun pe al konze, ki en dimoun pe kit travay, i annan en prosedir *of handing over*.

E dan sa prosedir *handing over* tou keksoz i enkli ki ler sa dimoun pe ale i asiz avek *HR Director*, i asiz avek Finans, i asiz avek bann diferan *managers* kot sekretarya. Zot al dan distrik kot sa *handing over* pe ganny fer pou fer sir ki tou keksoz i *above board*.

Pou fer sir ki sa dimoun ki pe rantre prezan li i pa bezwen al fouye pour li al konnen ki mannyer i pou fer sa kot sa i ete. Tou keksoz i ganny dir kestyon i ganny demande, en dyalog i pase ant sa ki ape sorti, sa ki pe antre dan prezans bann dimoun sekretarya. Bann

management sekretarya.

Peyman pour bann *entertainment* ki pase dan distrik, bann lwe sez *community centre* sa mon pou kit avek FC pour li eksplik ou koman sa larzan i ganny anmase e kot i ganny *bank*.

MR DEPUTY SPEAKER

Mersi Minister proceed FC.

FINANCIAL CONTROLLER MARLENE VALENTIN

Mersi Minister. Mersi Onorab pour ou kestyon. *Regarding* bann reveni ki ganny kolekte dan distrik, sa i ganny anmase par bann *staff* distrik. Kot sa dimoun ki anmenn sa reveni i ganny donneen en resi.

E pli boner posib – *usually* nou dir son lannmen me si pa posib *during the week* sa bann *staff* distrik i sipoze anmenn sa larzan kot *Accounts*. E nou, nou fer *banking* son lannmen.

E i annan lenstans osi ki staff *accounts* i fer bann *analysis* e nou osi *involve* dan *spot checks*, pou fer sir ki tou sa bann larzan ki pe ganny kolekte i pe ganny *bank* parey i devret.

MR DEPUTY SPEAKER

Mersi PS oule azout kek keksoz?

konsernen

PS KEVIN PERINE

Mersi Mr Chair zis pou osi elabore avek FC pou donn Onorab Letourdie en pli apersi ki osi enportan fer mansyonnen pou dir dan nou bann facilite ki nou pe lwe a ler aktyel avek distrik, i annan bann *tenants*. I enportan pour zot konnen ki pa pe pey landrwa pour plizyer letan.

Petet si zot ti pe pran zot responsabilite pou pey sa bann landrwa, plis larzan ti pou antre dan reveni Gouvernman. Ti ava fer ki Gouvernman Lokal ozordi pa ti pou vvar li plis ki avek en R2milyon det deor bann *tenants* pa ankor peye.

Me par kont nou ti en lannen kot tou dimoun ti'n fek antre. Nou pe zis anvoy en mesaz ase kler pour bann *tenants* pour zot annan *at least* la zantiyes, la bonn volonte pou vin fer peyman sa bann landrwa ki pe ganny lwe, akoz an Zanvye byensir nou pe al *run after* zot.

E Mr Chair si ou osi *allow* mwan en pwen ki mon'n blyie touse avek kestyon Onorab Aglae an *regardant field technicians* pour distrik Port Claud; zis pou mansyonnen – *general assistant rather, sorry*. distrik Port Glaud Onorab napa okenn dimoun ki ti *apply*, e alor ki nou'n fer a ler aktyel nou pe demann bann dimoun distrik

vwazen pou ede ziskan zour nou kapab fini ranpli tou sa bann *post*.

E anliny avek *field technicians* dan sa 66 ki nou ti fer *exit*, 40 ladan in re *apply*. Dan sa 40 ki'n re *apply* 33 in komans travay *already*, parey mon pe dir dan bann diferan distrik. E nou'n osi pran 12 *field technicians* an deor. *Sorry field general assistants* an deor.

E la i fer ki nou annan en total 45 dimoun an plas pour sa pozisyon ki fer i reste nou environ 10 a 15 plas pour nou ranpli. Se pour sa ozordi nou pe las en lapel petet avek Onorab, pour ankouraz dimoun ki anvi *apply* pour *apply* e vin devan. Mersi bokou.

MR DEPUTY SPEAKER

Mersi PS. Lo pwen Onorab De Letourdie konsernan reveni mon rapel dan sizyenm Lasamble, Lasamble en fwa ti deza ganny en dokiman from *Local Government*, ki ti montre reveni ki ti pe antre dan tou distrik.

Donk si lo en baz anyel Lasamble ti osi ganny sa nou ti a kapab nou konman *MNA* ed zot osi dan travay, pour nou konnen *how well* sak Ladministrasyon Distrik kot nou sorti pe fer. Mon ava pas laparol avek Onorab Romain.

HON GEORGE ROMAIN

Mersi Mr Chair. Bonzour Minis ek *panel*. Mr Chair mon osi mon pou annan de kestyon mon pou annan enn lo proze pli tar. Me selman kestyon ki mon annan la, mon pe demann Minis anvi ki mon'n tann Minis Rangasamy ti fer resorti ki bann lakaz *emergency*.

Mon krwar pou annan en posibilite pou tonm kot *Local Government*, oubyen pou fer alokasyon zot ki pou *allocate* sa bann lakaz, eski Minis i kapab eksplik nou en pti pe son prosedir ki mannyer.

Mon konpran en dimoun pou bezwen ganny sa bann lakaz ler zot lakaz kekfwa i pran dife oubyen zot napa sa lakaz vreman an se moman, zot bezwen al dan en lot landrwa. Mon ti a kontan konn en pti pe sa prosedir ki mannyer pou ganny fer, anvi ki sa avan ti anba *MLH*? Mersi Mr Chair.

MR DEPUTY SPEAKER

Mersi. *Panel*.

MINISTER ROSE-MARIE HOAREAU

Mersi Mr Chair. Mersi Onorab. Sa levennman ki nou de Minister Rangasamy nou ti fer *jointly regarding the laying of the foundation stone* pour sa

bann lakaz *emergency*. Dan sa *block* ki pou ganny *build*, *Local Government* pou annan akse avek 2 lakaz ladan. E sa pour ganny servi pirman dan bann ka dezas kot en dimoun i bezwen en landrwa reste tanporerman.

Pour le moman nou pe lwe *guest house*, nou pe lwe lakaz pour dimoun, me dan sa *building* nou ava annan 2 lakaz. Si tou keksoz i mars byen - 2 apartman ki nou konman *Local Government*, nou a kapab met en dimoun ek en fanmir, ki'n ganny afekte dan en kan *emergency*.

Me i pour en keksoz parey en *transit house*. I pa pou en landrwa kot sa dimoun pou reste an permanans. Mersi Onorab.

MR DEPUTY SPEAKER

PS.

PS KEVIN PERINE

Mersi Mr Chair. Pou osi azout akote lakaz *emergency* mon panse Onorab osi pe fer referans avek sa R2.4milyon ki'n ganny *allocate* avek nou. Ok sa larzan i ganny zere dan le sans letan en dimoun lakaz i brile, tou sa bann prosedir i pas kot nou avan, apre nou bezwen anvoy kot ASP pour kapab fer peyman.

Alor pou redwir kantite letan ki sa bann prosedir i fer, vwala rezon akoz sa larzan pe ganny transfer kot nou. Pou fer li pli fasil kot nou pey direkteman sa landrwa kot nou pe lwe atraver nou Departman Finans, kot nou ava redwir transfer en pti pe ki'n deza annan. Mersi.

MR DEPUTY SPEAKER

Mersi PS. Mon ava pas laparol avek Onorab Conrad Gabriel.

HON CONRAD GABRIEL

Mersi Mr Chair. *Welcome*, bonn apre midi Minis ek ou Delegasyon. Bonn apre midi tou dimoun a lekout. Minis mon pou get nou Point Larue nou pti Bidze ki nou'n ganny R281mil. Lannen pase kote elektrisite nou ti ganny R110mil, la sa lannen i *only* R15mil.

Mon ti a kontan ganny en pti *feedback* as to *why* ki in desann petet.

Apre PS petet i a kapab enform nou lo nivo *office manager* ki zistans nou ete Point Larue. *And then* mon dernyen pti pwen zot *major achievements 2021*, "*strengthen relationship between DA and their respective MNA*."

Minis ou'n dir nou, nou bezwen mentenir lespri lekip, mon dakor ek ou. Ranforsi

relasyon ant MNA. E sa DA osi fodre annan en *good leadership which I respect.*

Be selman pour mwan i le kontrer Point Larue, mon a zis met ou latansyon mon napa gran, gran lantant ek DA. So mon ti a kontan petet by 2022 nou re etablir sa limite travay pour nou travay pour zabitan Point Larue. Mersi.

MR DEPUTY SPEAKER

Mersi. *Panel.*

FINANCIAL CONTROLLER MARLENE VALENTIN

Mersi Onorab pour ou kestyon lo kote Bidze elektrisite pour Point Larue i vre ki i annan en gran rediksyon, me mon prezimen kekfwa ki sa lerer ki'n arive dan tipografi. Me selman asire ki nou ava vvar *savings* pour nou kapab fer *virements* e aziste sa fot. Mersi.

MINISTER ROSE-MARIE HOAREAU

Onorab *regarding going forward - a better relationship* pou kontinyen ganny fer. Mwan mon ti a *gladly have a meeting* avek ou avek ou DA, ki nou kapab dan biro asiz pran en kafe, koz en pti pe ki mannyer nou kapab bouz devan avek en menm *purpose*. Ok mersi.

MR DEPUTY SPEAKER

Mersi. PS.

PS KEVIN PERINE

Mersi Mr Chair. E lo kote *officer manager* Onorab pour Point Larue sa pozisyon in deza fini ganny *advertise*. Nou'n deza fini resevwar tou CV. E nou dan prosedir pou *recruit* en kandidat tre prosennman e nou pe ekspekte ki boner Zanvye sa kandida i ava antre. Mersi.

MR DEPUTY SPEAKER

Mersi PS. Onorab Andy Labonte.

HON ANDY LABONTE

Mersi Mr Chair. Bonn apre midi Minis avek ou *panel*. Mr Chair mon premye kestyon i baze lo zot *major achievement*. Sa dernyen pwen limero 10 ki'n koz bokou lo la, "*Strengthen relationship between district administration office and their respective MNA*". Ki i en keksoz ki mon'n vreman apresye mon osi, ki i pe mars tre byen i pe fer nou bouz de lavan.

Me selman petet mon ti a voudre ki lo kote *Local Government*, nou koman sa Lotorite vi ki nou pe travay an kolaborasyon avek kanmarad, petet nou ganny en pe plis lotonomi lo serten desizyon par

ler, ler ki nou pran. Ki i annan serten keksoz ki zot bezwen refer anba preznan i tant pou tard en pe si oule. I lo diferan *level* si oule.

Apre lo menm pwen anba – non plizoumwen anba *current challenges*. *Current challenges* mon'n war limero 3 in met “*absent of attractive package to recruit quality staff*.”

So mon demann sa kestyon akoz petet dan ou Minister li menm li, si i annan bann provizyon petet ki pe ganny fer, oubyen ki latmosfer vreman ki pe ganny fer pour petet avek bann *staff* ki deza la?

Oubyen ki novo *staff* ki pou vini oubyen kekfwa pour *up skill* zot en pe.

Konmsi ki zot pe mazin fer, si i annan larzan dan sa Bidze ki'n ganny mete pou kapab ankouraz en pe sa bann *staff* petet dan minister li menm li? Mersi.

MR DEPUTY SPEAKER

Mersi Onorab. *Panel*.

HON ANDY LABONTE

Mon ti'n oubliy en pti kestyon Mr Chair si ou kapab permet mwan.

MR DEPUTY SPEAKER

Ou'n deza demann 3 solman en.

HON ANDY LABONTE

Non, non *in regards to* Brigad. Brigad mon'n tann dir pou dir i annan zafer 2000. Me eski i annan en koupir dan sa *incentive* ki zot pe gannyen *or* i annan en logmantasyon ladan, *or* i pe kontiny parey?

I ti ava bon ki i kler akoz mwan Brigad in travay dir pandan sa lannen. So mon ti a swete ki zot kontinyen ganny sa ki zot ti pe gannyen. Mersi.

MR DEPUTY SPEAKER

Mersi. *Panel*.

MINISTER

ROSE-MARIE HOAREAU

ROSE-MARIE

HOAREAU

Onorab mersi pou ou kestyon. Mersi Mr Chair. Lotonomi dan distrik i en keksoz ki ou koman en *MNA* avek ou *DA* si i annan okenn pwen spesifik ki oule discuss mon *FC* avek mwan avek *PS* byensir, nou kapab asiz avek ou.

Me selman akoz mon pe dir ou sa, se akoz i pa en konplent ki nou gannyen *from the other districts*. Alor letan i en keksoz ki konsern La Riviere Anglaise – English River, petet nou a kapab asiz dan biro annou koze nou a regard kwa egzakteman ki ou santi pe *hold you back* dan ou distrik, pou bouz devan dan ou distrik.

Nou kot *Local Government* nou tou nou konsyan pou dir *nationally* i annan en sityasyon dan mank Bidze. I en keksoz ki mon krwar tou dimoun dan Sesel i konnen. Alor wi nou ti a kontan anploy bann dimoun ki nou ti kapab *offer a better package*.

Me malerezman la realite se ki pour lemoman i pa posib. Alor me nou *staff* ki deza dan *Local Government* zot pe kontinyen ganny motive. Nou pe *up skill* zot parey ou pe dir, nou pe *invest* dan en lot fason dan zot.

E se pour kwa ou vvar ozordi nou'n kapab delivre sa ki nou'n delivre, akoz pa zis larzan ki en *investment* dan *staff*. So byensir *side by side* avek en fantastik *package it would be the perfect world*.

Me mon krwar tou dimoun in konpran pou dir pour lemoman sa i pa en keksoz ki pou ariv deswit. Me selman nou annan lot fason pour nou *motivate* nou *staff*, pour nou konmsi fer zot konnen pou dir *there are ways we can reward you, it doesn't have to be en keksoz finansyel*. Ok mersi. Mon a kit Brigad avek PS.

MR DEPUTY SPEAKER

Sertennman proceed PS.

PS KEVIN PERINE

Mersi bokou Mr Chair. E Onorab avan mon al lo Brigad pou osi azout lo sa pwen *absence* kot *attractive package* ki Minis in koz lo la. *Scheme* ki mannyer i ganny *design* Sesel i pa ganny vreman zere par *Local Government*. Ok, nou tou tou nou konnen poudir nou annan *DPA* ki zer *Scheme* e souvan fwa i en pe konplikasyon. Pa neseserman pour zis Minister Gouvernman Lokal me pour tou dimoun ki anvizaze vin travay dan Gouvernman.

E mon osi kontan pou mansyonnen ki Gouvernman pe fer le neseser atraver *Cabinet of Minister*, pour zot revwar *Scheme* posibilite boner lannen prosenn.

E petet apre sa nou ava kapab dan en pli bon pozisyon pour donn en pli bon *package* bann dimoun.

Legzanp ki fer mwan koz lo la Onorab akoz dan le sans fer en konparezon ou annan en dimoun ki vini ki *apply office manager* avek en *diploma* i *IT*. Me *Scheme* ki mannyer i ganny *design* menm si sa dimoun i annan bann lezot konpetans ki i vin avek i napa en *Diploma in Office Management* alor i perdi sa *allowance* ki i sipoze gannyen. So sa enn bann keksoz ki Gouvernman aktyel

pe get lo la pou fer sir ki petet lannen prosenn i ganny rektifye.

E an regardan Brigad nou'n fek fini *conduct* en legzersis konplet kot sak distrik ti *involve* enkli zot bann MNAs avek bann DAs pou prezan avek *Local Government* zot lalis Brigad.

E sa nou'n resevwar tou let in fini ganny sinyen in fini ganny anvoy kot tou bann novo brigad ki pe vini. E pour osi fer mansyon pou dir letan nou ti antre boner lannen pase ti annan en pe distrik ki Brigad ti zis pa *turn up*.

E mon kontan pou dir ki avek lalis ki zot in donnez nou annan en lalis Brigad solid nou panse, akoz nou pe *trust* zot avek bann DA sa lalis ki'n donn nou.

E sa alokasyon ki zot gannyen i pa R2mil i plito R1500 e sa i reste parey, prenon kont sistem ekonomik ki nou ladan. Mersi bokou.

MR DEPUTY SPEAKER

Mersi PS. Onorab Pillay.

HON SEBASTIEN PILLAY

Mersi Chairman. Bonn apre midi tou dimoun. Bonn apre midi Minis ek delegasyon. Mon ti a kontan ganny klarifikasyon lo serten pwen. Premyerman

dan sa kestyon ki'n ganny reponn la dernyen la.

Mon ti a kontan klarifye akoz mon'n ganny 2 mesaz ki en pe kontradiktwar la. Minister Finans in koz lo en reviser konpreansiv ki pou ganny fer an 2023 me PS fek nonm nou en desizyon Cabinet ki pou ganny pran lo revizyon Scheme.

So eski nou kapab klarifye kan egzakteman ki bann travayer ki dan sekter piblik, pou *actually* vwar en revizyon dan zot bann kondisyon travay? Esaki i pou 2023 eski i pou lannen prosenn?

Mon ti a kontan i lannen prosenn me se sa ki Minister Finans in dir so klarifye sa pour nou. Mon kestyon osi lo sekirite and *enforcement*. En gro konponan Bidze apepre 23milyon i al dan *security and enforcement*.

Eski Minis ou kapab dir nou ki sa i *entail* an zeneral, e si zot satisfe avek servis ki zot pe gannyen? Akoz nou ti'n tande pou dir Gouvernman pe koz lo al ver en lot sistem *provide* sekirite.

So nou ti a kontan konnen si sa larzan pou *still allow* tou bann operator, tou bann endividé ki annan en konpannyen, tou bann *service providers* pour zot *bid* e partisip dan bann aktivite ki *involve*

provide sekirite pour Gouvernman Lokal.

Prezan mon vin lo sa pwen *consultancy* Mr Chairman. Mon ti a kontan Minis ou klarifye. Mon pe regard dan ou Bidze me mon pa pe vwar okenn larzan ganny mete pour local *consultancy*. Me ou'n mansyonnen pou dir i annan *consultancy* ki pe ganny fer dan ou Minister.

So ou'n dir ou menm ou apre ou'n dir i annan en konsiltan deor. So kote eski sa konsiltan pe ganny peye? Akoz ou'n nonm nou en dimoun. Ou ava klarifye si mwan mon'n mal konpran Minis. Kote egzakteman ki sa konsiltan pe ganny peye?

Eski ler par egzamp sa bann travay i ganny fer *internally* par ou menm ou byen par lezot dimoun, Eski zot ganny en reminerasyon avek Departman *regarding consultancy*, akoz mon pa pe vwar dan Bidze en larzan ganny mete pour *consultancy*.

E mon dernyen pwen Mr Chairman - mersi pour ou pasyans. I konsern *office building rent* kot i annan R3.8milyon ki'n ganny bidzete pour *office building rent*.

Mon ti a kontan ganny klarifikasyon ki sa i *entail*

regarding sa R3.68milyon. Mersi Mr Chairman.

MR DEPUTY SPEAKER

Mersi Onorab Pillay. Mon'n note 4 pwen. PS dabor ou ti le – depi letan i ti pe lev son premye pwen ou ti le klarifye, mersi.

PS KEVIN PERINE

Mersi Mr Chair. Onorab zis pour mwan klarifye sa bout diskisyon saler, ki nou pe dir bann diskisyon pe konmans ganny fer lannen prosenn. E byensir sa sanzman saler I otomatikman parey Minis Finans in dir pou an 2023 – posibilite an 2023. Mersi bokou.

MR DEPUTY SPEAKER

Ok sa enn la i *clear*, i reste 3 pwen.

MINISTER ROSE-MARIE HOAREAU

Mersi Mr Chair. Mersi Onorab. Premyerman zis pour mwan klarifye nenport *training* ki mon fer pour Gouvernman Lokal mon fer li *free of charge*, mon pa oule okenn saler *consultancy* e mon pa pran okenn larzan pour mwan fer tou sa *training* ek tou sa *workshop* ki mon fer kot Gouvernman Lokal, akoz mon santi pou dir i par dan mon

travay pour mwan *motivate* mon bann *staff*.

Pour leres *consultancy* ma les – pour sa 2 lezot kestyon konsernan *consultancy* avek *office building rent* mon a les FC pran.

Regarding sekirite mon dakor avek ou pou dir sekirite i en gro konponan dan Bidze mon krwar lapli par Minister. Ou kestyon eski nou satisfe avek sa servis nou pe gannyen? The answer is pa neseserman.

I annan serten lakonpannyen ki travay byen me i annan serten ki totalman irresponsab. I annan landrwa kot ou vvar kontra i pour 2 *building* ki obor kanmarad me selman sa lakonpannyen i anvoy zis en dimoun pou vey tou lede *building*. Selman apre lafen dizour ou war 2 *invoice* ki traverse.

I annan detrwa lakonpannyen sekirite ki vreman malonnet. I annan en bon pe mon pa dir tou akoz i annan bann bon dimoun tou dan sa bann *firms*, me selman nou annan bann sirkonstans kot bann dimoun kantmenm i annan en sekirite landrwa i ganny kase.

E ler ou kestyonnen sa bann gardyen i dir ou koumsa be nou, nou pa kapab sot deor ler sa bann bandi i vini. Alor

mon demann mon lekor akfer zot la koman sekirite?

So bokou *building* anba *Local Government* mon kapab koz pour *Local Government*. Bokou nou bann *building* dan kominate in ganny kase zisteman akoz sa bann gardyen pa sorti pou vin *deal* ek sa bann dimoun, zot dir ou zot pa kapab.

Annefe i en gro problem sa zafer sekirite me selman pa nou ki fer kontra. Kontra i ganny fer an lo kot Finans, me selman Minister Finans avek bann lezot Minister, pe asize pe sey koze lo sa size ki mannyer nou pou reget li pour 2022.

Napa nanryen ki'n defini me i annan en konversasyon ki pe pase *as to how to go forward*. Pour nou kapab ganny *efficient security*, ki petet pa pou ni kout sa kantite larzan, ki *right now* nou pe *basically* pey en dimoun pour li anvoy en lot dimoun vey nou landrwa.

E sa dimoun osi petet i pa ni pe donn sa dimoun ki pe vey ou landrwa *the training the basic* keksoz pour li kapab *call si* i annan en problem. I vreman en keksoz mon kapab dir konplike e pa neseserman efikas ki mwan mon'n vin zwenn kot Minister.

Me selman parey mon'n dir i annan en dyalog avek bann

staff Minister Finans pour nou gete what is the best way forward.

Akoz pa zis mwan ki pe pas dan sa bann martir, mon krwar en bon pe nou pe ganny move servis. Mersi Mr Chair larestan mon a fer FC reponn please.

MR DEPUTY SPEAKER

Mersi Minis. Wi FC i annan de pwen ki i pou reponn. Mersi.

FINANCIAL CONTROLLER MARLENE VALENTIN

Onorab pour ou kestyon. *Regarding consultancy* dan letan ki nou ti pe prepar sa Bidze servis *consultancy* pa ti ankor ganny an demann, se sa ki i pa pe *forecast* dan sa Bidze.

Me selman pour nou kapab pey sa bann dimoun nou pou bezwen idantifye kot ki annan *savings* e pour nou kapab fer zot peyman. Nou ava fer *virement* pou fer zot peyman.

Regarding rent sa *rent* i pour selman *rent* sekretarya Minister kot *Ocean Gate House* e nou *landlord* i *Pension Fund*. Nou pey 990mil tou le *quarter*. Mersi

MR DEPUTY SPEAKER

Mersi FC. Onorab Pillay ou annan klarifikasiyon?

HON SEBASTIEN PILLAY

Mersi Mr Chairman. 2 pti klarifikasiyon. Premyerman an relasyon avek sekirite, eski ou'n fer provizyon pou annan en *MNE officer within* ou Minister, pou zisteman asire ki servis *provision* i alaoter e ki bann lofis distrik pa pe ganny kase?

La mon lans en mesaz avek sa dimoun oubyen group dimoun ki pe kas lofis *DA* pour – mon pa konnen akfer ou pou al fer en kalite keksoz koumsa, akoz ou pou fer li me si ou pe fer li aret fer li.

Me prezan pour Minister eski i annan en fason ki zot pe etablir en *monitoring and evaluation*? E eski zot pe antre dan diskisyon ek Minister Finans pli direk, akoz pour ou Minister i R23milyon.

So it's almost like larzan proze ki ou annan zofisyen pour monitor e mon ti ava ekspekte ki ou annan zofisyen pour monitor sa.

Regarding sa rent ki zot pe peye avek *Pension Fund* e by *quarter* zot pe pey li apepre R900mil.

Eski zot satisfe avek kondisyon bann lofis ki zot pe gannyen ki zot bann travayer pe travay ladan? E eski gouvernman in antre dan diskisyon. La mon bezwen veye ki mon dir la akoz

deza *Pension Fund* pe fer monte laz pansyon taler ava dir mon pe al tir larzan ek *Pension Fund* i a fer monte larz pansyon.

So mon pa le dir sa. Mr Chairman zis mon ti a kontan konnen si Departman Gouvernman Lokal i satisfe avek *quality bann building* ki i pe gannyen? Si ou pou permet sa kestyon mon pa konnen. Mersi Mr Chairman.

MR DEPUTY SPEAKER

Sertennman i larzan piblik ki dan Bidze.

MINISTER ROSE-MARIE HOAREAU

Mr Chair mon ti a kontan Ms Tamatave i pran en pe apre ki mon fini koze la. Onorab again mon totalman dakor avek ou. Sa ki mon'n vin erite la kot *Local Government* dan sa 1an ki mon pe sey regarde ki mannyer mon kapab fer li vin pli efikas, I mon *aim* mwan osi pou mwan bring down sa *amount* lo Bidze pou sekirite.

Me I annan keksoz osi ki annan ki ziska ler kontra I fini mon pa kapab sanze *per se* akoz par egzanz mon pou donn ou en legzanz; *Local Government* lo kontra I ankor valid – *Local Government* ler mwan mon'n vini pe lwe en *daycare center* ek en biznesmenn ek dimoun ki

pe *run* en *daycare center* en *business lady or whatever* i lwe sa *daycare center* R1200 ouswa R1500 par mwan – en bon mannyer landrwa.

E dan sa R1500 ki *Local Government* i anmase nou pey en sekirite R26mil FC? Nou pey en sekirite R26mil par mwan e i annan detrwa sa bann *daycare* ki pe lwe R1500 ouswa R1200.

Laplipar pe pey en *rent* onnet me I annan omwen 5 ki pe pey sa larzan ridikil apre nou, nou menm nou vini nou pey en sekirite par lo la, pou li R26mil par mwan.

Ladan menm nou menm nou, nou – kontra ki mwan mon'n erite mon sipoze fer *major maintenance* tou or *minor maintenance*- certain minor e certainly major lo sa landrwa. I en pti pe ridikil.

Alor enn ler mon demande akfer nou gat papye pou fer en resi akoz sa osi I en kou. So konpran mwan Onorab. I en keksoz ki mwan osi mon pe sey met lord ladan.

E mon ti a les *the rest of the conversation to Ms Tamatave please.*

MR DEPUTY SPEAKER

Mersi Minister. Ms Tamatave.

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Onorab *in regards to* sekirite, parey Minis in dir e nou osi nou'n dir letan nou'n pran lezot *head*, Minister Finans pe fer a legzersis konpreansiv pou regard sekirite pou Gouvernman antye. Parey – aktyelman dan Bidze pou 2022, total *security cost* i R188milyon pou Gouvernman antye.

Local Government I R23milyon ladan. E sa I signifikan *and this is why* Minister Finans pe fer sa legzersis e nou ekspekte by lafen 2021 oubyen boner 2022 nou annan en rapor preliminer ki mannyer Gouvernman pou *abort security provision* dan bann propriete Gouvernman. Mersi.

MR DEPUTY SPEAKER

Mersi Ms Tamatave. I reste mwan zis en Manm Lasanble ankor ki'n endike pou demann kestyon - kestyon Bidze. Napa personn ki mon'n mank non akoz nou pe fer vreman byen avek letan. So nou ava *move on* dernyen Onorab Sathya Naidu.

HON SATHYA NAIDU

Bonn apre midi Mr Chair. Bonn apre midi Minis avek ou

Delegasyon. Bonn apre midi tou koleg Onorab. Premyerman mon bezwen dir mersi bokou pour sa rotasyon ki Minis in inisyé, sa in permet mwan pour mon kapab ganny en lot dimoun.

Safwasi en dimoun ki devoue, ki pare pou travay dan lentere tou mon bann zabitan. E dezyenmman ankor en fwa mersi mon'n ganny en lofis pour mwan kapab rankontre mon bann zabitan. S

a in permet mwan antre dan distrik e konmans en travay kot mon pe war keksoz pe bouze avek zefor ki nou'n etablir atraver Gouvernman Lokal.

Lo size *Social programs* nou ti'n ganny enformen poudir i annan R3milyon ki'n ganny bidzete. Me selman mon ti a voudre si zot ti kapab met sa zefor lo zot kote pour zot kapab *rollout a calendar*.

So si nou annan en kalandriye nou lo nou kote, olye ganny enformen soudennman pou dir ki i annan en aktivite, i annan moman ki nou bezwen taye pou al rod bann resours finansyel. Pou kapab fer keksoz lo en lot lanpler. So ti a bon si lo zot kote zot ti pou kapab donn nou sa kalandriye pour nou kapab fer nou bout. Se sa ki mon ti le dir. Mersi.

MR DEPUTY SPEAKER

Mersi Onorab. Panel.

MINISTER ROSE-MARIE HOAREAU

Onorab mersi pour ou kestyon, mersi Mr Chair. I zisteman sa ki nou pe fer pour 2022. Lide se ki nou'n *set-up* nou Programs Department e programm ki pou pase dan distrik, i pou bezwen annan *input* bann MNAs osi. Alor i pa pou vin en sirpriz.

Alor nou bezwen war en letan an Zanye ler Bidze in fini tou dimoun i anba mwens stres. Nou asiz ansanm tou MNAs avek zot *DAs*, asiz ansanm ek zot *DA come forth* avek bann nide, akoz i pa en *one size fits all* sa.

Sak Distrik i annan son bezwen. Nou pa kapab asiz kot Minister fer en programm pour tou le 27 landrwa, 2 landrwa. So zot osi zot bezwen annan en kontribisyon, en konversasyon avek zot *DA* ki zot menm zot, zot a *rollout*, zot a *compile* zot *calendar* pour lannen avek nou siport byensir, apre la nou demare.

Alor pou napa okenn *surprises*. Sa ti en fason fer depi avan sa. La tou keksoz in sanze nou pe met keksoz annord. *Unfortunately* sa lannen nou pa'n kapab fer gran keksoz akoz

Covid. Mon swete ki lannen prosenn nou pli kapab bouz devan lo la. Me selman i donn nou sa letan pou nou konmans discuss met keksoz ater pou nou bouz devan. Mersi.

MR DEPUTY SPEAKER

Mersi Minister. Donk sa ti bann kestyon lo kestyon Bidze Minister Gouvernman Lokal. Aprezan nou pou pran en pti poz teknik pou nou kapab *sanitize* e pou sanz zofisye pou nou kapab pran bann kestyon lo proze. E bann proze *PSIP* pou *Local Government* i lo paz 25.

Donk i annan *MNA* ki mon konnen deza ki'n endike zot annan kestyon lo proze. Si i annan ki –

(technical break)

MR DEPUTY SPEAKER

Bon aprezan *technical adviser* dan Minister Gouvernman Lokal avek Zafer Kominoter Mr Daniel Adeline in zwenn nou, pou kontinyasyon nou deliberasyon. So nou pe pran bann kestyon an relasyon avek proze. E mon pou envit Onorab Rocky Uranie pou poz son kestyon.

HON ROCKY URANIE

Mersi Mr Speaker. Bonn apre midi Minis avek ou delegasyon, tou koleg Onorab, byensir

zabitan Zil Pros a lekout. Minis mon war i annan R20milyon ki'n mete pou bann proze dan distrik. So mon ti a kontan konnen kantite larzan ki sak distrik pe gannyen.

E apre mon a ti kontan konnen zot annan en levanter ki zot in fer pou lannen 2021, en levanter ki zot in fer lo bann proze distrik ki zot in konplete. E konbyen zot pa ankor konplete pou 2021. Mersi.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mersi Mr Chair. Mersi Onorab pou ou kestyon. Parey mon'n dir pli boner sak distrik pou ganny en alokasyon R740mil an 2022, an konparezon avek R200mil ki zot ti gannyen an 2021.

Apre nou'n fer ziska novanm en *assessment* lo nou bann proze e nou'n arive pou nou konplet 85poursan proze *nationally* dan bann distrik. E pou nou sa i en lakonplisman akoz oparavan an mwayenn zis aepre 56poursan proze ki ti ganny konplete. Me nou sa lannen avek disiplin ek travay dir nou'n kapab arive konplent 85poursan proze.

MR DEPUTY SPEAKER

Mersi Minister. Mon pas laparol avek Onorab Sandy Arissol.

HON SANDY ARISSOL

Mersi Mr Chair. Bonn apre midi Minis avek ou lekip. Bonn apre midi dimoun Bel Ombre. Mr Speaker an vi ki nou, nou en distrik sitan enportan en distrik Bel Ombre. Parey zot tou zot konnen avek bann zoli popilasyon, nou parmi tou bann distrik ki pe lev lannen. Nou annan en alokasyon dan Bidze pou nou ganny nou nouvo sant kominoter. Mon anvi fer zot konnen bann ki pe ekoute.

Alor mon ti a kontan demann Minis. Dir nou Minis kan nou kommanse nou nouvo sant kominoter oubyen Mr Adeline, en fason ki letan nou koup riban nou ava envit bann lezot *MNA*. Sa mon premye kestyon. Prezan mon anvi al lo *daycare*, anvi ki *daycare* i osi tonm dan bann proze distrik.

Nou Bel Ombre pa neseserman nou annan en *daycare*. Be selman mon anvi demann Minis, an vi ki Minis ou'n koz lo la. Mon pa ankor konpran akoz sa *daycare* ki ou'n koz lo la i ankor pe pey menm *rent* ki i peye e nou ankor pe donn li menm kalite tretman

sekirite ki i gannyen ki ou'n koz lo la Minis.

E mon dernyen kestyon Mr Chair mon ti a kontan profite la letan mon pe koz lo proze felisit bann Brigad dan distrik. E demann Minis atraver *Local Government* enkli Gouvernman si nou pa kapab olye esper tou le desanm pou donn bann brigad R1500 letan keksoz i amelyore annou donn zot sa konman en pti *allowance* tou le mwan.

Akoz letan nou kas sa R1500 par mwan i tonm R125 mon krwar par mwan. So annou organiz zot anmezir pei i fer byen.

E apre Minis mon aprann i annan plizer *DA* ki drwa dan bann laboutik partou dan bann distrik. Lekel ki pou pei sa? *Local Government* oubyen mwan? Mersi bokou.

MR DEPUTY SPEAKER

Mersi. Nou annan detrwa pwen la.

MINISTER ROSE-MARIE HOAREAU

Mersi Mr Chair. Mersi Onorab Arissol. Mwan mon pou reponn en pti pe lo sekirite apre mon pou reponn en pti pe lo Brigad. Apre mon pou les *PS* avek Msye Adeline *take over the rest*.

Nou problem se ki sa ladministrasyon avan ti'n siny en Kontra ek sa bann dimoun. E sa bann kontra pa ankor fini me nou osi an konversasyon avek *AG* as to si nou kapab presipit sa desizyon olye esper sa kontra fini.

Alor i annan bann demars ki pe ganny fer lo bann dimoun ki pe abize lo larzan *tax payers*. Brigad *again* sityasyon finansyel i tel ki pou le moman nou pa kapab fer plis.

Si ou dir mwan ler ou *breakdown* ou ganny R125 par mwan petet nou kapab pey sa dimoun tou le 3mwan, petet ti a ganny en pti larzan pli sibstansyel dan zot lanmen olye R125 par mwan.

Alor nou ava sey travay nou ava travay lo en keksoz ki a kapab petet ed zot en pti pe plis olye esper lafen lannen. *Regarding* proze Mr Adeline ou ava *take over*.

TECHNICAL ADVISER DANIEL ADELINE

Mersi Mr Chair, mersi Onorab pou ou kestyon. Lo kote *DA's Office* konstriksyon *DA's Office Bel Ombre concept* in fini ganny fer par e *architect* prive. E nou ti'n deza donn en premye *concept* nou'n sirkile pou komanter.

E nou'n ganny sa komanter la nou'n ganny son final e nou espekte fer en prezantasyon ek tou bann dimoun konsernen enkli Onorab avek son *DA next week* mon ava fer zot konnen.

E sa proze i ekspekte konmanse boner lannen prosenn si tou keksoz i mars byen apre sa *meeting, architect* i ava soumet ek *planning* e nou espekte boner Fevriye nou *tender* nou konmanse.

MR DEPUTY SPEAKER

PS ou ti le azout keksoz?

PS KEVIN PERINE

Onorab pou koz lo sa kestyon bokou *DA* i drwa bann boutikye, kekfwa nou ava dir ki bokou Ladministrasyon Distrik i drwa bann boutikye pa *DA* personnelman. Me par kont les mwan eksplik ou akoz ki sa in arrive.

I annan en zafer ki apel *Food Commodities* ki ti pe ganny donnen dan bann distrik. E sa i bann keksoz ki nou'n erite letan nou'n vini. *And you rightly said* ozordi nou drwa plis ki en demi milyon ankor bann boutikye, me par kont mwan mon kontan poudir ki serten boutikye pe konmans ganny peye la, apre ki nou'n travay tre fortman avek *ASP*, akoz *ASP* ki fer sa peyman.

Me nou osi ankor pe rankontre serten difikilte akoz lo resi i annan *goods*. So *goods* pa ganny definir konman kwa ki manze esansyel e sa nou pe travay lo la ansanm avek bann *DAs*, pou al rod sa bann boutikye kwa ki *goods* ki'n ganny donnen, e lekel sa bann dimoun ki'n ganny resewar.

So i en travay ki ankor pe kontinyen e parey mon'n dir ki nou kontan poudir ki apre 1an detrwa sa bann boutikye in kapab konmans ganny peye finalman. Mersi bokou.

MR DEPUTY SPEAKER

Mersi PS. Pou nou kontinyen nou'n les pase bann kestyon akoz i pa ti'n demann kestyon. Apre in fer li avek gou be selman annou *stick to project question*, akoz nou ti'n *agree* lo la avan nou konmanse.

Donk mon ava pas laparol prezan avek Onorab Hoareau.

HON JOHN HOAREAU

Mersi Mr Chair. Mr Chair mon kestyon i baze lo lefe ki Minister Gouvernman Lokal i annan e Seksyon ki fer *selective bidding*, pou bann pti proze.

E mon oule konnen en pti pe ki zot lapros lo sa size akoz ler mon gete par egzanp i annan en Kontrakter Sinwan ki'n ganny – pou fer reparasyon lo 3

Biro Ladministrasyon Distrik Beau Vallon, Glacis, Anse Etoile.

Menm ki ler *DA* i koz ek li sa dimoun i pa ni konn koz angle ni nanryen. Akoz nou ti pe espekte kekfwa sa bann pti keksoz koumsa i tonm pou bann dimoun dan distrik oubyen bann dimoun ki dan zalantour sa 3 distrik.

Menm osi lot kote *bin sites*. Mon vwar ki de dimoun ki pa dan distrik ki ganny sa bann pti kontra koumsa.

So mon oule konn en pti pe ki travay ki zot pe fer pou sey konmsi fer sa pti larzan de koul dan distrik, pou sa bann dimoun dan distrik. Mersi.

MR DEPUTY SPEAKER

Mersi Onorab. *Panel*.

MINISTER ROSE-MARIE HOAREAU

Mersi Mr Chair, mersi Onorab. Konsernan bann kontrakter dan distrik bann pti kontrakter dan distrik. Mon lans en lapel avek tou dimoun la dan sa lasal bann *MNAs*. Fodre sa bann dimoun i vin devan i vin met zot non. Konmsi *sell themselves to Local Government* poudir mon en kontrakter met mwan lo ou lalis.

E ler i ava annan *selective bidding* ouswa *direct bidding* nou

kapab kontakte bann dimoun ki nou konnen.

Nou ava fer *due diligence* lo zot fer siny zot travay i alaoter. Me *at least* zot non i ava deza dan nou rikord kot *Local Government*.

Dezyenmman en lot fason ki sa bann dimoun i kapab vin devan se ki, nou annan en *Facebook page* ki tou bann *tender* i osi ganny mete lo la.

Alor si sa dimoun li i pa tro ofe ek teknolozi petet i kapab demann son nyés, son zanfan zet en koudey lo *Facebook page Local Government* si napa nanryen ki pe *tender*. E i pa zis *selective bidding* ki nou ti a voudre ankouraz bann dimoun distrik vin devan.

Nou ti ava voudre vwar zot pe *bid* pou nenport ki louvraz ki *Local Government* i *tender*.

E mwan mon'n toultan dan sa fason toultan mon'n dir ek bann *DAs* rod dimoun dan distrik pou zot donn pti Kontra, anmenn zot devan fer zot anrezistre ek nou akoz zour zot pou bezwen led sa dimoun, i ava realize poudir be vre mon'n ganny detrwa la dan sa distrik, mon ava vin sanz sa *lock laport* ki i pa pou kout zot R1200.

Akoz annandler ler nou sanz en *lock laport* mwan mon'n vwar dan *file* mon'n vin erite R1200 pou sanz en *lock laport*,

akoz sa boug pe sarz ou transpor, *labour* isi laba ki en *lock* R300 in ariv R1200. E sa bann keksoz ridikil in arete sa.

So tousala *it's all part of a* – en pli gran sanzman ki nou oule ammennen. Me selman *rest assured* nou la pou nou siport nou bann pti kontrakter lokal ki alaoter, ki vin travay avek zouti sa osi i enportan. Mon ti a les Mr Adeline fini silvouple.

MR DEPUTY SPEAKER

Mersi Minister.

TECHNICAL ADVISER DANIEL ADELINÉ

Mersi Mr Speaker, mersi Onorab pou ou kestyon. Lo kote en pe parey Minis in dir lo kote *selective* petet sa lannen nou pa'n tro met lanfaz lo kontrakter distrik, lefe ki nou ti ankor pe sey *speed up* en pe avek nou bann proze.

E nou'n servi *what we called a preferred list of contractors*, vedir kontrakter ki nou konnen i debourye i kapab delivre proze *on time*. E sa zot ki nou'n met zot lo sa *selective and direct bidding*.

Selective ek direct bidding i bann proze ki ou fer vitman, ou pa swiv sa *tender process* 2 mwan pou finalman Kontrakter siny kontra. Me parey Minis in dir, lannen prosenn nou pou

demann tou distrik pou soumet lalis zot bann pti kontrakter pou ki nou kapab regle sa bann problem *maintenance* sirtou.

Ok, lo kote sa lakonpannyen la ki ou'n koz lo la. Mon krwar i Beau Vallon, Glacis avek Anse Etoile, vre i en lakonpannyen en *tender* ki ti ganny fer lo *NASYON*, vedir ti en *open tender*. In ganny pibliye pou tou kontrakter *Class 2*. Sa kontrakter i en kontrakter *Class 2*.

E normalman *Class 2* en dimoun pou ganny *license Class 2* i bezwen annan en Seselwa avek li. Si napa e *partner* Seselwa i pa pou ganny *license Class 2*.

So nou prezimen ki sa kontrakter i annan en Seselwa. I pa neseserman en Kontrakter 100percent en etranze. So vwala annefe sa ti en proze – sa proze annefe in ganny *delay* pou apepre 3 mwan, lefet ki *management* ti pe obzekte.

Annefe ti'n ganny 5 proze e dapre *Procurement Civil Committee* pe dir ou poudir ou bezwen rod zistifikasyon pou ou pa donn sa dimoun son 5 proze. Finalman nou'n negosye nou'n pran de ek li e finalman Komite in donn li 3 dan sa 5.

MR DEPUTY SPEAKER

PS ou oule azout en keksoz lo la?

PS KEVIN PERINE

Mersi Mr Chair. E i enportan pou mansyonnen poudir *selective bidding* osi i ganny servi plizoumwen dan bann ka kot i annan en lirzans, akoz i annan en *threshold* ki atase avek. E sa i *below* R150mil ki parey Msye Adeline in eksplike, i pa bezwen al lo okenn prosedir *tender* e sa nou kapab aprouve nou menm entern. Mersi.

MR DEPUTY SPEAKER

Mersi PS. Nou ava pas laparol avek Onorab Michel Roucou.

HON MICHEL ROUCOU

Mersi Mr Chair. Bonn apre midi Minis, *PS* ek ou lekip. Bonn apre midi spesyal pou zabitan Mont Fleuri. Minis mon osi tou mon pou dir ou mon lapresyasyon. Mon vreman apresye sa latant ki nou annan avek ou Minister.

E osi mon oule dir mersi tou bann travayer dan Ladministrasyon Distrik MontFleuri pou sa travay ki zot pe fer. Minis mon kestyion i en pti i lo proze mon osi. Akoz mon vwar poudir se ki bann proze mon panse poudir ou bann zofisyen zot bezwen met en pti pe plis lizye lo la, akoz i paret

poudir bann Kontrakter ki mannyer zot fer bann proze aprezan *in the end* Minister pou perdi bokou plis larzan.

Zis parey mwan dan mon distrik i annan en proze ki deza pe ganny fer la pou sa lannen, e la mon vwar poudir pou lannen prosenn ou bezwen retournen pou nou pa al met ankor en dezyenm faz lo la, ki pa ti merit arrive.

Apre mon dezyenm kestyion Minis i an term lekel ki koup bann pye dibwa dan distrik. Sa en lot kestyion ankor ki nou'n demann avek Minis Lanvironnman, akoz mon vwar poudir sa lannen ki'n pase la nou ti deza annan serten komitman nou ti'n fer avek serten zabitan dan distrik, ki sa bann pye dibwa i tonm lo bann propriete Gouvernman ki en danze pou zot lakaz. Mersi.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mersi Mr Chair. Mersi Onorab. Mon pou les Msye Adeline reponn lo *tree cutting*. *Regarding supervision basically* sipervizyon proze i en problem dan ou distrik. Mon krwar en keksoz ki nou'n omite dir la se

ki nou pa'n dir se ki laplipar gro proze pe al avek Departman *Infrastructure*.

E Nou an *dialog* avek CEO *Acting CEO* Mr Shah. I pou annan en transition period kot pou nou konnen kwa ki reste kot nou kwa ki al kot li.

Me selman pwen ki mon le fer se ki la prezan i pa pou zis resours *Local Government* ki pou al vey proze *Local Government*.

Si par egzanz nou vvar nou kot *Local Government* nou bizi nou napa ase bann *supervisors* sorti kot Minister pou al veye, nou kapab toulstan demann en led avek *Infrastructure* dan sa distrik. Kot petet en lot travay pe pase, en lot *Project Manager* i kapab al zet en koudey.

So la pou annan en travay lekip ant nou avek *Infrastructure*. Alor nou espere ki lannen prosenn ler nou'n met sa de resources ansanm, nou ava annan en pli bon lizye lo bann proze ki pe ganny fer lo nivo distrik, pou fer siny sa bann kontrakter i vin lo site, i pe servi byen son bann materyo, i pe *complete within the timeframe*.

E sa i ava en gran soutyen osi pou nou kot *Local Government*, akoz nou napa sa kantite dimoun dan proze kot *Local Government*. E lakantite

proze ki nou *deal* avek i *quite impressive* ki mannyer sa bann manrmay i mannye sa.

Alor mon kontan ki nou pou ganny sa sipor *Infrastructure* ler nou pou bezwen. Mersi.

MR DEPUTY SPEAKER

Mersi *Minister.* Onorab Cosgrow.

HON WALLACE COSGROW

Mersi Mr Chair. Bonn apre midi Mr Chair, bonn apre midi Minis avek ou tim. Minis ou'n koz lo satisfaksyon avek proze, petet Minis eski ou kapab donn nou en lendikasyon or en lesplikasyon lo ki kantite proze zot in fer? Ki kantite lenplimantasyon proze zot in fer pandan sa lannen, akoz mon konnen Mr Commettant kot Minister Finans i gard sa bann poursantaz konplisyon proze tre byen.

So ki kantite zot in fer an konparezon avek Bidze ki zot in gannyen.

E ki kantite in kout zot pandan sa lannen pou fer proze? I enportan pou konnen pou nou kapab mezire. Konmsi letan nou dir nou satisfe nou bezwen kapab mezire dir ki kantite ki nou'n fer.

E dezyenm Minis ou'n osi fer en statement konsernan *daycares*,

rental of daycares. Ou konnen parfwa *daycares* dan Komite sa Minister sa Departman i en Departman pou *Community Development*. So pou get en pti pe kominote.

Parfwa servis *daycare* dan kominote i enportan pou deservi sa kominote, deservi bann paran dan kominote ki vwar li difisil pou sorti dan en kominote pou sot dan en lot. E souvandfwa i difisil pou ganny dimoun pou fer sa. Akoz boner bomaten nou'n koz en pti pe *IECD*. Nou konnen ki difikilte i annan *daycare* partou. So servis *daycare* pou mwan i en servis en pti kominoter.

Now petet formula ki ti ganny aplike avan ti en *formula* kot Gouvernman ti met sa servis a laporte. Menm si ou vwar en dimoun i parey R1200 *the cost of running a daycare* i en pti pe o.

Now si ou vwar petet Gouvernman avan ti fer *the rental* en pti pe bonmarse petet ti annan en rezon, an prenon kont sa bann zafer *community service* parey mon dir ou Minis.

Now going forward ki pou *formula* ou Minister, ou bann desizyon Polisi lo la, ki pou *formula* pou *rental of daycare*? Eski i pou pran kont sa *community aspect* ouswa i pou en biznes, kot ou fer *cost*

recovery or at least ou fer en pti profi pou kapab met dan kof Gouvernman.

So donn nou en lesplikasyon lo la akoz bann paran deor pou kontan tande. Akoz pli *daycare* i monte li paran i pey plis. Mersi bokou Minis.

MR DEPUTY SPEAKER

Mersi Onorab, pou ou premye kestyon mon pa konnen si ou ti la letan – akoz in reponn sa kestyon pou Onorab Uranie. Be selman kekfwa vizavi Bidze sa bout mon pa ti tann nonmen, konmsi *total cost out of the budget*.

Be selman avan Minis i reponn mon krwar nou'n mank en bout pou Mr Adeline, lo kestyon avan ki Onorab Roucou ti demande. So i kapab *proceed*.

MINISTER ROSE-MARIE HOAREAU

Thank you Mr Chair. Mersi Onorab. Mr Adeline ou ava reponn Onorab Roucou apre nou a reponn Onorab Cosgrow. Mersi.

TECHNICAL ADVISER DANIEL ADELINE

Mersi Mr Chair, mersi Mr Roucou. Bon pou kote koup pye dibwa mon krwar parey la ou pou *aware* ki i annan detrwa

lazans ki koup pye dibwa dan pei. E nou lo kote *Local Government* nou anba *minor emergency budget* ki i annan dan *PSIP*, nou pe gannyen lannen prosenn.

I pou pye dibwa ki an danze. Ki mannyer mon pou dir sa ki pe – *causing danger to properties*. Sa ki nou pe dir ouswa pye dibwa avek gro lapli, gro divan in tonbe e i pe koz en problemm pou en zabitant, ouswa pou propriete. Vwala kot nou *Local Government* nou antre pou nou rezourd sa problemm.

Lot kote pye dibwa ki deza pe debout en dimoun li i anvi koupe, sa nou pa antre ladan.

MINISTER ROSE-MARIE HOAREAU

Mersi Mr Chair. Onorab Cosgrow mon pou les Ms Tamatave *regarding the figures*. Me selman konsernan ou pwennvi lo *Daycare Centre rental of Daycare Centres*. Mon ti a voudre en zour ou ti ava vin pas en pti kou dan biro pou mwan montre ou sa bann diferan *file* lo *Daycare Centres*.

Sak *Daycare Centre* i annan son *file*. E mon garanti ou ki sa lozik ki ou'n servi i pa dan sa *file*. Akoz sa bann *daycares* ki pe ganny sa privilez pey R1500 par mwan, son pri ki

i pe sarz paran i napa nanryen pou fer avek ed kominate. I en servis ki i pe donnenn.

I annan *daycare centre* ki bokou pli delapide. Ler mon dir delapide mon'n vin erit en *building* ki mwan mon ti a voudre vwar li pli byen. I annan *daycare centres* ki mon a ti voudre annan sa larzan pou mwan refer li pou sa dimoun ki pe lwe.

Me li parkont son *rent* i R5000, i R6000. Me bann ki pe dan *building* byen solid se zot ki pe pey R1500. E se zot ki zot ki zot pri i pli ser ki sa enn ki pe pey R5000 Roupi par mwan. Ou lozik i totalman valab akoz mon osi mon ti pou mazin koumsa.

Me selman *sadly* mon ti a voudre ou ti a vin dan biro pou mwan montre ou sa bann *file*, i pa sa prensip. I pa sa prensip deryer sa bann *rent* ditou. Napa okenn servis kominoter ki nou pe rann deryer sa lozik fer en dimoun pey R1500 Roupi.

Me *secondly* en lot keksoz ki ou'n demande ki mannyer *going forward* nou, nou pou fer sa. Nou'n fer en kantite analiz. Gouvernman i annan en *ratio* ki *square meter* konbyen zot lwe landrwa. Byensir ou pa kapab pran en *building* dan Victoria pou lwe li menm pri *square*

meter ki en *building* dizon Takamaka.

I annan en bann keksoz ki nou bezwen aziste. Me selman i annan deza en *formula*. me selman nou, nou pa pe get li koumsa nou pe get li en pe plis lo leta sa *building* parey ou dir. Eski sa *rent* i soutenab?

Eski dan sa *rent* olye al pey en gro sonm R26mil Roupi sekirite tou le mwan, eski petet *going forward* nou devre petet pe ranforsi *burglar bars* lo sa bann landrwa. Konmsi *secure* li dan en lot fason petet met camera ki evantyelman i ava kout nou pli mwens.

I annan en kantite panse ki nou pe pas ladan pou nou vwar ki mannyer nou kapab kontinyen ed sa bann dimoun. Me *at the same time secure* landrwa Gouvernman.

Pou donn ou en lide ler nou'n *tender* pou sa 4 dernyen *daycare* ki'n fini ganny *allocate*. Ler nou ti fer *interview* ek sa bann dimoun ki ti *tender* nou ti demann zot. Nou, nou pa ti dir zot *rent*. Zot ti konnen sepa enn i pran 100 lot i pran 60 lot i pran *eighty*.

Zot ti konnen dan zot *tender* konbyen zanfan zot kapab pran *maximum*. Alor ler zot ti vin tender zot ti bezwen fer en *business plan*. Zis dan konversasyon avek zot an

dyalog mon ti poz zot sa kestyon. Konbyen zot krwar zot kapab *afford* pey sa *building* ki zot in fini al vvar, ki zot konnen konbyen zanfan pou vin ladan.

And you will be surprised pli bon marse ki nou ti gannyen R8000 pli ser ki nou ti gannyen se R20,000. Me nou, nou pa pe al sarz dimoun R20,000. Akoz parey ou'n dir nou la pou nou donn en servis. Me pou zis dir ou i annan en *disparity* dan sa bann *existing rent*.

E mon ti a voudre *share* sa bann lenformasyon ek ou. Mon pa pou *share* li la devan *camera*, me selman vin dan mon biro mon montre ou klerman.

E zis pou dir ou poudir i annan bann *rent* ki pli realistik ki nou pou bezwen evantyelman *introduce* lo sa bann ki'n benefisyé bokou, pandan bokou lannen. Mersi.

MR DEPUTY SPEAKER

Mersi Minis. Ms Tamatave.

DEPUTY COMPTROLLER GENERAL ASTRIDE TAMATAVE

Mersi Mr Chair. *Actual depans to date* anba *district small projects* zot in depans R6.7milyon. Anba *minor emergency work* R1.5milyon in ganny depanse.

Anba bann renovasyon pou bann Ladministrasyon Distrik i varye akoz i annan ki spesifik, i annan ki global. I annan par egzanz 1.2milyon pou bann renovasyon zeneral.

Par egzanz distrik Takamaka 468mil. Renovasyon Anse La Blague 303mil sa zis pou nomm enn de. Me selman *Local Government* baze lo proze ki'n fini ganny *tender* e ki committed pou peye ziske lafen lannen avan ler nou fermen, zot pou egzekit en gran poursantaz zot Bidze sa lannen. Baze lo proze ki'n fini *tender* e peyman ki ekspekte antre. Mersi.

MR DEPUTY SPEAKER

Ou annan klarifikasiyon?

HON WALLACE COSGROW

Mersi Mr Chair pou sa klarifikasiyon. Ms Tamatave ou napa en *percentage execution*?

MR DEPUTY SPEAKER

Minis taler in dir 85 percent.

HON WALLACE COSGROW

Eskiz mwan si in dir 85 percent eskiz mwan mon pa'n tandem. Apre dernyen Minis mersi pou ou klarifikasiyon konsernan **Daycare**. Mon ti a zis petet en pledwari zis konsider sa eleman kominoter e sosyal ki zot provide, e nou ava take up nou

de Onorab Gabriel sa offer nou ava vin ansanm pou en pti kafe apre nou ava get sa bann file. Mersi.

MR DEPUTY SPEAKER

Mersi Onorab. Msye Adeline ou, oule azout en keksoz?

TECHNICAL ADVISER DANIEL ADELINE

Yes Mr Chairman. Onorab konsernan finans depans ki nou'n fer anba pti proze. Annefe nou napa zis pti proze annefe mon ti annan 5 vot ki nou fer proze anba la. Nou annan *small projects*, i annan *major maintenance* ki nou prepar bann DA's Offices.

I annan *MNA offices* sa lannen. I annan *minor emergency*, apre i annan *India Grant* apre i annan en *recurrent* ki apel *remedial works*. Ki nou fer bann pti reparasyon kot bann DA's offices ek bann sant kominoter apre bann landrwa kot pe ganny lwe *Day Centre* eksetera.

So normalman la at this point in time nou pa kapab donn en financial status menm son status ziskan ler ki nou fini fer tou peyman sa lannen. E dernyen peyman nou espekte ganny fer le 7 Desanm.

Sa se finans ki'n dir nou by le 7 Desanm nou devret fini

pey tou dimoun, apre sa zot pa
pou kapab peye ziska anba
nouvo Bidze.

So normalman nou pou fer en *annual report*. Proze pou fer en *annual report* pou montre nou *status*, ki nou'n fer pandan sa lannen, konbyen nou'n depanse eksetera *versus* nou Bidze.

So nou pou annan sa
rapor lafen lannen pa lafen
lannen petet i pou sorti dan
Zanvye kot ou ava vwar bann
diferan *statistics* lo kote proze.

MR DEPUTY SPEAKER

Mersi Mr Adeline. Mon krwar sa i en lot rapor ki pou enteres nou Lasanble, akoz i konsern bann *constituency* ki nou, nou reprezante. Si nou ti kapab ganny en kopi sa rapor. Onorab Philip Arissol.

HON PHILIP ARISSOL

Mersi Mr Chair. Bonn apre midi tou dimoun. Minis dan *PSIP* pou 2021 i annan R700mil pou renovasyon e rekouver sant kominoter Anse Boileau. Sa i an progre e eski ou kapab dir Lasanble kan eski sa travay i ekspekte konplete?

E Minis ki plan ou Minister i annan an se ki konsern renovasyon Sant Rekreasyonnel Anse Louis e osi

fencing otour son pti *playing field?* Mersi.

MR DEPUTY SPEAKER

Mersi Onorab, Panel

MINISTER **ROSE-MARIE**
HOAREAU

Mersi Mr Chair, Mr Adeline i
ava pran sa larepons silvouple.

MR DEPUTY SPEAKER

Proceed.

TECHNICAL ADVISER
DANIEL ADELINÉ

Mersi Mr Chair, mersi Onorab pou ou kestyon. Bon lo kote Sant nou apel sa *mini hall* Anse Louis, nou konnen en pe letan ki nou pa ankor fer renovasyon lo la, e pli nou pa fer pli son kou i mont pli o.

Nou espekte avek laprouvasyon *Management* pou fer en keksou lo lannen prosenn, pou kapab *improve* tou bann *defects* ki annan fer serten reparasyon lo la, *hopefully*.

MR DEPUTY SPEAKER

Mersi. PS.

PS KEVIN PERINE

Mersi Mr Chair. Onorab zis pou azoute nou'n fer en li an baz priyoriter. Parey ou konnen sistenm a ler aktyel ki mannyer problem ekonomik i ete. Alor

nou'n santi poudir Anse Boileau *Community Centre* i pli fezab pou ganny renouve a ler aktyel. Apre pli tar parey Mr Adeline in mansyonnen nou ava al bouz dan sa pti sant Anse Louis. Mersi.

MR DEPUTY SPEAKER

Mersi PS. Mon ava pas laparol avek Onorab Philip Monthy. *Hold-on* ou santi i annan en bout ki'n manke Onorab Arissol?

HON PHILIP ARISSOL

Mon ti a kontan konnen kan eski travay lo sant kominoter Anse Boileau pou konplete? Kan ki zot krwar i kapab konplete? Mersi.

TECHNICAL ADVISER DANIEL ADELINÉ

Mersi Mr Chairman. Onorab kontra in fini sinyen, proze in konmanse e dapre kontra (i lo mon *laptop* la) selman dan mon lespri la mon krwar i pou Mars lannen prosenn. Akoz i annan en bon pe louvraz pou fer lo la. *So hopefully* Mars 2022 i devret fini.

MR DEPUTY SPEAKER

Onorab Monthy *proceed*.

HON PHILIP MONTHY

Mersi Mr Chair. Bonn apre midi Minis avek ou *panel*. E mon pou

swiv dan laliny mon bann lezot koleg pou remersye ou ek ou Minister pou ou travay ekselan, pou tir politik dan Ladministrasyon Distrik, akoz Cascade i nepli leka. Tou dimoun i santi zot lib pou vizit Ladministrasyon Distrik prezan.

E mon pou profite pou remersye mon *DA* ek son tim osi pou travay ekselan ki nou pe fer dan distrik. Mon kestyon i pou dan menm laliny sant kominoter. Mon konnen mwan mon'n ganny serten lenformasyon lo la me pou ki mon zabitan i tande. Mon ti a kontan si Mr Adeline ti a donn en pti *update* lo la.

E touzour dan sa laliny an ski konsern *fencing, compound* Ladministrasyon Distrik an vi ki i annan en kantite aktivite ilegal ki deroule dan sa landrwa, eski *fencing* pou form parti proze nouveau sant kominoter ?

E si sa i leka eski nou pou bezwen esper proze konplete pou ki nou vwar sa *fencing* ganny fer, oubyen sa i en keksoz ki kapab ganny fer ase imedyatman an vi parey mon'n dir lakantite aktivite ilegal ki deroule dan sa landrwa? Mersi Minis.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mr Chair mersi, mersi Onorab. Mon a les Mr Adeline reponn silvouple.

TECHNICAL ADVISER DANIEL ADELINÉ

Mersi Mr Chairman, mersi Onorab pou ou kestyon. Bon sant kominoter Cascade i lo latab. Well depi konmansman lannen i lo latab. Nou'n fini son *design* mon krwar ou'n vwar *design* e i reste prezan son finansman.

Sa sant son finansman i anba *India Grant* e sa semenn menm la nou'n *find out* poudir nou espekte ganny son finansman *early* lannen prosenn, avan Mars. E *once* ki finansman i aprouve tou keksoz i ganny sinyen, nou kapab konmans son *tender*.

Prezan lo kote *fencing*. *Fencing* i enkli dan sa proze pou *fence* son *DA's Office* avek son sant kominoter. Ki vedir ki toultan sa proze pa konmanse nou pa pou kapab konmans sa *fencing*.

Well nou pe servi *boundary wall* pa *chaining fence* me blok. I pou depan ki mannyer nou negosye ek sa

kontrakter ki ganny sa louvraz, son *programme of work*.

Wi nou konnen poudir sa landrwa i *open* la. Bann dimoun lot kote kot bazar ensidswit, par ler i vin lot kote bann vandalism ki arive otour sa landrwa. Nou ava gete ki mannyer nou kapab si nou kapab fer sa *fencing* pandan konstriksyon ouswa esper ler i vini.

Selman mon krwar nou kapab fer li pandan konstriksyon, olye esper ler konstriksyon i fini net. Akoz sa kontrakter osi pou bezwen sekirite ler pe fer son konstriksyon. Mersi bokou.

MR DEPUTY SPEAKER

Mersi Mr Adeline mon ava donn laparol Onorab Bastienne.

HON DESHEILA BASTIENNE

Mersi Mr Speaker. Bonn apre midi Minis ek ou delegasyon. Bonn apre midi tou koleg. Minis dan *PSIP* i annan sa 1.2milyon ki mon vwar li in tonm kot *DA's Office* 1. Me selman ler ou'n fer ou lentrodiksyon, mon'n tann ou nomm *community centre*, sant kominoter. Mon ti a zis kontan ou donn mwan en pti leklersisman lo la?

Apre dezyenmman mon konsern i mon vwar bann distrik kot i deza annan *DA's Office*, zot pe *upgrade, renovate*

sa ki pe ganny novo. *community centres* pe ganny *renovate* be Perseverance i ankor lanmenm zero.

Eski, ler nou pe gete eski pou lannen 2022 mon pe mazin sa larzan *daycare* i mont ankor en kou, eski lannen 2022 nou pou demare avek en *community centre* oubyen ou pou *stick* lo *daycare* menm? Konmsi bann zabitan ankor pe esper sa pou Perseverance. Mersi Minis.

MR DEPUTY SPEAKER

Mersi Onorab. Mon ava envit *Panel* pou reponn silvouple.

MINISTER ROSE-MARIE HOAREAU

Mersi Onorab. Mersi Mr Chair. Mr Adeline mon a les ou pran sa bout. Mersi.

TECHNICAL ADVISER DANIEL ADELINE

Mersi Mr Chair, mersi Onorab pou ou kestyon. Lo kote nouvo *DA's Office* ek *Community Centre* Perseverance, son *design* i deza lo latab. Sa 1.2milyon i pou konmans son konstriksyon lannen prosenn. So nou pa espekte konmans boner lannen prosenn, akoz 1.2milyon si ou konmans lannen prosenn *at the end of the year* ou pou napa larzan pou pey kontrakter.

So nou espekte ki *by midyear* an Zen nou espekte konmans son konstriksyon. Son *design* i deza pa konmanse e nou espekte petet boner dan bann Zanye, nou kapab prezan avek ou son *concept* ki mannyer i pou ete.

Lo kote *daycare* sa ki mon aware la se ki i annan en Komite *ECCE* kot *Local Government*, ki pe fer en *survey*. Aparaman sa *survey* i sipoze fer Sanmdi. Kot serten group zabitan in ganny swazir pou fer sa *survey*, pou demann zot si i neseser si zot bezwen en *Daycare Centre* akoz i annan apepre 2 ouswa 3 dimoun ki'n ganny *plot* Perseverance pou fer en *private Daycare Centre*. E prezan zot pe ganny demande eski zot vreman bezwen en *daycare centre* la si non nou move kot en lot distrik. Vwala sa *survey* pe ganny fer *weekend* la. Mersi.

MR DEPUTY SPEAKER

Mersi Mr Adeline. Minister ou oule azout keksoz?

MINISTER ROSE-MARIE HOAREAU

E annefe i annan en pe letan pase nou pe koze avek bann dimoun ek bann *DA's* ki zot *DA's Perseverance*, pou zot *touch base* ek zot bann dimoun

dan distrik. Akoz zisteman parey Mr Adeline in dir, i annan bann dimoun ki pe deza pe fer *Daycare Centres*.

Prezan nou, nou pe demann zabitan Perseverance lefe ki sa servis i deza *available*, e lefe ki larzan Gouvernman i limite, eski zot ti a prefer en *daycare ouswa* en *Community Centre?* *The choice is theirs me bearing in mind* poudir i annan deza dimoun parey Mr Adeline in dir ki'n deza pe al fer en *Daycare Centres*.

Si larzan ti annan en kantite nou ti kapab fer tou le de. Me selman pou nou kapab konmans enn. Nou pe depan lo bann dimoun distrik, dir nou ki zot ti a prefere. Akoz nou annan larzan pou le moman pou fer zis enn nou napa larzan pou fer tou le de.

Alor si nou ti a voudre vwar en sant kominoter ki nou kapab tir sa bann zenn dan semen *get them engaged* dan bann aktivite dan *Community centre*, petet nou devret get dan sa semen, get dan sa laliny.

E petet les *daycare* pou le moman avek bann dimoun ki pe deza pa debourye ek bann ki pe al fer an plis. I pa mwan ki a deside i bann dimoun Perseverance a deside. Mersi Mr Chair.

MR DEPUTY SPEAKER

Mersi Minister. Mon ava donn laparol Onorab Lemiel.

HON SYLVANNE LEMIEL

Mersi Mr Chair. Minister mon konnen i annan sa 1.2 milyon ki ti'n ganny mete anba proze pou *reroofing* Anse Royale *Community Centre*. *But up to now* nou pa ankor vwar nanryen lo teren ganny fer. Petet nou a kontan en pti kontrandi akoz nou pa vwar nanryen pou lannen prosen Desanm in arive.

Mon pe mazinen si nou pe perdi sa larzan oubyen ki pou arive dan sa kont parey. E an menm tan ou ansanm avek mwan nou'n vizit Ladministrasyon Distrik Anse Royale enkli son sant kominoter ki ansanm. E nou'n vwar ki i annan ankor en kantite renovasyon ki demann fer lo sa landrwa.

Me parkont mon ti a kontan konnen dan Bidze 2022, apart sa *reroofing*, si pou annan serten konponan dan Bidze ki ou pou vin tous ankor en pti pe dan sant kominoter, e an menm tan Ladministrasyon Distrik Anse Royale. Mersi.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mersi Mr Chair. *Roofing the office* sa proze pou kout parey ou'n environ 1.2milyon, e sa i osi pe ganny konsidere anba *India Grant* ok? Parey mon dir *financial India Grant* i fini Mars. Alors *hopefully before March* sa larzan in ganny verse, pou nou kapab konmans travay konman nou gannyen.

Regarding renovation lo building DA ek sant kominoter definitivman i bezwen annan en travay ki ganny fer lo la. E zisteman ler nou ava met Bidze ater *between us Management Local Government* nou a bezwen fer mannyer *upgrade* li. Kantmenm nou pa ava fer tou en sel kou, me selman nou bezwen konmanse. *Alright?* Mersi.

MR DEPUTY SPEAKER

Mersi Minis. I annan dimoun pou azoute lo la lo *panel*? Non. *So we proceed to the next question.* Mon ava kriy Onorab Regina Esparon.

HON REGINA ESPARON

Mersi Mr Chairman. Mr Chairman anba *PSIP* paz 687 i annan en som 26,250mil pou en finansman lokal avek en 12,256mil pou *foreign Grant*.

Mon kestyon se eski sa larzan ki la, la i tonm anba *capital projects*. Eski ladan menm ki sa semen Hoareau dan distrik Glacis, Machabee la pou ganny fer anba sa alokasyon ki la? Parske sa semen Hoareau i en proze *outdated* sa en pe letan. Depi 2018 in ale vini ti napa larzan.

Mon kestyon se eski i pou ganny fer anba sa finansman ki mon pe vwar la sa lannen ki pe vini? Premyerman.

Dezyenmman Minis, ou'n dir poudir sak distrik pou ganny apepre 700mil pou bann pti proze distrik. Mon swe se ki letan nou ganny sa alokasyon ki proze i ganny fer i fini.

Parske letan mon pe get dan distrik Glacis, sa lannen ki'n arive, larzan alokasyon 200mil ki ti gannyen in zis pou fini bann proze ki ti konmanse. Premye faz, dezyenm faz, trwazyenm faz.

Konmsi ki mon pe esey demande ki letan i annan en proze distrik konmsi sa alokasyon ki annan, nou fer sa proze nou fini. Ki nou pa pe antre dan premye faz, dezyenm faz *retender, tender* ankor ki sa keksoz i ganny fer i fini.

Epi trwazyenmman sa Kontrakter sinwan ki pe fer travay dan *community centre* la Minis. Mon ti ava kontan

konnen petet si petet zot annan en lenformasyon lekel son partner Seselwa?

Parske an se moman sa bann dimoun ou pa ni kapab koz ek zot. Zot pa konpran ni bonzour, zot pa konpran ni Angle, nanryen. Lekel sa partner Seselwa ki annan biznes ansanm ek sa lakonpannyen Sinwan? Mersi.

MR DEPUTY SPEAKER

Mersi Onorab. Panel.

MINISTER ROSE-MARIE HOAREAU

Mersi Mr Chair. Mersi Onorab. Mon ava pran dernyen bout. Mon kapab anvoy ou en *email*, mon ava donn ou non sa msye seselwa ki form par sa lakonpannyen.

E ou konnen ler nou nou'n ariv kot *Local Government* nou'n vwar poudir i annan sa bann proze ki pa ti ankor fini, i ti pou mal pou nou zis kit li lanmwatye fini.

So i enportan ki nou'n fini sa bann alor annou dir nou'n servi 2021 pou nou konplent bann proze ki ti la, ki bann zabitan ti bezwen. Alor pou 2022 se la kot ou bann *MNAs* avek zot bann *DAs* zot bezwen asiz prezan boner byen boner an Zanyye konmans get bann priyorite zot distrik. Sa i *down*

to the MNAs and the DAs ek zot bann zabitan.

Nou, nou la kot *Local Government* pou *facilitate* me selman nou pa pou kapab vini dir zot ki pou fer dan zot distrik. Alor met papye ater boner annou konnen ki nou le fer.

Mon toutafe dakor poudir annandler sa *tender process* i pran lontan. *Procurement, tender* sepa kwa i pran lontan. Sa i en keksoz ki mon osi mon'n vin aprann pou mwan ganny pasyans avek kot Gouvernman. Akoz kot mwan mon sorti dan *private sector* i mars bokou pli vit. Me pou le moman dan sistem i koumsa, alor nou bezwen *play by the rules* ki egziste.

Me selman mon krwar *going forward* petet keksoz i ava senplifye. I pa pou ganny tir net akoz tou fason ou bezwen en kontrol of some sort.

Me selman petet *going forward* keksoz i ava senplifye, ki prosedir *tender* eksetera i kapab mars en pti pe pli vit. Me selman tout an prenon kont poudir nou bezwen gard sa *cheques*, *balances* ek transparans dan sa ki nou pe fer.

So mon krwar lannen prosenn i pou en lannen eksitan, akoz zot annan plis larzan pou zot travay avek. E i

pou en lannen kot nou pou annan en tranzisyon avek nou *Infrastructure Department*.

Alor nou pou annan de landrwa ki pe travay dan menm direksyon. E *let's hope* ansanm nou kapab fer en bon travay nou tou. Nou tou nou kapab fer en bon travay pou lannen prosenn kot proze distrik i konsernen. Akoz se zot ki konn bezwen zot distrik e nou, nou pou zis *facilitate*.

Me selman, letan nou pe fer sa konversasyon la mon ti a kontan osi dir i annan bokou fwa nou ale ek en proze, nou ganny *financing*, nou ganny *tender*, kontrakter i ganny son kontra. Nou pe al konmans travay apre ki ou vwar en dimoun dan sa proze ki ti'n donn en *wayleave* i deside sanz son lide. E sa i fer nou gat en kantite letan.

Souvandfwa sa lannen nou'n bite koumsa nou. Nou'n met en kantite zefor, en kantite lenerzi nou'n rod larzan, nou'n fer tou sa ki neseser. Zis ler sa kontrakter i mont lo *site* sa dimoun li i sanz son lide. I dir ou i pa pe donn ou *wayleave*, ou pa pou pase la eksetera, eksetera.

So en dyalog ek bann dimoun dan distrik osi i enportan. Ki ler zot in *commit* pa sanz zot lide apre tou keksoz in

fini finalize? Si zot pa pou donnez pa donnez depi boner en mannyer nou pa gat letan lo sa proze.

So i en keksoz ki nou tou nou kapab ede dan nou distrik respektif, pou nou evite ki i arive silvouple. Mersi.

MR DEPUTY SPEAKER

Mersi Minister. Mr Adeline i annan en keksoz pou azoute.

MINISTER

HOAREAU

Mr Adeline ou ava pran silvouple? Mersi.

TECHNICAL

DANIEL ADELIN

Mersi Mr Chairman. Mersi Onorab. Bon semen Machabee, Hoareau i lo *foreign Grant* - vedir sa *foreign Grant* i *India Grant*. So li osi i pou tonm parmi sa bann ki nou espekte ganny finansman avan Mars lannen prosenn. So *design* tou keksoz in fini fer zis pe esper son finansman pou nou kapab konmanse. Mersi.

MR DEPUTY SPEAKER

Mersi Mr Adeline. Nou pe fini nou sesyon 5er ozordi lakantite Manm ki reste lo lalis 2 kestyon silvouple. Pa bezwen met en trwazyenm swazir zot de meyer

kestyon, pou nou *proceed* avek. Onorab Bistoquet.

HON ROSIE BISTOQUET

Mersi Mr Chairman. Mwan mon annan en kestyon avek en pti pti klarifikasiyon. Mr Adeline ti klarifye taler ki peye dibwa bann gran pye dibwa, ki annan ki menas pou propriyete i ganny koupe par egzanp bann ki lo propriyete Gouvernman.

Mwan mon pe demande akoz Pointe Larue i annan bann gran, gran pye dibwa aepre en detrwa mwan pase, enn ladan in tonbe in kraz loto en dimoun ki ti lo son propriyete pou li menm, avek en bout son lakwizin. E preznan i annan dan menm sa landrwa i annan bann gran, gran pye dibwa ki pe menas lezot zabitan dan sa menm rezyon. Be selman sa later i en later prive.

Eski Gouvernman Lokal i ou kapab *entertain* petet la ek lapli ki pe vini e i anpandan Dan Matata. Eski nou kapab petet sey gete ki mannyer nou kapab sey ede?

E mon lot klarifikasiyon mwan personnelman avek mon tim Pointe Larue, nou annan bon lantant avek nou DA Ms Veshna. Nou travay byen ansanm e tou le zedi i annan en *joint meeting* depi ler in vini. I fer *joint meeting* tou le zedi pou

nou tou le de sa de *MNA* Pointe Larue.

Me selman sa lot *MNA* pa'n zanmen in vin zis en fwa. Eski sa ki nou pou dir en bon lantant? Si nou le en bon lantant mon envit *MNA* Conrad pou silvouple vin zwenn nou *meeting* tou le zedi. Mersi.
(Interruption)

MR DEPUTY SPEAKER

Panel, Order, silvouple! Minister proceed.

MINISTER ROSE-MARIE HOAREAU

Mersi Onorab, mersi Mr Chair. Sa bann zafer pye dibwa lo later prive dimoun, in toulstan en keksoz konmsi *where do you end? Where do you begin and where do you end?* Akoz, nou osi konman bann sitwayen nou bezwen responsab keksoz ki pe pouse otour nou lakour.

E nou konman *Local Government*, nou la pou ed bann dimoun ki petet napa sa mwayen. Parey toulstan mon dir nou ed dimoun lo merit. Nou pa kapab zis pran li konman en *Policy* ki dir, *Local Government* pou antre pou vin koup tou pye dibwa dimoun, akoz i pros ek zot lakaz, kantmenm i lo zot later prive.

Alor si ou annan en ka spesifik parey la ki ou pe eksplike. Mon

krwar i enportan pou fer en dyalog separe avek Mr Adeline, akoz i annan *various* keksoz ki nou bezwen demann ou kestyon lo la.

Par egzant eski sa dimoun li menm si zot pe reste an fanmir, zot pa kapab groupe, eski zot annan sa mwayen? I annan en kantite kestyon ki nou kapab demande, olye zis nou, nou vini nou koupe pye dibwa parey ti fer dan lepase. Nou nepli kapab fer sa akoz nou la pou nou ede kot i merite. Nou pa dir nou pa pou fer me selman nou bezwen demann kestyon, nou bezwen annan en *dialog* ek sa bann dimoun.

E i vin parey en *socioeconomic evaluation* avan zis nou antre pou nou konmans koup pye dibwa. Alor mon ti a prefere ou ti a *take up* sa konversasyon ek Mr Adeline en lot zour, ler ou annan en pti letan, pou nou kapab gete si nou kapab fer keksoz, si i merite pou nou fer keksoz. Mersi.

MR DEPUTY SPEAKER

Mersi *Minister*. Mr Adeline ou annan keksoz pou azoute.

TECHNICAL ADVISER DANIEL ADELINE

Zis pou azoute Onorab lo kote pye dibwa. Mon krwar si i

annan en sityasyon ou kapab sey *liaise* ek DA. DA li i ouver en *file* i tir son bann portre i anvoy kot nou, preznan nou, nou vin fer *assessment* lo la avek son evalyasyon. Ok? Mersi.

MR DEPUTY SPEAKER

Mersi Mr Adeline. Mon ava donn laparol Onorab Wavel Woodcock.

HON WAVEL WOODCOCK

Mersi Mr Chair. Minis mon premye kestyon i kot i konsern bann kontrakter avek bann proze sirtou *leading to the last general election*. Ti annan bokou bann proze ki'n ganny fer bann proze *substandard* ouswa menm bann proze vreman drol.

Dan mon distrik Grand Anse Praslin par egzant ou konnen ti annan en fame *ponte vecchio*. Sa de i pran pres 2 met oter ki napa en sou sans. E i annan bann proze ki nou rankontre bokou difikilte avek parey *daycare* ki fek vini fer me in ganny en litani problem avek.

Mon kestyon eski zot an vizavi fer en revi ouswa en *audit* bann diferan proze pandan sa nanryen kekfwa 2an, 3an e en *cost analysis*. Akoz mon santi poudir sa bann proze gro sonm larzan in ganny peye, me ler ou

get *quality* sa bann proze i pa vreman *up to standard*.

E osi bann kontrakter ki kontinyen donn problemm si nou pou kontinyen avek sa bann kontrakter, ouswa zot pou ganny *blacklisted*.

Mon dezyenm kestyon kot i konsern en *challenge* –

MR DEPUTY SPEAKER

Ou trwazyenm sa? Akoz de si pou kontinyen avek –

HON WAVEL WOODCOCK

Permet mwan i lo menm laliny Mr Chair. Kot i konsern pli gro difikilte dan distrik ki nou fer fas avek, se kot i konsern *land surveying*. Pou fer parey *road alignment* ouswa *survey* later. E i annan en *big issue* pou ganny *surveyors*, ki fer ki bokou bann proze nou ganny bokou retar avek sirtou lo Zil Pros.

Sa i nou *main* konsern kekfwa Minis i kapab dir nou ki zot pou fer pou rektifye en pe sa? Akoz mon annan en bon pe proze ki nou ankor pe espere pou konplete, proze semen Constance, semen Lablache. Konmsi pou nou rezourd en pe sa problemm en fwa pou tou.

Epi finalman mon anvi zis dir mersi bokou Gouvernman Lokal avek mon *DA* pou sa bon travay ki zot pe fer dan distrik Grand Anse Praslin.

MR DEPUTY SPEAKER

Proceed Panel.

MINISTER

HOAREAU

ROSE-MARIE

Mersi Onorab. Mersi Mr Chair. Minister i travay tre pros avek *Planning* avek Departman *Land*. E ansanm dan sa dernyen detrwa mwan ki'n pase la nou'n fer bokou – nou'n travay fortman ansanm, zis pou nou kapab konnen par egzanp ou ale ou vwar en pon ki'n ganny fer lo Praslin zisteman ki napa ni en konmansman ni en finisyon.

Me selman tou dimoun i krwar poudir sa pon pou *Local Government* i nou ki pa'n fini fer sa louvraz. I nou ki'n donn sa kontra. Annandler i annan en kantite brouyar ki bout louvraz ki ti pou lekel? Be zisteman la prezan nepli enportan nou la pou nou met keksoz drwat.

Alor se pou kwa mwan monn pran mwan en latitud ki mon travay fortman avek *Planning*, mon rod zot sipor, nou al lo teren ansanm avek *land*.

Pou nou konnen ok nou'n erit sa problemm la ant nou 3 ki mannyer nou pou *solve* li *going forward*. Akoz i nepli tan pou nou zis dir be sa pa mon problemm sa, sa problemm

Planning, ouswa swa pa mon problem sa problem Land. Nou bezwen nou tou met latet ansanm gete, be problem i la. Annou gete pe enport pou ki sa problem, me ki son solisyon. Alor sa se lafason ki *Local Government* i travay avek bann lezot departman ek lezot Lazans.

E wi nou pou bezwen fer en *survey* of tou keksoz ki *either* in mal fer ouswa in fer en bout in kit lanmenm, ouswa en *building* ki'n ganny abandonnen. Tousala bann assets Gouvernman tousala.

Alor wi nou pe travay dan sa direksyon pou nou – nou pe anmas nou bann lenformasyon lo tou sa bann keksoz.

Apre lefe ki Bidze osi nou ankor dan en staz kritik. Nou bezwen prezan *prioritise* lekel ki nou pou al fer li, lekel ki nou pou bezwen met laba pou ankor lan e lekel ki pli irzan pou nou fix. Ou konpran, pou nou repare pou nou refer.

I annan en ta prosedir ki i pa pou ariv demen me selman ou *have to understand* i annan sa dyalog, i annan sa bonn volonte pou nou remet tou sa bann assets Gouvernman dan en bon kondisyon.

Apre re-evalye serten ki en ta larzan in ganny met ladan. E ou bezwen demann ou lekor

kestyon eski nou *abort li there and then?* Akoz napa nanryen ki nou kapab fer pou aranz li, olye zis al *throw money after bad parey* nou dir, or eski nou kapab sove sa proze? I annan en kantite kestyon ki bezwen ganny fer.

Ou pa kapab pran en desizyon lo tou keksoz dan menm fason. Ou bezwen pran sakenn lo son merit. Mersi Onorab.

MR DEPUTY SPEAKER

Mersi Minister. PS.

PS KEVIN PERINE

Mersi Mr Chair. Onorab pou osi mansyonnen ou pa sel distrik ki pe fer fas avek problem pou *survey* semen. E Zis pou mansyonnen bokou distrik pe pas atraver sa menm sityasyon ler aktyel. Sa i lesans ki akoz to proze semen ki'n ganny soumet pou *survey* a ler aktyel ek *Local Government* i 70.

E dapre lenformasyon ki nou'n gannyen ki i annan apepre zis 6 *surveyor* Gouvernman ki pe fer sa travay. E byensir i pa ase e nou pe swete avek larive Departman Lenfrastruktir lannen prosenn, i ava annan en Departman Survey ki ava osi ede pou *ease* sa sityasyon. Mersi bokou.

MR DEPUTY SPEAKER

Mersi Panel. Mon ava pas laparol avek Onorab De Letourdie.

HON JANY LETOURDIE

Mersi Mr Chair. Mwan i refer avek kestyon pli boner ki mon ti demann Minis, pou donn en bref lo sityasyon bidzeter par rapor avek bann lofis *MNA*, lekel pe gannyen pou 2022 en pti pe sityasyon. Wi-wi 2022. Mersi.

MR DEPUTY SPEAKER

Mersi Onorab.

MINISTER ROSE-MARIE HOAREAU

Mersi Mr Chair. Mersi Onorab. Mr Adeline i a reponn. Mersi.

TECHNICAL ADVISER DANIEL ADELINe

Mersi Mr Chair, mersi Onorab pou ou kestyon. Bon bann *MNA's office* ki reste pou fini fer la i annan Roche Caiman, La Digue avek Mont Buxton.

E tou le 3 La Digue avek Roche Caiman i lo staz in fini *tender*. Prezan en zafer *award* kontra. So kontra pou ganny *award* probableman dan bann mwan desanm la, ki ou konmanse Zanvye. E Mont Buxton en pe parey Bel Ombre

son *design* in preski son konsep in fini.

I annan en prezantasyon *hopefully next week* ki a ganny fer. Mon krwar Mont Buxton in donn nou de *proposal*, e *whichever* ki ganny deside lo la nou kapab konmanse. Soumet kot *Planning* e konmans son proze lannen prosenn.

MR DEPUTY SPEAKER

Sa prezantasyon semenn prosenn nou pe ganny envite nou?

TECHNICAL ADVISER DANIEL ADELINe

Wi parey Bel Ombre. Annefe i pou ganny fer ansanm ek Bel Ombre. *Well Bel Ombre* pou fer pou li apre *next one will be* Mont Buxton e *DA* ek *MNA* osi pou ganny envite.

MR DEPUTY SPEAKER

Ok very good. Donk nou ava proceed aprezan avek Onorab Aglae.

HON EGBERT AGLAE

Mersi Mr Chair. Minis ou'n fer resorti en pwen taler ki zot pou balans lafason ki zot pran desizyon, an term bann travay lo nivo distrik kot i konsern bann demann ki bann sitwayen i fer.

Me selman Minis mon pe met li a ou latansyon, ou, ou pe donn nou en parol ki nou pe aksepte le dan Lasanble, me i annan serten DA i dir ou Minis in dir pa fer ditou. So mon krwar ki nou bezwen ekliersi sa, si pa pou fer ditou nou dir nou pa pou fer ditou. Si nou pou negosye nou negosye.

Minis lo kote *minor works* mon'n war i annan R3milyon ki'n ganny mete. Mon ti a kontan petet vi ki la osi nou pe al dan sezon lapli. *Minor emergency works* sa mon pe koz lo la. Mon ti a kontan petet demann ou lo kote prosedir li menm, akoz souvandfwa ler serten lensidan i arive i pran tou bokou letan dan legzekisyon.

E yer mon ti fer referans avek *SLTA* ki li ler i annan en lensidan ki arive *within 48-72 hours* travay pe ganny fer. Eski ou kapab donn nou en garanti ki keksoz pou bouz ase vit dan lenplimantasyon sa bann *emergency* ler i arive kot i kapab?

Dezyenm Minis kot i konsern bann *outstanding project* mon anvi touse, an vi ki la ki i annan 740mil ki pe ganny donnen par distrik. Eski bann priyrite osi pou ganny donnen lo sa bann *outstanding project*, ki i annan en pe letan avek

bann rezon parey ou'n site taler?

I annan rezon *wayleave* ki nou'n kapab rezourd. E bann lezot difikilte legal ki'n atase avek. Eski sa pou ganny pran en konsiderasyon konman bann priyrite osi? Mersi.

MR DEPUTY SPEAKER

Mersi Onorab. *Panel.*

MINISTER ROSE-MARIE HOAREAU

Mersi Mr Chair. Mersi Onorab. Mon a konmans avek dernyen kestyon. *Again i down to you and your DA bann outstanding projects* ki zot santi i en priyrite, akoz si i *outstanding* savedir in la en pti pe letan nou ankor pe esper en pti pe larzan pou nou fer.

Alor sa i en desizyon ki zot bezwen pran lo nivo distrik. Nou, nou zis la pou nou vers larzan ler tou bann kriter in ganny *met* konmsi. Mon pa vwar akoz en *outstanding project* pa ganny met lo priyrite si i en *outstanding* valab. *Ok?*

Me ankor sa en desizyon ki zot ki bezwen pran. Nou, nou la pou nou *facilitate. Emergency e how fast nou respond?* Mon dakor avek ou, kot Minister i annan *room for improvement* lo sa bout, definitivman.

E zisteman nou'n fini fer *meeting at management* pou

nou *regarde* ki mannyer nou pou *tackle*. Akoz en *emergency* par son non *emergency* i bezwen dir nou bezwen deal avek deswit.

Nou pa kapab 2-3 semenn pli tar nou ankor pe *deal* ek sa *emergency*. Alor sa mon konnen mon konsyan i annan en pe travay pou nou fer pou nou kapab - .

I annan bokou ka kot nou arrive fer li konman *emergency*. Me selman i annan de serten ka ki *still* nou pa *happy* avek, ki konmsi mon vwar i tarde.

E pou en rezon ou en lot i pa lafot personn i en rezon ou en lot. Me selman nou bezwen pran en pti pe plis linisyativ pou nou *overcome* sa bann *challenges* ki anpes nou delivre li pli vit. Si ou konpran mwan?

Me selman mon dakor avek ou i annan *room for improvement* e nou pou travay lo la e nou'n fini kommans koze ki mannyer nou pou rezourd sa sityasyon. So en pwen valab.

Ou premye keksoz ki ou'n dir *DA* i dir Minis i dir pa fer. Be Minis napa Lotorite koumsa li. Be mwan mon pa bezwen zot dir mwan la lo *camera*, me selman mon ti a kontan en konversasyon avek zot, pou zot dir mwan lekel sa bann *DA* ki pe servi mon non anven.

Akoz mwan mon napa en desizyon Minis otoriteryel ki dir "pa fer ouswa fer." Be non! O kontrer nou pe *move away from this kind of thing*.

Sa kalite latitud nou pe *move away from it*. E mon byen dezole pou mwan atann pou dir mon annan *DAs* ki pe fer sa ban fraz *allegedly*. Alor se pour kwa mon ti a voudre en konversasyon *off camera avek* ou. Annou koze kan ki sa bann sityasyon in arrive, kwa ki proze ki Minis in dir pa fer?

Annou koze, akoz vomye nou koze nou rezourd, ki nou gard li anndan apre nou krwar poudir Minis pe ser dimoun. Non mon pa la pou sa. Ditou. Mersi.

MR DEPUTY SPEAKER

Mersi Minister. Nou ava proceed next Onorab Romain.

HON GEORGE ROMAIN

Mersi Mr Chair. Minis ou'n tous en pti pe lo mon kestyon ki on ti anvi demande lo kote proze. Mon osi mon vwar proze en pti pe tro dousman ennler sa process dan distrik.

An vi ki nou dan Anse Etoile nou'n fini ou kapab dir nou'n fer ase byen pou al lo lannen 2021. Me selman mon ti a kontan kekfwa dan 2022 i ava al en pti pe pli vit. E mon pa

mazinen kantmenm ennler kekfwa *let's say* in bloke *somewhere*, nou merit kekfwa ganny dir atraver kekfwa, Mr Adeline atraver son biro, en pti *email* anvoy nou, dir nou kekfwa ki bor zot ete.

Akoz ler nou zabitan i *call* nou *at least* nou ava konnen ki nou kapab dir zot, ki bor ki'n bloke.

Apre Mr Chair mon oule profite dir Minis osi mersi avek son tim ek *DA* dan distrik ansanm ek tou son bann travayer. Pou sa lannen 2021 mon krwar nou'n fer en bon travay. E mon espere lannen 2022 nou ava kontinyen parey. Mersi Mr Chair.

MR DEPUTY SPEAKER

Mersi Onorab Romain. *Panel.*

MINISTER ROSE-MARIE HOAREAU

Mersi Onorab, ou premye pwen in note e mersi pou ou lankourazman.

MR DEPUTY SPEAKER

Nou'n fini ouswa Mr Adeline i oule azout keksoz? Zafer anvoy not pou donn en *status report*.

TECHNICAL ADVISER DANIEL ADELINE

Wi Onorab mon krwar i annan room for improvement pou

konsernan komunikasyon. So hopefully nou pou annan sa komunikasyon. Annefe *next year* nou pe etablir en sistèm *IT* ki petet i pou fer nou lavi en pe pli fasil pou ou konn ou status proze pli byen. Mersi.

MR DEPUTY SPEAKER

Mersi Mr Adeline. Onorab Sathya Naidu.

HON SATHYA NAIDU

Mersi Mr Chair. Sa 15poursan proze ki zot pa'n kapab konplent. Eski zot kapab dir dan ki distrik e ki kantite proze an tou si zot annan sa detay?

E lo size *wayleave*, mon oule konnen eski i annan okenn konsekans legal ki atase ek sa dokimantasyon ki bann stakeholders relevan i sinyen.

Akoz si zot pe al fer en semen dizon ou bezwen fer en *survey* e plizyer lezot travay ki swiv, kot zot pe depans en kantite resours. E si finalman sa dimoun i dir zot pa oule donn permisyon, mon krwar zot pou bezwen regard en pe ladan.

E lo kote proze kominoter parey plizyer koleg Onorab in fer resorti. Mwan osi personnelman mon santi i annan kek retar, ki mon santi i bezwen ganny fer se senpleman pou komunik avek nou, poudir si i annan en proze i pou pran

ankor 2mwan, enform nou, dir 2mwan nou a kapab notifye nou zabitant. Olye dir 2mwan apre i vin 4mwan, 5mwan, 6mwan. Se nou finalman ki ou bezwen pran sa responsabilite. Mersi.

MR DEPUTY SPEAKER

Mersi Onorab.

MINISTER ROSE-MARIE HOAREAU

Mersi Mr Chair. Mersi Onorab. *Outstanding projects* Mr Adeline i ava fer en *spreadsheet* i ava fer en *database* i ava *share* avek tou dimoun. *Wayleave* sa mon pou kit avek Mr Adeline, akoz sa i en keksoz ki i telman konplike, i enkli sa dimoun li menm, i enkli ki ou pou fer li si i dir ou kantmenm in sinyen.

Mon pa konnen si i annan en rekour pou li dir in sanz son lide. Mon pa pou kapab pronons mwan lo la. Me petet Mr Adeline i ava annan en pe plis leksperyans. E *improved communication* i en keksoz ki definitivman nou pe travay lo la.

Nou'n aprann bokou sa lannen, akoz *we were all new at this well the team - I was anyway.*

And nou'n aprann *going forward* ki mannyer nou'n konpran prezant. *You learn on the job.* E enn bann keksoz ki

nou pe koz for lo la ki Mr Adeline in mansyonnen briyevman se ki, nou swe se ki nou oule entrodwir parey nou apel en *shared folder*. Ki bann Das, nou menm, tou dimoun avek en *password* byensir i kapab *access*. Ki nou pa bezwen anvoy zot en *email*.

You can just – al kot zot DA dir get en kou ki mannyer sityasyon i ete lo tel proze. E olye pe fer antre *notes* dan liv, ou fer antre ou *notes* direkteman dan sa programm. Ki keksoz i ganny *updated*. I en keksoz ki nou pe koze avek *IT*, i en keksoz ki mon ti a voudre war met an plas pandan lannen prosenn.

E mon konnen menm antre nou, dan Minister i pou *facilitate* nou parey mwan koman Minis. Mon avar konnen ki demars pe ganny – *how far* par egzanz renovasyon pou biro Onorab Lemiel pe *proceed*.

Olye ki toulstan mon bezwen *call* Mr Adeline, ki nou pe fer pou Madam Lemiel. *How far are we? Or lezot* Onorab osi.

Alor sa pou en keksoz, en *good communication tools* sa. Me selman nou bezwen devlop li, e nou bezwen enplimant li. Alors donn nou en pti pe letan, me antretan en kout *phone call*.

En *email*, definitivman *will come towards the MNAs, for sure*. *Communication wi*, nou ava travay lo la. Mersi.

MR DEPUTY SPEAKER

Thank you Panel. Mr Adeline ou napa pwen lo la ou? Non?

TECHNICAL ADVISER
DANIEL ADELIN

Well, Mr Chair mon krwar MNA in koz lo konsekans *wayleave*. Annefe i en dokiman legal ki nou'n – *well* letan mon get dan bann *file*. Depi mon krwar 1993 zot pe servi sa *wayleave*, zot ankor pe servi ozordi la.

E en defayans sa *way leave*, se ki i pa anrezistre li. Petet bann Avoka i kapab konfirm sa, kot nou pa *registered*. Zis nou annan 4 sinyatir, 2 sinyatir sa *owner* ki pe donnen, avek son *witness*. E sa dimoun ki pe aksepte sa *way leave* avek son *witness*.

E nou'n *take it for granted* ki sa dimoun nenport ler, i re tir son *wayleave* i ok. E i annan de ka osi kot pa neseserman sa dimoun, ki tir son *wayleave*. Me bann pti zanfan ki erit sa propriyete. Demen bomaten i vini, i vin rod konpansasyon lo sa later, kot sa semen in pase.

So, tousala mon krwar i bezwen, petet Minis i kapab pronons son lekor lo la ki

mannyer nou pou *polish up* sa bann sityasyon parey.

MINISTER ROSE-MARIE HOAREAU

Mersi Mr Chair. Mon krwar la nou pou bezwen lasistans AG, pou nou kapab konnen *what is the way forward* avek *wayleave*, pou nou pa ganny bann dezapwentman apre. Sa i en keksoz legal, ki nou pou bezwen travay for avek AG lo la. Mersi.

MR DEPUTY SPEAKER

PS oule azout keksoz?

PS KEVIN PERINE

Mersi Mr Chair. An regar dan *way leave* petet mon avar profite, e tan done ki nou lo televizyon nasyonal. Pou lans en lapel avek bann dimoun dan kominate, etandonnen ki nou responsab pou devlopman kominoter.

Pou bann dimoun kapab viv en pti pe pli byen ansanm, bann *neighbours*. Akoz nou vwar kot nou ki parfwa i vin parey nou dan en lakour, kot bokou *neighbours* i vini, pou vin fer en kankan *wayleave* ki pe arive. Pou nou sey *mitigate* sityasyon.

Alor mon swete, ki nou bann *neighbours* dan bann kominate, nou kapab viv pli

byen ansanm. Annan en pe plis lanmour e konpasyon pou lezot nou zabitan. Mersi.

MR DEPUTY SPEAKER

Mersi *panel*. I reste mwan zis 2 entervenan lo mon lalis, mon asire ki mon pa pe mank *personn*. Se sa de *Leaders of the House*. So, nou *ok* avek sa? Mon avar donn la parol Onorab *Leader Lopozisyon*.

HON SEBASTIEN PILLAY

Mersi Mr Chairman. Bokou kestyon in ganny kouver e mon krwar, la mazorite bann *MNA* in kouver la mazorite bann proze ki annan dan zot bann distrik respektif.

So, lefe ki ozordi nou pe selebre lazournen bann dimoun avek dezabilite, mon kestyon i al direk ver sa. Eski anba konfigrasyon bann proze, finansman bann proze, Departman Kominoter i osi enkli en konponan pou bann dimoun ki pe viv ek dezabilite, dan bann sirkonstans kot zot bezwen fer bann proze?

MNA Glacis par egzanp in koz lo en proze pou la fanmir Hoareau. Mon okouran ki annan en konponan sa proze ki *involve* en zanfan ek dezabilite.

So, eski dan sa bann konponan Minister i pran ka sa

bann konponan? E ou'n donn *MNA* en garanti, ki i annan en plan ki'n fini ganny aprouve. Si posib pou fer distrik ganny sa plan so, ou ti ava koz lo la.

Dezyenmman *Mr Chairman*, mersi pou donn mwan loportinite pou *raise* sa pwen. E sa i konsern size sa *India Grant*. Dan sirkonstans bann proze ki dan bann distrik kot i en nesesite, me *Grant* pa ankor materyalize.

Ki ou *plan B* ou Minister i annan vizavi sa bann proze spesifik? Eski ou annan en *plan B*? Akoz nou'n vwar lannen pase *Grant* pa'n ganny materyalize, in annan *issue*. I pa en neseserman en keksoz ki annan pou fer avek ou Minis. Me i natir *Grant*. So, eski ou annan en *plan B* vizavi sa bann proze? Mersi *Mr Chairman*.

MR DEPUTY SPEAKER

Mersi Onorab, Panel.

MINISTER ROSE-MARIE HOAREAU

Mersi Onorab. Mersi *Mr Chair*. Mon ava pran dezyenm kestyon, ler nou, nou'n komans *discussion* avek *India Grant*, nou ti komans li *middle of the year*, ki lanmenm ler nou'n pran tou bann *secondary roads*, proze Hoareau eksetera. Bokou bann keksoz ki annan *impact to*

the community, akoz se sa bann kriter ki *India Grant* i demann ou.

E zot in vin fer *site visit* zot osi, si ti napa en retar lo *the disbursing of the funds*, nou ti'n a fini komans bouz devan, me selman ti annan en pti retar lo *the disbursing of the funds*. E parey mon'n dir boner nou an komunikasyon avek *Desk Officer*.

E in fer nou konpran pou dir *the Financial Year end is March, 31st of March 2022. Now, si God forbid* nou pa ganny sa larzan, ki mwan mon krwar nou pou gannyen, akoz ler zot in *commit, zot in commit*.

Me, *God forbid* ki nou pa ganny sa larzan, nou pou bezwen re tir sa lalis, re get bann priyorite. E mon asir ou ki sa semen Hoareau li i enn bann priyorite *for the simple facts*, sa madanm ti vin vwar mwan byen boner. E i annan en kantite merit deryer sa semen.

E nou pou bezwen met an priyorite bann keksoz ki nou, ek petet sa bann pti *increment* ki nou'n gannyen dan distrik, nou ava servi sa koman en *plan B*. Akoz *bear in mind* nou'n ganny en sonm sibstansyel an plis, pou nou kapab annan en *plan B* avek *per district*.

Me selman mwan, mon annan gran konfidans pou dir

nou *India Grant* pou ganny verse avan le 31. Me selman *rest assured we have a plan B, and that would be sa additional larzan* ki nou'n gannyen. Ti annan en lot kestyion ou'n demann mwan?

MR DEPUTY SPEAKER

Dimoun *disabled* - avek dezabilite.

MINISTER ROSE-MARIE HOAREAU

Non, bann konponan dezabilite *for sure*. Akoz, nou bezwen fer bann - parey nou'n fer bann *ramps*. Nou *modify* bann landrwa ki deza egziste kot bann lakaz, pou ede zisteman sa bann dimoun avek dezabilite.

Krwar mwan Onorab Pillay, ki bann dimoun avek dezabilite i enn bann priyorite *Local Government*. E la nou travay *very closely* avek *Ministry of the Elderly, Family* eksetera. Akoz tousala i marye dan en fason. Me definitivman nou pa pou kit nou bann dimoun dezabilite deryer.

Kot nou pou kapab ede, nou pou ede.

E sanmenm sa bann ka, ki toulstan i annan merit. I annan serten proze ki ou dir, sa petet nou ava bezwen esper lannen

prosen. Me, kot i konsern bann dezabilite, akoz i afekte en fanmir antye. I pa afekte zis sa dimoun. Alors sa pou nou, in toultan en priyорite. E i pou reste en priyорite. Mersi.

MR DEPUTY SPEAKER

Mersi Minister. Dernyen entervenan se *Leader of Government Business*.

HON BERNARD GEORGES

Mersi Mr Chair. Mr Chair mon ti anvi tou dabor, remersye Minis ek son lekip pou lefe ki zot in kapab ganny R740mil pou bann pri proze distrik, pou sa lannen ki pe vini.

Sa i ava, mon konnen pou nou tou en gran soulazman apre sa pti sonm ki nou ti bezwen fer fas avek. Swivan sityasyon *COVID* dan nou pei, e *downturn* ekonomik. Donk felisitasyon Minis, pou lefe ki ou'n kapab fer Minis Hassan aprouv sa larzan pou nou dan sak distrik.

Mon ti pou pran la parol Apre midi koman *MNA* Les Mamelles Mr Chair, me avek ou permisyon permet mwan pran li lo non *LGB* e adres en size nasyonal setadir *wayleave*. En size ki pertinan e ki toultan in en problem dan nou Lasanble, e toultan in en problem pou sa Minister ki la ozordi apre midi.

Mon pa'n zanmen arive konpran akoz ki Minister Gouvernman Lokal, ek Minister Transpor - akoz menm size in pas avek Minister Transpor, pa sa dernyen fwa. Me pli boner sa lannen ler zot ti vin devan Lasanble, avek sa problem *wayleave*.

Transpor pou fer semen, Gouvernman Lokal fer semen, miray enn de lezot keksoz ki tous bann kominote. Mon ti a kontan *remind* Minis e Gouvernman an zeneral, ki ler ou annan en proze kominoter pou en lentere piblik, Lalwa i permet Gouvernman pran en morso later, si en dimoun pa pe donn son permisyon e ki en lentere piblik pe ganny retardé.

Mon pa pe dir ki sa fodre ganny fer dan tou ka, e mon pa oule dir ki i devret ganny fer parey i ti ganny fer anba dezyenm republik. Kot zis zot ti antre apre nou ankor pe negosye 30an pli tar konpansasyon. Non.

Me, mon krwar ki si sa bann dimoun si i annan en konversasyon. E sa bann propriyeter later i ganny eksplike, ki zot annan en swa. Negosye en sonm, negosye en pri, negosye en valer si zot pe ensiste lo la. E ki zot napa lentere piblik a ker, si zot pe

ensiste zot kapab ganny peye en sonm larzan.

E zot napa swa, zot pou bezwen les sa semen pou sa miray, pou sa trotwar or whatever pase.

Mon krwar ki Gouvernman avek zot lentansyon bouz devan, e pa kay avek sa bann problem *wayleave* ankor. Sa se en solisyon ki zot devret pe eksploré. Alor mon met sa devan zot.

Prezan Mr Chair antan ki MNA Les Mamelles, Minis ou konnen egzakteman sa ki mon pe al demann ou. Akoz sak fwa ou devan sa Lasanble mon demann ou menm keksoz.

Mon annan Mr Chair en *Manifesto promise* anver mon bann *constituents*. E sa se pou delivre en *Daycare*, i annan en pe lannen mon pe sey delivre sa *Daycare*. E la mon vvar Minis dan ou lentrodiksyon ou'n mazin koz lo *Indian Grant*. Me ou pa'n mansyonn *Daycare* Les Mamelles.

E mon konpran ki i pa lo lalis, me ou avar kontan konnen ki travay in komanse lo nou kote. Lo kote distrik pou prepar landrwa pou sa *Daycare*, later nou'n fini gannyen. Nou pa pou antre dan okenn politik lo kote nou'n ganny sa later. Me later i la.

In ganny netwaye, e annefe i annan en zoli *l'arbre de Noel* lo la. E mon envit tou nou bann manm Lasanble pou vin vizit nou *l'arbre de Noel*, pandan sa detrwa zour ki pe vini. Akoz vreman i en travay ekstraordiner ki nou bann marmay, dan nou distrik in kapab fer.

Me, napa ni Au Cap, ni Anse Etoile, napa ni Glacis, Les Mamelles si *forever!* Sa nou konnen, tou dimoun i konnen. Mr Chair, eskiz mwan landrwa in fini ganny netwaye, Mr Adeline i okouran. *Architect* in komans fer plan.

Sel keksoz ki mwan mon ti a kontan Minis, ki i donn nou son langazman ozordi, pou mwan kapab mont Les Mamelles e dir zot ki zot pou gannyen zot *Daycare* en zour se promet mwan ki ou ava fer tou sa ki ou kapab dan sa lannen ki pe vini, avek sa nouveau *India Grant*, a parti Avril lannen prosen.

Pou ou negosye nou larzan, dan en fason ki nou kapab komans travay lo sa *Daycare* dan lannen 2022. Mersi Mr Chair.

MR DEPUTY SPEAKER

Mersi LGB. Panel.

MINISTER ROSE-MARIE HOAREAU

Mersi Mr Chair, mersi *Leader of Government Business*. Onorab mon kapab dir ou ki wi, mon'n koz avek Mr Adeline tanzantan mon lev en kou sa size *Daycare Les Mamelles*.

E la Msye Adeline in konfirmen avek mwan, poudir plan pe ganny fer baze lo bann kriter ki neseser pou en *Daycare*. Zisteman Lendi li avek sa *architect* pe al fer en *site visit*, lo kote sa *Daycare Centre* pou ganny *built*.

Alor, lo nou kote osi nou pe fer nou bout. E zisteman le moman ki ou annan sa plan dan nou lanmen, nou annan en *business case* lo la. En rezondet det akoz nou pe rode, e sa definitivman i neseser akoz i pou en servis pou kominate Les Mamelles.

E *this is what India Grant is all about*. *India Grant* i dir ou, ou *submission* i bezwen annan en lenpak kominoter. E mon krwar sa proze pou Les Mamelles i 100poursan sanmenm. Alor ou annan mon langazman ki, le 01 Avril ouswa menm avan. Napa nanryen ki anpes mwan *discuss* avek sa *Desk Officer*, kot *India Grant*, nou kapab komans met dyalog pou dir, nou pe vin serye pou

next year - enn nou bann demann se pou *fund* sa proze Les Mamelles.

Me byensir *by that time* avan mwan, mon al koz ek li, mon bezwen annan mon plan. Mon bezwen annan mon *costing*, mon bezwen annan tou mon keksoz.

So, ou annan mon langazman pou nou *definitely* fer en *daycare*, pou bann dimoun Les Mamelles. Mersi Mr Chair.

MR DEPUTY SPEAKER

Mersi Minister. Onorab Georges.

HON BERNARD GEORGES

Mersi Mr Chair, mersi Minis. Mr Chair mon ti anvi zis anmenn en pti pwen klarifikasyon. Ki ti avar absoliman apropriye si sa ti kapab arive, pandan ki anfen. Pandan ki Mr Adeline i ansarz bann proze, akoz ler li i ti *DA*.

Mon konnen se li ki'n komans sa bann konversasyon pou nou ganny en *daycare*. E i ti avar apropriye si nou kapab ferm sa serk, avek li koman *Project Officer*. Mersi.

Apre tou i en manrmay Les Mamelles, Mr Chair.

MR DEPUTY SPEAKER

Mersi Onorab. Nou pe apros lafen nou sesyon pou ozordi, zot avareskiz mwan parske mon en Manm Elekte. Mon annan en distrik, e mon annan de pti kestyon.

Premyerman dan *PSIP Local Government* nou war en alokasyon R300mil pou *DAs office* Mont Buxton. Mon reste persyade ki nou distrik pa'n depanse sa larzan. So, mon anvi konnen e batiman in anba *state*, serten keksoz ti kapab amelyore. Donk mon anvi konnen ki mannyer nou kapab, pa perdi sa larzan?

E dezyenmman deryer *ex-Hines Housing Estate*, ki trouve Belonie, i annan en semen ki ti pe komans konstri. I annan en manman miray ki'n monte. Mon ti ava kontan *Local Government* i donn mwan zot - .

Si zot ti *involve* avek sa proze, in *seize* li. Akoz in pas lo en propriete prive, ki bann dimoun pe obzekte legalman akoz problem *wayleave* pa'n ganny fer byen dapre mon konpran.

So, mon ti anvi konnen si zot ti enplike dan sa proze, ouswa si in annan lezot Departman Gouvernman, ki'n enplike dan sa proze. Mersi.

**MINISTER
HOAREAU**

ROSE-MARIE

Mersi Mr Chair, mon ava les Msye Adeline reponn sa de kestyon silvouple. Mersi.

**TECHNICAL ADVISER
DANIEL ADELINE**

Mersi Mr Chair, lo kote sa *major renovation* ki nou ti pou fer pou sa R300mil, sa ti'n ganny mete lannen pase. Kot annefe Bidze lannen pase ti fer an Zen 2020. E nou pa ti ankor ganny sa *MNAs offices*.

Me ler sa *MNAs offices* in antre, nou'n vwar pou dir ki nou pou bezwen azoute. Apre fer serten renovasyon kas bann miray, eksatera pou kapab - . Annefe pou war sa plan semenn prosen, dan sa prezantasyon ki mannyer sa nou *DA's office* pou ete.

Ki fer ki nou'n deside pou - i pa volapenn al fer en *major renovation* lo en *building*, kot nou pou al apre fer serten *extension* apre *renovation*. Akoz petet sa laport ki ou pe sanze, demen bomaten ou pe tir sa laport kase, fer en larantre eksatera.

So, se sa ki nou pa'n fer en *major renovation* lo Mont Buxton *DA's office*, e nou pe esper sa *extension* vini. Nou fer en sel *extension and renovation*. Voila.

MR DEPUTY SPEAKER

Mersi. Konsernan sa semen?

TECHNICAL ADVISER
DANIEL ADELINÉ

Lo kote sa semen *ex-Hines*, ou'n avoye en *email* kot mwan. Me nou ankor pe rode si *Local Government* ti *involve* dan sa – akoz i pa tro kler pou mwan son *location* egzakt kot i ete.

Mon konnen ti annan en semen Roche Bois ki ti pou tonm dan semen Mont Buxton. Mon pa konnen si li menm li sa semen?

MR DEPUTY SPEAKER

Wi.

TECHNICAL ADVISER
DANIEL ADELINÉ

Li menm li sa semen, *ok, so Local Government* wi i annan en par ladan ki in fer, ansanm avek *Land Transport*. E en zafer *wayleave*, kot mon rapel *somebody somewhere* pa'n oule donn *wayleave* pou nou kapab fer sa koneksyon Roche Bois pou al Mont Buxton.

MR DEPUTY SPEAKER

Bon mersi pou sa. Nou'n arriv ler aprezan pou nou pran en vot lo alokasyon, Minister Lokal avek bann zafer kominoter ki trouve lo paz 365 e 371, pou en sonm 138milyon R421mil, mon ava

demann bann Manm ki an faver pou vote silvouple?

Bann Manm in vote. Okenn Manm ki kont?

Donk vot pou *Ministry of Local Government and Community Affairs*, ki trouve lo paz 365 ziska 371 pou en sonm 138milyon R421, i annan 22 Manm ki'n vot an faver, okenn Manm pa'n vot kont. E 1 Manm in absténir. Donk sa vot i pase.

Aprezan nou pou pran osi vot ki yer nou pa ti pran. Sa i vot pou *Truth and Reconciliation, National Unity Commission*. Li i trouve lo paz 138 a 142, pou en sonm la valer 15milyon R987mil.

Mon ava demann bann manm ki an faver pou endike silvouple. Ou annan en *point of order*? Ale, dir mwan.

HON SEBASTIEN PILLAY

Mersi Mr Chair. Mr Chairman lefe ki *TRNUC* pa pe vini, e lefe ki nou pe vot son Bidze. I pou enportan pou *TRNUC* vin devan. Mon ti anba lenpresyon ki nou ti'n *include* li dan sa lalis.

Be mon war i drol ki i pa pe vini, me selman lefe ki i pa pe vini i pou enportan. Ki akoz son non i koz lo *Truth and National Reconciliation*. E sa ki nou pe vwar se ki deplizanpli i zis lo konplent, me pa baze lo

relman *foster the National Unity.*

E in annan konsern ki'n ganny *raise* vizavi lenterpretasyon enparsyalite, sa Komisyon e mon krwar i pou neseser pou sa Komisyon sorti en pe plis. Akoz nou pa kont donn li en Bidze pou fer son travay.

MR DEPUTY SPEAKER

Be selman serten –

HON SEBASTIEN PILLAY

Senpleman Mr Chairman mon pa pou fer okenn politik lo la, zis konpran mwan. Mon pa oule fer okenn politik lo la, ki mon krwar i neseser pou sa Komisyon vin devan osi.

E fer serten travay pou li eksplik piblik ki son lentansyon pou *moving forward*. Akoz i annan bann rekomandasyon, ki bezwen sorti from sa Komisyon. Ki mannyer sa bann rekomandasyon pou ganny enplimante ?

E se sa rezonn ki mon krwar ti pou neseser, mon war i drol mon pa'n met li. Me selman si Lasamble in pran sa desizyon, me selman mon krwar i pou neseser ki i annan sa dyalog ki ganny fer, zisteman si relman anvi *foster* limite nasyonal. Parey sa Komisyon in ganny *design for*.

Mon ti zis oule met sa pwen akoz labitid, nou *allow* zofisyen Minister Finans pou donn en pti bref lo rol sa Komisyon, zis pou lentre piblik pou konpran son rol. Mersi.

MR DEPUTY SPEAKER

Mon'n sezi ou pwen. I annan de pwen ki ou'n fer. E zisteman mon ti pe esey aret ou akoz, mon krwar sa i pa pou *fair* pou nou pas en zizman lo travay ki kapab afekte repitasyon sa Komisyon.

Me an menm tan mon pou bezwen donn *LGB* en sans pou dir, akoz mon pa ti dan *ABC* mon ti dan konze dokter. Mon pa ti kapab *attend ABC*, so mon ti avar konnen alor akoz ki *TRNUC* pa'n vini.

Avan nou kontinyen, mon krwar lefe ki nou'n pran vot lo *Local Government*. Nou ava eskiz zot parmi nou, akoz la preznan in fini vin en zafer antre nou, kantmenm pe pas lo televizyon.

So nou ava eskiz zot, nou ava dir mersi Minis Hoareau ki'n avek nou ozordi apre midi. E bann zofisyen *PS Perrine*, i osi annan *Technical Adviser* Mr Adeline e osi *Financial Controller* Madanm Valentin. Nou ava eskiz zot parmi nou. Malerezman Manmzel Astride

Tamatave, ou pou bezwen esper ankor en pti pe letan.

(MINISTER ROSE-MARIE HOAREAU AND HER DELEGATION WAS EXCUSED FROM THE HOUSE)

MR DEPUTY SPEAKER

Donk mon ti oule ki nou ganny en lot pwennvi *LGB* akoz ki *TRNUC* pa'n vin devan Lasanble. Sa ti bezwen en desizyon ki'n pas dan *ABC*.

HON BERNARD GEORGES

Yes, i ti annefe – Mersi Mr Chair. Ti annefe pas devan *ABC* e en desizyon ti ganny pran, ki li parmi plizyer lezot antite pa ti merite vin devan nou, pou divers rezon, mon pa rapel rezon spesifik, akoz *TRNUC* pa'n ganny swazir.

Me si i pa lo nou lalis, se akoz i annan en desizyon ki'n ganny pran ki pa devret – nou pa ti santi li neseser. Me, me e mon dir sa avek rezerv, nou en Lasanble otononom. Nou kapab sanz nou desizyon a nenport ki moman.

E si nou krwar, si Lasanble ozordi i krwar ki i ti avar bon pou anmenn ki antite *TRNUC*, oubyen en lot avan ki nou aprouv son Bidze. Swa demann enn son zofisy'e vini, or demann Minister Finans donn

en leksplikasyon. Mon krwar ki nou kapab fer li.

Mwan lo mon kote mon napa okenn rezervasyon, pou anmenn okenn antite devan nou Lasanble, ki nou krwar, pou en rezon pou en lot nou devret annan li. Tan ki letan i permet.

So kekfwa sa set en solisyon ki nou kapab trouve, kekfwa nou kapab met li a lafen e vvar ki si letan i donn nou la semenn prosenn *sometime*. Donn li en demi erdtan *somewhere* e fer li vin isi.

E si nou napa letan *at least* demann avek Minister Finans, pou prepar en pti prezantasyon lo sa Bidze, dan en fason ki kapab vot lo li. San ki nou pe fer li, san reflekte sa Bidze ki devan. Mersi.

Wi annefe pa neseserman ozordi, mon krwar ki *it might be a little hasty*, etandonnen ki en rezervasyon in ganny leve pou nou fer li ozordi, *let's push it back*. Mersi.

MR DEPUTY SPEAKER

Sertenman mon *agree* avek ou, dan labsans lasazes Speaker Lasanble Nasional, mon pa pou fors sa vot, nou pou *postpone* li ankor, en mannyer ki nou a ganny letan - le 2 kote le 2 *Caucus* reflesir lo la, e

kekfwa i ava en pwen ki avar al devan *ABC* semenn prosen.

E kolektivman le 2 *Caucus* i ava deside an konsiltasyon, avek Minister Finans ki nou pou fer. Mon krwar nou'n ganny en pwen balans, pou ou a relev – Onorab Pillay.

HON SEBASTIEN PILLAY

Mersi Mr Chair. Mon pa konnen sak fwa mon met mon *micro on*, tou dimoun ki asiz dan sa sez i krwar mon pe al fer - . Mwan mon oule zis dir ki sa i en pozisyon akseptab. Ki nou kapab vwar li byen.

Akoz zisteman, akoz piblik deor i pou annan en serten konsern vizavi bann rekomandasyon *and going forward*. So mon krwar sa i en bon note lo ki nou kapab termin nou travay ozordi. E ki nou ava kontinyen avek nou bann travay ozordi.

E ki nou ava kontinyen avek nou bann travay ki reste, bann manm i avar fer zot mye, pou pas lo bann Bidze ki neseser ganny pase, e ki mon ava swet ou, tou dimoun en – La ki mon annan *microphone* mon avar swet tou dimoun en tre bon *weekend*. Mersi.

MR DEPUTY SPEAKER

Mersi. Donk mon ava remersye tou dimoun pou zot partisipasyon pou sa semenn. Pas en bon *weekend* nou ava *adjourn*, e pou re zwenn Lendi, apartir 9er bomaten.

Nou pou bezwen retourne dan Lasanble avan ki – ou vwar mon pa ankor leve lo mon sez. Donk nou pou *adjourn* ziska 9er Lendi.

(ADJOURNMENT)